

ლიტერატურული



საქსა

1969

ლიტერატურულ-მსაჯვრელი და
საზოგადოებრივ-პოლიტიკური აქტუალური

საპარტფელოს მფარველთა კავშირის
აჭარის განყოფილების ორგანო

საქსა

- 11.21.5

საქსა - ლექსები



რედაქტორი

ა. შონია

სარედაქციო კოლეგია:

ხ. ახვლედიანი

მ. ვარშანიძე (პ/მგ მდივანი)

პ. ლორია

აღ. ჩავლეიშვილი

ფრ. ხალვაში

11.02.11



ზ. კაპაბოკიძე

უნდა კვამლდეთ,
საუკუნე გვკვამლებს რთა

რამდენი ითქვა...
 ო, რამდენი სიმღერა ითქვა,
 მართალიც, ყალბიც, ერთ ჩარჩოში ჩასმული
 ერთად,
 მე ოცდაათი წელიწადი ვეძებდი სიტყვას,
 რომ ლენინისთვის საკუთარი ფიქრები მეთქვა,
 რამდენი ითქვა...
 ო, რამდენი გალობა ითქვა,
 მწუხარე ზოგი,
 ზოგი ჩუმი,
 წყნარი და ნელი.
 ნამუსის შიგნით ვიჯექი და ვხარშავდი სიტყვას,
 რომ ერთხელ მაინც შევხვედროდი ვლადიმერ
 ლენინს.

დროსა და მანძილს შემოჰქონდა
 სურვილი წრფელი,
 აზრსა და სიტყვას გაუხშირდა მაჯა და სუნთქვა,
 გენიის გრძნობა უსასრულოდ მტაცებდა ლენინს,
 მე კი ლენინი უფრო ახლოს მყოლოდა მსურდა,
 და ახლა როცა გრძნობისა და
 ვონების მესმის
 და ახლა როცა გადამშორდა
 ცდუნება მრუმე,
 ამაყი გახდა და ძვლიანი
 ქართული ლექსი,
 ლენინი ჩემთან ჩემს მოსვლამდე ყოფილა თურმე.

ო, არა, არ ღირს დამაშვრალი დაძალო ხელი,
ან მშრალი ყელი...

მიჩვეული წამიერ ელდას,
ჩვენ ისე თბილად ვერასოდეს გუმღერებთ ლენინს...
ულიანოვსკის ცისქვეშ როგორც მღეროდა დედა.
ვარ ჩემი დროით დაგროვილი,
მძიმე და სავსე,

გემებთან ერთად ტალღებსა და
სამუშებს ველი.

სიმღერა?

არა, იგი უნდა გადავდო განზე,
რადგანაც დავა და კამათი უყვარდა ლენინს.
ვინ მომცა მიწა?

მზის და მთვარის ცისფერი ზოდი.

ვინ მომცა წყალი?

ეულკანების სისხლი და ფესვი,

ვინ მომცა ქნარი?

ეს მაღალი დაფნების ტოტი,

ვინ მომცა აზრი?

ან მიწაში მფეთქავი თესლი,

ვინ მომცა ღობე?

ეს სურვილის ჩონჩხები ხარბი,

ვინ მომცა კარი?

ეს საზღვარი სინათლის, შიშის.

ოცნება ჩემი თავისუფალ სივრცეში გარბის,
და რაღაც კვდება ღობისა და სახნისის ჩრდილში.

ვინ მომცა სული?

დემონებით ავსილი სივრცე.

ვინ მომცა გული?

ცისფერ ლერწმზე მტევანი ცხელი.

ო, გედავები დროვ და ჟამო,

ცაო და მიწავ.

რადგანაც დავა და კამათი უყვარდა ლენინს,

და თუ მე დამღლის, ჩემი მიზნის ჭენება დამღლის,

ან ძვლიან ხელში გადამტყდარი შოლტი თუ

სახრე,

ათასი ფურთხი ყველა ორგულს, მლიქვნელს

და თაღლითს,

ვინც ეფარება ლენინსა და ლენინის სახელს,
ვინც არის მგელი,
გახვეული კრაველში ცხვარის,
ვინც არის „წრფელი“,
მიჩვეული ცდუნებებს რიგითს,
ვინც სარდაფების და დახლების ფუსფუსით
ცხოვრობს
ამ მაღალი და დაბამბული კარების იქით.

ისეთ ქვეყანას,
გამოკიდულს კლდეში თუ ღრეში,
ისეთ ქვეყანას,
გადაქცეულს მინდვრების ნანად,
ბოროტი ფრთებით მოუჩრდილო საკუთარ მზეში,
საცოდაობა და სირცხვილი არ არის განა?!
არა იმიტომ,
რომ ვილაცის სახელით მმართვეს,
არა იმიტომ,
რომ ვილაცას დაფუტკბო ყური,
მე მტკივა; —
და მე მშობიარე ქალივით ვბადებ
სიტყვას, რომელსაც ზრდის ცხოვრების ცეცხლი
და პური.

არა იმიტომ,
რომ ვილაცის სურვილით მმართვეს,
არა იმიტომ,
რომ ვილაცას სჭირდება ასე,
მე მტკივა —
და მე მშობიარე ქალივით ვბადებ
სიტყვას, რომელსაც მომავალი იმედით ასწევს.
ცხოვრება ჩემი ვერ აიტანს, ოცნებებს მდარეს,
თუ რასმე ვიძენ, გლეხის ხელით და მუშის ხელით.
მე არვის მივცემ იმის ნებას შინა და გარეთ,
წარმოთქვას მხოლოდ ზეიმისთვის „ვლადიმერ
ლენინ!“

დე, იყოს მარში..

დე, დროშების ტყეებიც იყოს,

ყვაოდეს ზეცა და იმედი თაობის გულთან,

მე კი ლენინზე იმ მწუხარე კაცივით ვფიქრობ,
ვისაც მოუკლეს ძმა, რომელსაც სამშობლო
სურდა...



დე, იყოს ზეცა...

მზე იყოს და სინათლე იყოს,

სხივის და წვიმის

და ყვავილის სიცილი სუფთა...

მე კი ლენინზე იმ მწუხარე კაცივით ვფიქრობ,

ვისაც ესროლეს, რადგან ხალხის სიკეთე სურდა.

დე, იყოს ელვაც,

ქუხილებიც,

ღრუბლებიც იყოს,

გადადიოდეს მთებს და კლდეებს გუგუნი ტყეთა...

მე კი ლენინზე იმ ბოგანო კაცივით ვფიქრობ,

ვინც ქოხის ჩრდილში სინათლეს და სიმაღლეს

ხედავს.

ვინ მომცა მიწა?

მზის და მთვარის ცისფერი ზოდი.

ვინ მომცა წყალი?

ეულკანების სისხლი და ფესვი.

ვინ მომცა ქნარი?

ეს მაღალი დაფნების ტოტი.

ვინ მომცა აზრი?

ამ მიწაში მფეთქავი თესლი.

ვინ მომცა ღობე?

ეს სურვილის ჩონჩხები ხარბი.

ვინ მომცა კარი?

ეს საზღვარი სინათლის, შიშის,

ოცნება ჩემი თავისუფალ სივრცეში გარბის

და რაღაც კვდება სახრისა და სახნისის ჩრდილში.

ღერის თუ ყლორტის,

თუ გოროხის დამყვება ვალი,

ვიღაცა მომთხოვს...

და რა რიგად...

და ისიც ბოლოს,

რომ გავყურებდე ჩემს ქვეყანას სტუმარის
თვლით,



აღფრთოვანება
და ყიჟინი ვიქნები მხოლოდ.
ო, მშობლიურო აღტაცებავ,
ცაო და ვაზო,

უნდა ავმადლდეთ, საუკუნე გვავალებს როცა!
ნურავინ ფიქრობს გაგვიყალბოს ან გამოგეტაცოს,
რაც წინაპარმა, ქვეყანამ და ლენინმა მოგვცა.



ფილია მახარაძე

ამ ცხოვრობდა და მოღვაწეობდა ლენინი

ყოველწლიურად სულ უფრო მცირდება იმ ადამიანთა წრე, რომლებიც პირადად იცნობდნენ ლენინს, უნახავთ იგი, მოუსმენიათ მისთვის; და სულ უფრო იზრდება რიცხვი იმათი, რომელნიც მას იცნობენ ფოტოსურათებით, წიგნებით, კინოფილმებით...

მაგრამ ამის გამო იგი არ ხდება უფრო შორეული და ნაკლებ მშობლიური თითოეული ჩვენთაგანისათვის, პირიქით, რაც დრო გადის, ადამიანებში მათ უფრო ღვივდება მისდამი სიყვარული.

ეს უკვდავი, განუმეორებელი სახელი გარემოცულია მშრომელთა სიყვარულით. ისინი უდიდესი მოკრძალებით თავს ხრიან მის წინაშე და ამბობენ — ლენინი ცოცხალია!

ამ სიტყვების სისწორეში კიდევ და კიდევ რწმუნდები, როცა ეცნობი იმ ისტორიულ ადგილებს, რომლებიც დაკავშირებულია უკვდავი ლენინის სახელთან.

ასეთი ისტორიული ადგილები ლენინგრადში 270-ზე მეტია. ქალაქის ბევრ ისტორიულ შენობაზე გაკრულია მემორიალური დაფა, ხოლო ბინები, სადაც ბელადი ცხოვრობდა, გადაკეთებულია ვ. ი. ლენინის სახლ-მუზეუმებად.

ვლადიმერ ილიას ძე პრველად პეტერბურგში ჩამოვიდა 1890 წლის სექტემბერში. მისი პეტერბურგში ყოფნა დაკავშირებული იყო უნივერსიტეტში იურიდიულ ფაკულტეტზე გამოცდების ექსტერნად ჩაბარებასთან. ამ პერიოდს ეკუთვნის პეტერბურგელ მარქსისტებთან დაახლოების ცდები. ლენინი შემდეგ პეტერბურგში ჩავიდა 1891 წლის ზაფხულსა და შემოდგომაზე. ამჯერად ვლადიმერ ილიას ძემ ჩააბარა უნივერსიტეტის ოთხი წლის კურსი. მან ყველა საგანში მაღალი შეფასება და პირველი ხარისხის დიპლომი მიიღო.

ლენინი მეოთხედ პეტერბურგში ჩავიდა 1893 წლის 31 აგვისტოს (12 სექტემბერი), ახლა უკვე რევოლუციური მუშაობის გასაჩაღებლად.

ვლადიმერ ილიას ძე რამდენიმე თვის განმავლობაში ცხოვრობდა სერგიევისა და იამსკოის ქუჩებზე, ლაშტუკოვის შესახვევში, ხოლო 1894 წლის თებერვლიდან 1895 წლის მაისამდე კაზახევის შესახვევში,

სახლი 4/7. ამ ბინაში რომ მოხვდეთ, უნდა გაიაროთ ჭიშკრის ქვეშ და მესამე სართულზე ახვიდეთ იმავე ქვის ფილებით რომლითაც მრავალი ათეული წლის წინათ ახალგაზრდა ლენინის ექსკურსანტები შედიან ლენინის ბინაში. პატარა, უბრალო ოთახი, დაბალი ჭერი და მრგვალი ღუმელი კუთხეში ნათელ წარმოდგენას იძლევა ვლადიმერ ილიას ძის ცხოვრებაზე იმ წლებში. უბრალო რკინის საწოლი, რომელსაც უხეში ქსოვილი აქვს გადაფარებული, პატარა მაგიდა ნავთის ლამპით და რამდენიმე სკამი — აი ყველაფერი, რაც ოთახში არის.

აქ ხშირად მოდიოდნენ მოწინავე რევოლუციონერი მუშები, „ბრძოლის კავშირის“ წევრები. აქ, ამ ოთახში ვლადიმერ ილიას ძემ დაამთავრა თავისი ცნობილი შრომა „რანი არიან „ხალხის მეგობრები“ და როგორ ომობენ ისინი სოციალ-დემოკრატების წინააღმდეგ?“

ამ დროიდან იწყება ლენინის ცხოვრებისა და მოღვაწეობის პეტერბურგის პერიოდი — რუსეთში მუშათა კლასის რევოლუციური მარქსისტული პარტიის შექმნისათვის ბრძოლის პერიოდი.

ვ. ი. ლენინის რევოლუციური მოღვაწეობა დაიწყო ნევის სადარაჯოზე, მუშათა წრეებში — სემიანიკოვსკის ქარხნის მუშის ი. ბაბუშკინის ბინაზე. წრეებს ხელმძღვანელობდა ლენინი. ასეთივე წრეები იყო ჩამოყალიბებული ლენინის ინიციატივით ქალაქის სხვა რაიონებშიც. თავის პროპაგანდისტულ მუშაობაში ლენინი თეორიას მჭიდროდ უკავშირებს პრაქტიკას. იგი ყურადღებით სწავლობს ფაბრიკებსა და ქარხნებში მუშების ცხოვრებისა და შრომის პირობებს; ლენინი უჩვენებს მუშებს, როგორ გამოიყენონ მარქსის მოძღვრება რუსეთის სინამდვილეში, როგორ იბრძოლონ კაპიტალისტების, მეფის თვითმპყრობელობის წინააღმდეგ და დაიცვან მუშათა კლასის ინტერესები.

1895 წლის შემოდგომაზე ლენინმა გააერთიანა პეტერბურგში არსებული ყველა მარქსისტული მუშათა წრე (მათი რიცხვი დაახლოებით ოცს უდრიდა) ერთ ორგანიზაციად, რომელმაც მიიღო სახელწოდება „მუშათა კლასის განთავისუფლებისათვის ბრძოლის კავშირი“. იგი ეკონომიური მოთხოვნებისათვის, შრომის პირობების გაუმჯობესებისათვის, სამუშაო დღის შემცირებისათვის, ხელფასის გადიდებისათვის მუშათა ბრძოლას უკავშირებდა ცარიზმის წინააღმდეგ პოლიტიკურ ბრძოლას. „ბრძოლის კავშირის“ საქმიანობამ შეაშფოთა მეფის მთავრობა; 1895 წლის 9 დეკემბერს ღამით მან გაანადგურა „ბრძოლის კავშირი“ და დაპატიმრა მისი ხელმძღვანელი ვ. ი. ლენინი. დაპატიმრეს აგრეთვე გ. მ. კრუიენოვსკი, ვ. ვ. სტარკოვი, ა. ა. ვანევეი და სხვები.

ლენინი მოათავსეს პეტერბურგის ციხის განმარტოებულ № 193 საკანში. ილიჩი საპყრობილეშიც არ წყვეტდა რევოლუციურ ბრძოლას.

მან დაამყარა კავშირი თავისუფლად დარჩენილ პეტერბურგის
ლის კავშირის“ წევრებთან, მათ აძლევდა რჩევა-დარიგებას, უზარუნულად
დაშიფრულ წერილებს, ბროშურებს, ფურცლებს. ციხის ადმინისტრაციის
ცია უკრძალავდა პატიმრებს ჰქონოდათ მელანი. მაგრამ ლენინმა იპოვა
მდგომარეობიდან გამოსავალი. მელნის ნაცვლად იგი ხმარობდა რძეს,
ხოლო სამელნეს პურის გულისხვან ამზადებდა. საკმარისი იყო საკანის
კარებთან ზედამხედველის გამოჩენა, რომ „სამელნე“ პირში ქრებოდა.
ლენინი თავის ერთ-ერთ წერილში წერდა: „დღეს ექვსი-სამელნე“ შევჭა-
მე“. რომელიმე წიგნის სტრიქონებს შორის რძით გაკეთებული ჩანაწე-
რები არ იწვევდა ეჭვს და არ იპყრობდა ციხის ადმინისტრაციის ყუ-
რადღებას. სამედიცინო წიგნის სტრიქონებს შორის ლენინმა რძით და-
წერა პარტიის პროგრამის პროექტი.

საპყრობილეში ვლადიმერ ილიას ძემ დაწერა პროკლამაცია ცარიზმის
წინააღმდეგ, რომელშიც ამხილა მეფის მთავრობის გახრწნილება და
მოუწოდა მუშებს მასთან ბრძოლისაკენ. აქვე დაწერა მან ბრო-
შურა „გაფიცვების შესახებ.“

ვ. ი. ლენინი ციხეში თოთხმეტ თვეს იმყოფებოდა. 1887 წლის 29
იანვარს გამოიცა მეფის მთავრობის განკარგულება ლენინის აღმო-
საველეთ ციხიბრში სამი წლით გადასახლების შესახებ პოლიციის მეთ-
ვალყურეობის ქვეშ. იმავე წლის 4 მარტს მოსკოვიდან, კურსკის სადგუ-
რიდან ლენინი გაემგზავრა გადასახლებაში — შორეულ სოფელ
შუშენსკოეში.

გადასახლებიდან დაბრუნების შემდეგ (1900 წლის 29 იანვარი) ლე-
ნინმა მხოლოდ ორჯერ მოახეიხა პეტერბურგში ჩასვლა, ისიც არალეგა-
ლურად. 1900 წლის შემოდგომაზე ვ. ი. ლენინი საზღვარგარეთ
გაემგზავრა.

საზღვარგარეთ ლენინი მოელაპარაკა „შრომის განთავისუფლების“
ჯგუფში შემავალ ამხანაგებს — გაერთიანებული ძალებით გამოეშვათ
გაზეთი. მართლაც, 1900 წლის დეკემბერში გამოვიდა გაზეთ „ისკრის“
პირველი ნომერი ეპიგრაფით: „ნაპერწყლიდან ალი აინთება“.

ლენინის მჭიდრო კავშირი პიტერის მუშებთან კიდევ უფრო განმ-
ტკიცდა რუსეთის პირველი რევოლუციის წლებში. ცხარე რევოლუციური
ამბების დროს, 1905 წლის ნოემბრის დასაწყისში ლენინი ემიგრაცი-
იდან პეტერბურგში ჩამოვიდა, რათა თვითონ ეხელმძღვანელა ცარიზმის
წინააღმდეგ რუსეთის პროლეტარიატისა და მისი ავანგარდის — ბოლ-
შევიკური პარტიის ბრძოლისათვის.

პეტერბურგში ჩამოსული ვლადიმერ ილიას-ძე იმედოვნებდა, რომ
იგი ნადეჟდა კონსტანტინეს ასულთან ერთად შეძლებდა ლეგალურად
ცხოვრებას. მაგრამ მეფის მთავრობა ყოველ ღონეს ხმარობდა ლენინის

გრადში ჩამოსვლის შესახებ. სასწრაფოდ შედგა მასთან შეხვედრის დეტალური გეგმა. გაიგზავნა წარმომადგენლები მუშათა საერთო სავაჭრო ორგანიზაციებში, სამხედრო გემებზე, ჯარისკაცთა ყაზარმებში. ჩატარდა მიტინგები და კრებები.

მეზღვაურებმა ბელადის დასაცავად გამოყვეს ნაკრები რაზმი. კმესინსკის სასახლესთან, სადაც მოთავსებული იყო რსდმპ(ბ) ცენტრალური კომიტეტი და პეტროგრადის კომიტეტი, თავი მოიყარეს პარტიული ორგანიზაციების დელეგაციებმა. ისინი გაშლილი დროშით გაემართნენ ფინეთის სადგურისაკენ.

რევოლუციის ბელადის შესახვედრად ქალაქის ყველა კუთხიდან შეიკრიბნენ მუშები, მატროსები, ჯარისკაცები დროშებით, რომლებზეც ეწერა: „სალამი ლენინს!“ შუალამე იქნებოდა, რომ გაისმა ორთქლმავლის საყვირის ხმა, რომელმაც ლენინის ჩამოსვლა ამცნო ხალხს. მატარებელი ჩამოდგა. ვავონის კიბეებზე გამოჩნდა ლენინი. წითელარმიელები და მეზღვაურები დადგნენ საპატიო ყარაულში. ორკესტრმა შეასრულა „მარსელიოზა“. დიდხანს არ წყდებოდა „ვაშას“ ძახილი საყვარელი ბელადის პატივსაცემად. ლენინმა ჩქარი ნაბიჯით გაიარა სადგური და უცებ შეჩერდა მეფის ოთახის შუა ადგილას. აქ იდგა კარლო ჩხეიძე, რომელიც აპირებდა მისალმებოდა ლენინს პეტროგრადის მუშათა დეპუტატების საბჭოს სახელით. ჩხეიძე მოსაწყენად და გაურძვევლად ლაპარაკობდა.

ძველი მენშევიკი, რომელიც მთელი თავისი სიცოცხლე ბოლშევიკების წინააღმდეგ იბრძოდა, ლენინისაგან მოითხოვდა ყოფილიყო კაპიტალიზმის დამცველების გვერდით.

ვლადიმერ ილიჩმა მოისმინა მენშევიკების რჩევა-დარიგება, მობრუნდა და გამოვიდა მოედანზე. იგი პროყექტორებმა გაანათეს, გაისმა მრავალათასიანი „ვაშა“.

სადგურიდან გამოსვლისას სცადეს ილიჩის ჩასმა მსუბუქ მანქანაში. მაგრამ გარშემო ისმოდა განუწყვეტელი ტაში და „ვაშას“ ძახილი. მაშინ მუშებმა იგი ჯავშნოსან მანქანაზე აიყვანეს, საიდანაც მან წარმოთქვა სიტყვა. ბელადი მოუწოდებდა მასებს სოციალისტური რევოლუციის გამარჯვებისათვის ბრძოლისაკენ. მან გამოსვლა დაამთავრა ცნობილი სიტყვებით: „გაუმარჯოს სოციალისტურ რევოლუციას!“

ეს სიტყვები გამოკვეთილია ბრინჯაოს ძეგლის კვარცხლბეკზე, რომელიც აღმართულია ფინეთის სადგურზე. ამ შეხვედრის სამახსოვროდ სკულპტორმა დიდი ბელადი გამოაქანდაკა ჯავშნოსანიდან სიტყვის წარმოთქმის დროს, ზუსტად იმ პოზაში — ხელაწეული, ცოტა წინ გადახრილი. როგორც იგი ახსოვთ მუშებს, ხოლო ჯავშნოსანი, როგორც

წმინდა რელიქვია, დგას ვ. ი. ლენინის ცენტრალური მუზეუმის ლენინგრადის ფილიალის შესასვლელთან.

ვლადიმერ ილიას-ძე დიდად ააღელვა ამ შესანიშნავმა შეხვედრამ ჯავშნოსანზე, ხალხის თანხლებით, ილიჩი გაემართა კმესინსკის სასახლისკენ, სადაც იმყოფებოდა პარტიის ცენტრალური და პეტროგრადის კომიტეტები.

შუალამე გადასული იყო, მაგრამ ათასობით მუშები და ჯარისკაცები იდგნენ ქუჩაში, რათა დაენახათ კომუნისტური პარტიის ბელადი, გაეგონათ მისი ხმა. ილიჩმა რამდენჯერმე წარმოთქვა სიტყვა სასახლის აივანიდან. თენდებოდა, როცა ხალხმა დაშლა დაიწყო.

მეორე დღეს, 4 აპრილს, თავრიდის დარბაზში, ბოლშევიკების კრებაზე ლენინი გამოვიდა მოხსენებით: „პროლეტარიატის ამოცანები მიმდინარე რევოლუციაში“, რომელშიც გადმოსცა თეზისები რევოლუციური პროლეტარიატის ამოცანების შესახებ, განსაზღვრა პარტიის ამოცანები, ჩამოაყალიბა ბურჟუაზიულ-დემოკრატიული რევოლუციიდან სოციალისტურ რევოლუციაზე გადასვლისათვის ბრძოლის გენიალური გეგმა. შემდეგ კი თავისი მოხსენების თეზისები ვ. ი. ლენინმა გაიმეორა კრებაზე, რომელსაც, გარდა ბოლშევიკებისა, მენშევიკებიც დაესწრნენ. ლენინის თეზისებმა პეტროგრადის ბოლშევიკების დიდი მოწონება დაიმსახურა, ხოლო სუქართველოს ბოლშევიკებმა ლენინის თეზისები მიიღეს თავიანთ საბრძოლო პროგრამად. 1917 წლის 23 აპრილს ბოლშევიკურ გაზეთ „კავკაზსკი რაბოჩში“ დაიბეჭდა ლენინის განთქმული აპრილის თეზისები.

1917 წლის ოთხ აპრილს დილის ხუთ საათზე ნ. კ. კრუჰსკაისთან ერთად ვ. ი. ლენინი ბინაზე ესტუმრა თავის დას ანას და მის მეუღლეს მარკ ტიმოთეს-ძე ელიზაროვს (შიროკაიას ქ. № 48/9, ახლა ლენინის ქუჩა). ცოტა ხნის შესვენების შემდეგ ილიჩმა ჩნახულა დედის სამარე ვოლკოვის სასაფლაოზე.

თავისი დის ანა ილიას ასულის ბინა ლენინისათვის პირველი და უკანასკნელი ლეგალური ბინა იყო ოქტომბრამდე. აქ ლენინი ცხოვრობდა ივლისამდე, ხოლო შემდეგ იძულებული გახდა ემუშავა არალეგალურად, რადგანაც დევნას განიცდიდა დროებითი მთავრობის მხრივ.

ექსკურსანტები განსაკუთრებული ინტერესით ათვალიერებენ იმ წლების გაყვითლებულ გაზეთებს, ფოტოსურათებს და დაკითხვის ფურცელს, რომელიც ლენინმა შეავსო სასაზღვრო პუნქტზე. კითხულობენ დეპეშის ტექსტს, რომელიც შვეციის სასაზღვრო ქალაქ ტორნეოდან გამოუგზავნა თავის დას ამ ბინაზე: „ულიანოვას, შიროკაიას 48/9 ბინა, პეტროგრადი, ჩამოვდივარ ორშაბათს ღამეს. შეატყობინეთ პრავდას. ულიანოვი“.

საინტერესოა თითოეული დოკუმენტი, თითოეული მისი დეტალი, რა წერია საბინაო წიგნში ვ. ი. ულიანოვისა და ნ. კ. კრუპსკაიას წესდების კითხვაზე „საიდან ჩამოსხედით“, ჩაწერილია: „მოსკოვიდან“ (გუგუნიანი რათა არ მიექციათ ჟანდარმების ზედმეტი ყურადღება). საინტერესოა ჩანაწერი შეკითხვაზე „რა სახსრებით ცხოვრობთ?“ — რა სახსრებით ცხოვრობენ მდიდრები? — შეეკითხა ილიჩი მეგზოვებს, რომელიც ავტებდა საბინაო წიგნს.

— გასაგებია, რა სახსრებით — კაპიტალით.

— ჩაწერეთ სწორედ ეგრე.

ასე წარმოიშვა ჩანაწერი „კაპიტალით“, რათა არ მიექციათ პოლიციელების ყურადღება.

ლენინის ბინაში მომსვლელთა ყურადღებას იპყრობს ფოტორეპროდუქცია მხატვარ მორავოვის სურათიდან, რომელიც გამოხატავს ლენინის მხურვალე შეხვედრას მუშებთან და ჯარისკაცებთან მოედანზე. ფინეთის სადგურთან.

თეთრი მარმარილოს დაფაზე მოთავსებულია ხელნაწერის ფოტოსლი: „ვ. ი. ლენინის „აპრილის თეზისების“ თავდაპირველი მონახაზი“. ეს ფურცლის მეოთხედს შეადგენს, მაგრამ მასში მოცემულია სოციალისტური რევოლუციის გამარჯვებისათვის ბრძოლის გენიალური გეგმა.

შუშის ქვეშ მოთავსებულია 1917 წლის 7 (20) აპრილის „პრავდის“ გაყვითლებული ნომერი, რომელშიც გამოქვეყნებულია ამ თეზისების ვრცელი ტექსტი.

ელისაროვების ბინაში ვლადიმერ ილიას ძე და ნადეჟდა კონსტანტინეს ასული იკავებდნენ ოთახს, რომელშიც წინათ ცხოვრობდა ლენინის დედა მარიამ ალექსანდრეს ასული. განსაცვიფრებელი უბრალოება ჩანს ყველა იმ საგანში, რომლითაც სარგებლობდა. აი წითელი მაუდიით გადაფარებული პატარა საწერი მაგიდა, რომელზეც ლენინი ხშირად ლამის საათებში წერდა თავის გენიალურ შრომებს. ამ პატარა მაგიდაზე ლენინმა სამი თვის განმავლობაში დაწერა 150-ზე მეტი სტატია, რამდენიმე ბროშურა და სხვა ნაწარმოებები. იყო რა „პრავდის“ რედაქტორი, ლენინი ყოველდღიურად წერდა გაზეთისათვის სტატიებს, ხშირად არა ერთს, არამედ დღეში რამდენიმეს.

კედელთან დგას დიდი კარადა ორი ყრუ კარით. ჩამოსვლის პირველ დღეებშივე ვლადიმერ ილიას ძემ თქვა, რომ მას და ნადეჟდა კონსტანტინეს ასულს ცოტა აქვთ ტანსაცმელი, ხოლო წიგნი და გაზეთები ბევრი, ამიტომ უფრო მიზანშეწონილია კარადა ლიტერატურისათვის გამოვიყენოთ. ასეც მოხდა: კარადაში გააკეთეს თაროები, რომელზეც დააწყეს წიგნები, ბროშურები და გაზეთების დასტები.

ვლადიმერ ილიას ძე იწვა ჩვეულებრივ რკინის საწოლზე. იხურავ-

და უბრალო საბანს. ასევე უბრალოა ნ. კრუჰსკაიას ოთახი. მარცხნივ კუთხეში მაგიდასთან დგას ფერადი ძაფებით მოქარგული სავარძელი. რომელსაც ოჯახში „ბებიას სავარძელს“ უწოდებდნენ, ვინაიდან ლენინის დედას სიცოცხლის უკანასკნელ წლებში ძალიან უყვარდა. სავარძელში ჯდომა და ხელსაქმე. ლენინი ამ სავარძელს დიდი მზრუნველობით ინახავდა, ხოლო 1918 წელს, მოსკოვში გადასვლასთან დაკავშირებით, თან წაიღო.

ილიჩის ოთახიდან შეიძლება გასვლა სასადილოში — საკმარდ დიდ ნათელ ოთახში. აქაც უბრალოება სუფევს: მაგიდა, დივანი, ბუფეტი. აქ იგი სადილობდა, მოკლე შესვენების დროს ისვენებდა სარწეველაში ან ჭადრაკის მაგიდასთან, აქ ატარებდა პარტიის ცენტრალური კომიტეტის წევრთა კრებებს, საუბრობდა მუშებთან, რომლებიც მისი ხშირი სტუმრები იყვნენ.

ოთხ ივნისს ლენინი მონაწილეობდა მუშათა და ჯარისკაცთა დეპუტატების საბჭოების I სრულიად რუსეთის ყრილობის მუშაობაში, რომელიც მიმდინარეობდა ვასილიევსკის კუნძულზე.

აი ტრიბუნაზე ავიდა ცნობილი მენშევიკი ირაკლი წერეთელი, რომელსაც იმ დროს მინისტრის პორტფელი ჰქონდა. გაისმა ნაცნობი ფრაზები ბურჟუაზიასთან შეთანხმების აუცილებლობაზე, „რევოლუციური დემოკრატიის“ მთელი ძალების გაერთიანებაზე... წერეთელი ამბობდა, რომ რუსეთში არ არის ისეთი პარტია, რომელიც თანახმა იქნებოდა ხელში აეღო ხელისუფლება.

— ასეთი პარტია რუსეთში არ არის, — იმეორებდა წერეთელი.

და უცებ, გააწყვეტინა რა სიტყვა მენშევიკ ორატორს, უკანა რიგებიდან გაისმა ძლიერი და მტკიცე ხმა:

— არის ასეთი პარტია!

ეს იყო ილიჩის ხმა.

ივლისის ამბებმა შეწყვიტა რევოლუციის მშვიდობიანი განვითარება. ქვეყნის პოლიტიკური ვითარება ძირფულად შეიცვალა. ბურჟუაზია არავითარ საშუალებებს არ თაკილობდა, რათა სახელი გაეტეხა ბოლშევიკური პარტიისათვის. ლენინს სასტიკად დევნიდნენ. პეტროგრადის სასამართლო პალატის პროკურორის ცნობაში ნათქვამი იყო, რომ ლენინი და სხვა ბოლშევიკები გადაეცნენ სასამართლოს „სახელმწიფო ღალატისათვის“, ბრალდება შედგენილი იყო ჯაშუშებისა და პროვოკატორების ჩვენებების საფუძველზე.

5 ივლისს დილით ადრე ლენინი ინახულა ი. მ. სვერდლოვმა. მან შეატყობინა ილიჩს, რომ ღამით იუნკრებმა და კაზაკებმა დაარბიეს „პრავდის“ რედაქცია. ვლადიმერ ილიას-ძე ამ ღამეს მუშაობდა „პრავდის“ რედაქციაში და ბედნიერი შემთხვევის მიზეზით წავიდა იქიდან

დარბევამდე ნახევარი საათით ადრე. აქედანვე გადაწყდა ვლადიმერ ილიას-ძის არალეგალურ მდგომარეობაში გადასვლა. სვერდლოვს ბრძანების მხრებზე თავისი პალტო წამოასხა, და მათ ერთად დატყვევებულ შიროკაიას ქუჩაზე.

ორი დღის შემდეგ იმ ბინაში შემოიჭრა კონტრრევოლუციონერების შეიარაღებული რაზმი, რომელსაც დროებითი მთავრობის ბრძანებით უნდა დაეპატიმრებინა ლენინი. იუნკრებმა დაათვალიერეს ბინის ყოველი კუთხული, ხიშტს არკობდნენ რბილ ავეჯში. ეძებდნენ ყველგან: სხვენზე, სარდაფში, სახლის ირგვლივ. გაჩხრეკამ აღმოფოთა უბრალო, უსწავლელი სოფლის ვოვონა ანუშკა, რომელიც ელიზაროვეტთან მუშაობდა. როცა დაინახა, რომ იუნკრები მის საბნებშიც ეძებდნენ, დაცინვით წარმოთქვა: „ფუნაკშიც (ღუმელშიც) ნახეთ, იქნება, ვინმე იყოს“.

დროებითმა მთავრობამ 7 ივლისს გამოსცა ბრძანება ვ. ი. ლენინის დაპატიმრების შესახებ და ასი ათასი მანეთი აღუთქვა ყველას, ვინც შეიპყრობდა რევოლუციის ბელადს.

დროებითი მთავრობის თავხედობამ მთელი ქვეყნის მშრომელთა აღმფრთხილება გამოიწვია. 9 ივლისს თბილისში მოეწყო გრანდიოზული მიტინგი (ყოფილ ალექსანდრეს ბაღში), რომელზეც მხურვალე სიტყვებით გამოვიდნენ მუშები და ჯარისკაცები, მიღებულ იქნა საპროტესტო რეზოლუცია.

კონსპირაციის მიზნით ვ. ი. ლენინი ფოფანოვის ბინიდან გადავიდა ნ. გ. პოლეტაევის ბინაში. აქედან მეორე დღეს იგი გადადის მუშა ს. ი. ალილუევის ბინაში (მე-10 როკედენსტვენსკის ქ. № 17). აქ 7 ივლისს შედგა თათბირი, რომელზეც განიხილეს ლენინის სასამართლოში გამოცხადების საკითხი. პარტიის ცენტრალურმა კომიტეტმა გადაწყვიტა ლენინი დარჩეს არალეგალურ მდგომარეობაში და არ გამოცხადდეს დროებითი მთავრობის სასამართლოში.

ატეერბურგში დარჩენა ძალიან საშიში იყო. დროებითი მთავრობის ჯაშუშები და პროვოკატორები ყველგან ეძებდნენ ლენინს.

11 ივლისს პეტროგრადის კომიტეტის დავალებით ალილუევა ლენინი მიაცილა პრიმორსკის სადგურამდე (ახლა სადგური „ახალი სოფელი“). იქ ილიჩს უკვე ელოდებოდა სესტრორეცკის იარაღის ქარხნის მუშა, პარტიის ძველი წევრი ნ. ა. ენელიანოვი. მასთან ერთად ილიჩმა საგარეუბნო მატარებლით მიადწია სადგურ რაზლივამდე.

ლენინი დაბინავეს ფარდულის სხვენზე. რამდენიმე დღის შემდეგ იგი გადავიდა ტბაზე და დაბინადა კარავში მუშა-მთიბავის სახელით. კარავი, რომელშიც ვლადიმერ ილიას-ძე დასახლდა, გაკეთებული იყო ტოტიბისაგან, ზემოდან გადაფარებული ჰქონდა თივა, ხოლო მის მახლობლად, გამოსაჩენ ადგილას იდო ნამგლები და ფიცხები. კოცონის

გვერდით იყო ჩარჭობილი ორი გრძელი პალო, რომელზეც ეკიდა გაბო-
ლილი პატარა ქვაბი. ილიჩი ანთებდა ცეცხლს და ითბობდა ჩაის და
საქმელს.

ლენინის საცხოვრებელი წარმადგენდა წნელების, ტოტებებისა და
ფოთლებისაგან გაკეთებულ დაბალ ქოხს. ვლადიმერ ილიას ძეს განსა-
კუთრებით თავს აბეზრებდნენ კოლოები, მათგან ძალიან ძნელი იყო თა-
ვის დაცვა. ძლიერი წვიმების დროს ლენინს უხდებოდა დაეფარა ქოხი
ტოტებითა და თივით. ქოხში ცხოვრება დაკავშირებული იყო დიდ სიძ-
ნელებთან, მაგრამ ლენინი ამის შესახებ არაფერს ამბობდა და არაფე-
რზე არ წუწუნებდა. დაძაბულ გონებრივ მუშაობას იგი უთავსებდა ფიზი-
კურ შრომას. თიბავდა, აწყობდა თივას, ამზადებდა ფიჩხს, თევზაობდა.

აქ ილიჩთან ჩამოდიოდნენ მისი თანამებრძოლები ი. სტალინი. ი.
სვერდლოვი, ფ. ძერჟინსკი, ს. ორჯონიკიძე. ისინი ილიჩს ამარაგებდნენ
წერილებით, გაზეთებით, ატყობინებდნენ მდგომარეობას. გაზეთებისა
და ცენტრალური კომიტეტის წევრების მოკლე ინფორმაციების საშუა-
ლებით ლენინმა კარგად იცოდა მუშათა კლასისა და გლეხობის განწ-
ყობილება, რევოლუციის მტრების განზრახვა. სწორედ ამიტომ იგი ზუ-
სტად ხედავდა და საზღვრავდა ამბებს, გამოჰქონდა მეცნიერული და-
სკვნები, რომლებითაც ბოლშევიკების პარტია ხელმძღვანელობდა
თავის მუშაობაში.

ერთხელ სერგო ორჯონიკიძემ უამბო ვლადიმერ ილიას ძეს შეხვედ-
რაზე, რომელიც მოუხდა მას ვაგონში პეტროგრადიდან გამგზავრები-
სას. ვილაც მოხუცი მუშა კითხულობდა გაზეთს, რომელშიც მოთხრო-
ბილი იყო, რომ ლენინი საზღვარგარეთ გაიქცა. მუშამ რომ წაიკითხა
ბურჟუაზიული გაზეთი, აღშფოთებულმა დაჰმუჭნა, გვერდზე მოისროლა
და თავისთვის ხმამაღლა წარმოთქვა: „...გაიქცა საზღვარგარეთ, აი ნა-
ხავთ, ორი თვის თავზე ლენინი ახალი მთავრობის თავმჯდომარე იქნება“.

როგორი იყო სერგოს განცვიფრება, როდესაც ილიჩმა, რომელიც
სტატიას წერდა, თავი მაღლა ასწია და სერიოზულად უპასუხა: „ორი-
თვის შემდეგ? შეიძლება უფრო ადრეც“.

ასეთი იყო რევოლუციის ბელადის მტკიცე რწმენა, მან იცოდა, რომ
მომწიფდა ამბები, რომლებსაც რევოლუციისაკენ მივყევართ.

კარავიდან თავისი თანამებრძოლების მეშვეობით ვ. ი. ლენინი ხელ-
მძღვანელობდა რსდმ(ბ) VI ყრილობას. ამ ყრილობამ მოუწოდა პარტი-
ას და მუშათა კლასს შეიარაღებული აჯანყებისაკენ, სოციალისტური
რევოლუციისაკენ.

ვ. ი. ლენინის ცენტრალური მუზეუმის ლენინგრადის ფილიალში
ინახება საგნები, რომლებითაც სარგებლობდა ლენინი რსდმ(ბ) VI ყრი-
ლობის დროს.

ტარა ძველი მაგიდა, გვერდით ორი ძველი სკამი, ფიცრის შეუღებავი საჯდომებით. ეს საგნები იდგა რაზლივში პატარა სახლის სხვენზე.

დიდი ინტერესით ათვალეირებენ მოსულნი დუბლიკატებს, საგნებისა, რომლებითაც ილიჩი სარგებლობდა. აი თუნუქის ჩაიდანი, სუფთა და ხერხი, ნაჯახი, ფოცხი, ნამგალი. აქვე გამოფენილია სურათები, ფოტომასალები, საბუთები, რომლებიც დაკავშირებული იყო ლენინის მუშაობასთან წიგნზე „სახელმწიფო და რევოლუცია“ და სხვა შრომებზე.

სურათს ქვეშ დევს გახუნებული ბამბის საბანი, პატარა ბალიში, ზეწარი...

მუზეუმში ინახება აგრეთვე ნავი, რომლითაც ილიჩისათვის საჭმელი და გახეთები მოჰქონდათ სესტრორეცკის ქარხნის მუშის ნ. ა. ემელიანოვის ცოლსა და შვილებს.

ავვისტოს ბოლოს აცივდა. თიბვის პერიოდიც გათავდა. მთიბავის სახელით დამალვა უკვე საშიში იყო. დროებითი მთავრობის ჯაშუშები დაძვრებოდნენ ირგვლივ. ამიტომ ცენტრალურმა კომიტეტმა გადაწყვიტა ილიჩის ფინეთში გადამალვა.

20 ავვისტოს ღამით ლენინმა სამი მუშა-ბოლშევიკის თანხლებით დატოვა რაზლივი.

გვიან ღამით ფეხით წავიდნენ სადგურისაკენ, სადაც მათ ორთქლმავალი ელოდებოდათ. გზა დაეზნათ. მოხვდნენ ანთებულ ტორფში. ლენინი სერიოზულ საფრთხეში იმყოფებოდა. დიდი წვალებით დააღწიეს თავი ტორფს და ილიჩი მივიდა სადგურ უდელნაიამდე. აქ წინასწარ მომზადებულ კონსპირაციულ ბინაზე გაატარა ლენინმა ნახევარი ღამე. მეორე დღეს კონსტანტინე პეტრეს ძე ივანოვის მოწმობით, ცეცხლფარეშის სახით გაემგზავრა ფინეთში № 293 ორთქლმავალით. იგონებენ, რომ ილიჩმა, როგორც კი ავიდა ორთქლმავალზე, სახელოები დაიკაპიწა და შეუდგა თავისი მოვალეობის შესრულებას.

ბელოსტროვში მატარებელს დახვდა გაძლიერებული დაცვა. გაქცევა უაზრო იყო, რადგან ყველგან პატრულები დაძრწოდნენ. აგენტები გადადიოდნენ ვაგონიდან ვაგონში და ყურადღებით ამოწმებდნენ პასპორტებს, დაყინებით ჩასცქეროდნენ მგზავრებს სახეში. შემოვლა დაიწყო ბოლო ვაგონიდან. შემოწმების დროს ვაგონების კარები იკეტებოდა. ისინი თანდათანობით უახლოვდებოდნენ ორთქლმავალს. აი, მეზობელ ვაგონში შევიდნენ. კიდევ რამდენიმე წუთი და დროებითი მთავრობის ჯაშუშები შეძლებდნენ აღმოეჩინათ ვ. ი. ლენინი. მართალია, მას ჰქონდა საბუთები სესტრორეცკის მუშის კონსტანტინე პეტრეს-ძე ივანოვის სახელზე, მაგრამ საფრთხე მაინც დიდი იყო.

მემანქანე ილავა არ დაიბნა. როდესაც დროებითი მთავრობის ჯა-

შუშები მიუახლოვდნენ ორთქლმავალს, მან სასწრაფოდ მოხსნა იგი შემოდგენლობას და გაემართა წყალსაცავისაკენ წყლის ასაღებად. რამდენიმე წუთი. მგზავრების შემოწმება გათავდა. გაისმა მეორე ბაქანზე აფუსფუსდა ხალხი, მთავარი კონდუქტორი აღელდა, შანი, მაგრამ ორთქლმავალი ისევ იმარაგებდა წყალს. მხოლოდ მესამე ხარის შემდეგ მემანქანე ილავამ წყნარად მიიყვანა ორთქლმავალი შემოდგენლობასთან. სასწრაფოდ გადააბა და გაუდგა გზას. ერთი წუთის შემდეგ მატარებელმა გადალახა ფინეთის საზღვარი, ილიჩი გადავიდა ფინეთში და ცხოვრობდა სოფელ იალკატიამი, სადაც განაგრძობდა მუშაობას თავის გენიალურ ნაწარმოებზე „სახელმწიფო და რევოლუცია“.

ოთახს, რომელიც ლენინს ეჭირა, ახლაც მზრუნველობით ინახვენ. შენობაზე არის მემორიალური დაფა.

ლენინის ხელმძღვანელობით პარტია ყოველდღიურად ამზადებდა პროლეტარიატს შეიარაღებული გამოსვლებისათვის. იმ მიზნით, რომ ილიჩი დაეახლოვებინათ აჯანყების ხელმძღვანელობასთან. ცენტრალურმა კომიტეტმა დაადგინა მისი გადმოყვანა პეტროგრადში.

ლენინს გრიმი გაუკეთეს და ცენტრალური კომიტეტის წარმომადგენლის თანხლებით გააგზავნეს მატარებელზე. წინასწარ ჰქონდათ დათქმული, რომ ლენინის თანმხლებნი ილაპარაკებდნენ ფინურ ენაზე, ხოლო ვლადიმერ ილიას-ძე უპასუხებდა მხოლოდ სიტყვებით: კი, არა. თავის აზრებში გართულმა ლენინმა ვერ გაიგო, როდის დაიწყო ლაპარაკი, და როდესაც საჭირო იყო „კი“-ს თქმა, იგი უარყოფითად აქნევდა თავს, ხოლო როცა საჭირო იყო „არა“, ამბობდა „კი“-ს.

უცნობებმა ყურადღება მიაქციეს ამას. საბედნიეროდ მატარებელი უკვე სადგურს უახლოვდებოდა. ლენინი ჩამოვიდა და ნადეჟდა კონსტანტინეს ასულთან ერთად გაემართა მისთვის წინასწარ მომზადებულ ადგილას ვიბორგის რაიონში. ილიჩი პეტროგრადში ცხოვრობდა სერდობოლსკის ქუჩაზე № 1/112.

ეს იყო მისი უკანასკნელი არალეგალური ბინა.

ძველებურ პატარა ორთქლმავალს № 293, რომლითაც ლენინი 1917 წლის ოქტომბერში არალეგალურად ჩამოვიდა ფინეთიდან პეტროგრადში, მზრუნველობით ინახავდნენ ფინელი მუშები 50 წლის მანძილზე. 1967 წლის ივნისში ფინეთის მთავრობამ ეს ორთქლმავალი გადასცა საბჭოთა ხალხს, როგორც ისტორიული რელიქვია. ეს მატარებელი დღეს დგას ლენინგრადში, ფინეთის ვაგზალზე.

10 (23) ოქტომბერს შედგა ბოლშევიკური პარტიის ცენტრალური კომიტეტის სხდომა.

ეს დაუვიწყარი სხდომა გაიმართა მდინარე კარპოვსკის სანაპიროზე № 32 სახლში. ბინა შეესაბამებოდა მკაცრი კონსპირაციის მოთხოვნებს.

ნებს: იგი პეტროგრადის მხარის საკმაოდ მიყრუებულ ადგილს იყო. ბინაში შეიძლებოდა შესვლა როგორც ქუჩიდან, ისე ეზოდან, რაც საშუალებას აძლევდა ცენტრალური კომიტეტის წევრებს შეჭრის შემთხვევაში შეუძინევლად, ხოლო საფრთხის შემთხვევაში ადვილად დამალულიყვნენ. რაც მთავარია, ბოლშევიკი ქალის გ. ვ. ფლაქსერმანის (ცენტრალური კომიტეტის სამდივნოს მუშაის) ბინა პოლიციას საეჭვოდ არ მიაჩნდა, რადგან იგი ეკუთვნოდა მის ქმარს, ცნობილ მენშევიკ სუხანოვს, რომელიც იმ დროს ქალაქში არ იყო.

შეიკრიბნენ ცენტრალური კომიტეტის წევრები: სტალინი, სვერდლოვი, ძერჟინსკი, ურიცკი, ბუბნოვი, კოლონტი და სხვები, სულ 12 ამხანაგი.

ლენინს აცნობეს, თუ როგორ მზადდებოდა აჯანყება. ვლადიმერ ილიას ძემ სახელდახელოდ გამოკითხა ყველას და პირდაპირ საქმეზე გადავიდა.

სხდომაზე ლენინმა გააკეთა მოხსენება მიმდინარე მომენტის შესახებ და დასამტკიცებლად შეიტანა რეზოლუცია შეიარაღებული აჯანყების თაობაზე.

ზინოვიევი და კამენევი გამოვიდნენ შეიარაღებული აჯანყების ლენინური რეზოლუციის წინააღმდეგ.

ცენტრალურმა კომიტეტმა საკადრისი პასუხი ვასცა კაპიტულანტებს. ლენინის რეზოლუცია მიიღეს ათი ხმით ორის წინააღმდეგ.

შეიარაღებული აჯანყების მომზადებისადმი პოლიტიკური ხელმძღვანელობის გაძლიერების მიზნით სხდომის ბოლოს ფ. ე. ძერჟინსკის წინადადებით გადაწყდა შექმნილიყო ცენტრალური კომიტეტის პოლიტიკური ბიურო.

1917 წლის 16 ოქტომბერს შედგა პარტიის ცენტრალური კომიტეტის გაფართოებული სხდომა, რომელიც მოწვეულ იქნა ლენინის წინადადებით აჯანყების მომზადების მსვლელობის შესამოწმებლად და მუშაკების უფრო ფართო წრისათვის ცენტრალური კომიტეტის 10 ოქტომბრის გადაწყვეტილების გასაცნობად. ცენტრალური კომიტეტის წევრებთან ერთად სხდომას ესწრებოდნენ პარტიის პეტროგრადის კომიტეტის, სამხედრო ორგანიზაციის, პეტროგრადის საოლქო კომიტეტის, პროფესიული კავშირების, საფაბრიკო-საქარხნო კომიტეტების წარმომადგენლები.

ლენინი და მისი გამყოლი რაზმა დათქმულ ადგილზე ზუსტად დანიშნულ დროზე, 7 საათზე მოვიდნენ. მათ პირობისამებრ შეხვდა პიტერელი მუშა, ძველი ბოლშევიკი ალექსანდრე შოტმანი.

საიდუმლო შესასვლელით ისინი მეორე სართულზე ავიდნენ. წამოიჭრა საკითხი — ვლადიმერ ილიას ძე სხდომაზე პარტიით შესულიყო თუ უპარტიოდ. გადაწყვიტეს მოეხსნა პარტია.

და აი ლენინი შევიდა ოთახში. ყველა წამოდგა, მივიდნენ მასთან. ხელს ართმევდნენ, დააყარეს შეკითხვები.

ვლადიმერ ილიას ძემ წამოაყენა წინადადება — დაეწყოს ^{ერქიწეული} ~~საქმიანობა~~ ჩამოვარდა სიჩუმე. სიტყვა მისცეს ლენინს.

ბელადმა გააკეთა ორსაათიანი მოხსენება შეიარაღებული აჯანყების შესახებ ცენტრალური კომიტეტის 10 ოქტომბრის რეზოლუციის დასაცავად. კვლავ, როგორც ცენტრალური კომიტეტის 10 ოქტომბრის სხდომაზე, აჯანყების წინააღმდეგ გამოვიდნენ ზინოვიევი და კამენევი. ლენინმა და სხდომის სხვა მონაწილეებმა ამ გამოხდომას მყისვე გასცეს საკადრო-სი პასუხი.

სხდომის დამთავრების შემდეგ აირჩიეს აჯანყების ხელმძღვანელი სამხედრო-რევოლუციური ცენტრი ი. ბ. სტალინის, ი. მ. სვერდლოვის, ფ. ე. ძერჟინსკის, ა. ს. ბუზნოვის, მ. ს. ურიცკის შემადგენლობით. ეს ცენტრი შეყვანილ იქნა პეტროგრადის საბჭოსთან არსებულ სამხედრო-რევოლუციურ კომიტეტში, როგორც მისი ხელმძღვანელი ბირთვი. მის საქმიანობას წარმართავდა ვ. ი. ლენინი.

პარტია შეუდგა ცენტრალური კომიტეტის ისტორიული გადაწყვეტილების განხორციელებას. რამდენიმე დღეც და ძღვევამოსილმა დიდმა ოქტომბრის სოციალისტურმა რევოლუციამ გაიმარჯვა.

ამჟამად ოთახში, სადაც შედგა ცენტრალური კომიტეტის ეს სხდომა, ვ. ი. ლენინის სახლ-მუზეუმი. აქ ყველაფერი ისევეა, როგორც იყო ოქტომბრის იმ დაუვიწყარ ღამეს. უბრალო შპალერი, გრძელი სასადილო მაგიდა, ირგვლივ სკამებით, პატარა წიგნების კარადა. ფანჯარასთან დივანი, მოპირდაპირე მხარეს მუხის ბუფეტი, ფანჯარაზე, რომელიც ეზოს გადაჰყურებს, ჩამოფერებულა სქელი ფარდა, რათა ქუჩაში არ გავიდეს სინათლე. ასე იყო მაშინაც, 50 წლის წინათ, როდესაც აქ სხდომა შედგა, ისტორიული სხდომა.

აჯანყება დაიწყო. 24 ოქტომბერს საღამოს ვ. ი. ლენინმა ცენტრალური კომიტეტის წევრებს მისწერა იატაკქვეშეთიდან თავისი უკანასკნელი წერილი. იგი წერდა: „ამ სტრიქონებს ვწერ 24-ს საღამოს, მდგომარეობა უაღრესად კრიზისულია. აჯანყების დაყოვნება სიკვდილს უდრის...“

ლოდინი შეუძლებელია. შეიძლება ყველაფერი დაკარგოთ! გამოსვლის დაყოვნება სიკვდილს უდრის“ (თხზ., ტ. 26, გვ. 269-271).

ეს წერილი სმოლნში წაიღო მ. ვ. ფოფანოვამ.

პიტერში მდგომარეობა უკიდურესად დაძაბული იყო.

ყოფნა-არყოფნის საკითხს წყვეტდნენ საათები და წუთები.

ვ. ი. ლენინმა არ დაუცადა პასუხს და გადაწყვიტა წასულიყო სმოლნში. მან გაიკეთა ძველი პარიკი, რომელმაც უკვე ერთხელ დიდი საჭ-

სახური გაუწია. ლოყა წითელი თავსაფრით შეიხვია და დატოვა კრისტობირაციული ბინა. დიასახლისს დაუტოვა წერილი:

„წავედი იქ, სადაც თქვენ არ გინდოდათ წავსულიყავი“.  ერყონეშვილი
სამხ. ბიბლიოთეკა

შუალამე იყო, როდესაც ლენინმა სმოლნს მიაღწია და მე-10^ე ოთახში მოიხადა ქუდი, მოიხადა პარიკი და... უცებ სხვადასხვა მხრიდან გაისმა ხმები: „ილიჩი! ილიჩი!“ იგი მხოლოდ მაშინ მიხვდა და თავზე იტაცა ხელი, მაგრამ უკვე გვიანი იყო. ამით გათავდა ლენინის კონსპირაცია.

ლენინმა უშუალოდ აიღო ხელში აჯანყების ხელმძღვანელობა. რევოლუციის ბელადი აჯანყების საჭესთან დადგა.

25 ოქტომბერს დილისათვის რევოლუციურმა ჯარებმა და მუშათა რაზმებმა დაიკავეს რკინიგზის სადგურები, ტელეგრაფი, ხიდები ნევაზე, ელექტროსადგური და სხვა უმნიშვნელოვანესი პუნქტები. მთელი ქალაქი აჯანყებული პროლეტარიატისა და ჯარისკაცების ხელში იყო. დროებითი მთავრობის ხელში რჩებოდა მხოლოდ ზამთრის სასახლე და მთავარი შტაბი.

25 ოქტომბრის (7 ნოემბრის) დილის 10 საათზე სამხედრო-რევოლუციურმა კომიტეტმა გამოაქვეყნა ვ. ი. ლენინის მიერ დაწერილი, ახალი ხელისუფლების პირველი ოფიციალური ისტორიული დოკუმენტი — მიმართვა „რუსეთის მოქალაქეებისადმი“, რომელშიც ლაპარაკი იყო დროებითი მთავრობის დამხობასა და სახელმწიფო ძალაუფლების საბჭოების ხელში გადასვლაზე. იმავე დღეს 2 საათსა და 30 წუთზე სმოლნში გაიხსნა პეტროგრადის მუშათა და ჯარისკაცთა დეპუტატების საბჭოს საგანგებო სხდომა. დეპუტატები ფეხზე ადგომით და მქუხარე ტანით შეხვდნენ ლენინს. თავის ისტორიულ სიტყვაში ლენინმა თქვა: „ამხანაგებო! მუშათა და გლეხთა რევოლუცია, რომლის აუცილებლობის შესახებ მუდამ ლაპარაკობდნენ ბოლშევიკები, მოხდა...“

ამიერიდან იწყება ახალი ხანა რუსეთის ისტორიაში და რუსეთის ამ მესამე რევოლუციას საბოლოო შედეგად უნდა მოჰყვეს სოციალიზმის გამარჯვება“ (თხზ., ტ. 26, გვ. 276).

1917 წლის 25 ოქტომბერს, საღამოს 10 საათსა და 45 წუთზე სმოლნში გაიხსნა მუშათა და ჯარისკაცთა დეპუტატების საბჭოების სრულიად რუსეთის II ყრილობა. დელეგატების უმრავლესობა ბოლშევიკები იყვნენ. ყრილობამ გამოაცხადა მთელი სახელმწიფო ხელისუფლების გადასვლა საბჭოების ხელში როგორც ცენტრში, ისე ადგილებზე.

ლენინი ყრილობის პირველ სხდომას არ ესწრებოდა, იგი სმოლნში იმყოფებოდა. ვლადიმერ ილიას ძეს მთელი ღამე არ უძინია და ერთი წუთითაც არ დაუსვენია, მთელი დღე სმოლნში იყო და ხელმძღვანელობდა ზამთრის სასახლის აღების უკანასკნელ ოპერაციებს და მხოლოდ მა-

შინ, როცა 2 საათსა და 10 წუთზე აღებულ იქნა ზამთრის სასახლე, ხოლო ლამის 4 საათზე დაპატიმრებულ იქნა დროებითი მთავრობა (კერენსკი საიდუმლო გასასვლელით გამოვიდა ზამთრის სასახლიდან და გივანთაძის რიკის საელჩოს მანქანით), ლენინი სმოლნიდან წავიდა ვ. დ. ბონჩ-ბრუევიჩთან დასასვენებლად (ხერსონის 5/7, ბინა 9).

ახლა ამ ოთახში შემონახულია საგნები, რომლებითაც ლენინი სარგებლობდა. აი, საწერი მაგიდა, ორი სკამი, მაგიდის ლამპა, ტელეფონის აპარატი, საწოლი; ყველაფერი ეს უსაზღვროდ საყვარელი და ძვირფასია ყველა საბჭოთა ადამიანისათვის.

დილით სმოლნში ვ. ი. ლენინი წერს დეკრეტს ზავის შესახებ.

საბჭოების II ყრილობის მეორე სხდომა გაიხსნა საღამოს 9 საათზე. ლენინი ამ დღეს პირველად გამოჩნდა ყრილობაზე და გამოვიდა მოხსენებით ზავისა და მიწის საკითხებზე. მიღებულ იქნა პირველი დეკრეტები ზავისა და მიწის შესახებ. ყრილობამ შექმნა მსოფლიოში პირველი მუშურ-გლეხური მთავრობა — სახალხო კომისართა საბჭო. სახკომსაბჭოს თავმჯდომარედ არჩეულ იქნა ვ. ი. ლენინი.

დიდი ოქტომბრის სოციალისტურმა რევოლუციამ გაიმარჯვა.

ბევრი ექსკურსანტი მიემართება სმოლნში, სადაც ყველაფერი დიდ ამბებზე მოგვითხრობს. აი ოთახები, სადაც შეიარაღებული აჯანყების შტაბი იყო მოთავსებული, ცნობილი სააქტო დარბაზი, საიდანაც გაისმა ვ. ი. ლენინის ისტორიული სიტყვები დიდი ოქტომბრის სოციალისტური რევოლუციის გამარჯვების შესახებ.

სმოლნის მარცხენა ფრთაზე, მეორე სართულზეა პატარა, უბრალოდ მოწყობილი ოთახი, სადაც ლენინი ცხოვრობდა საბჭოთა მთავრობის მოსკოვში გადასვლამდე — 1918 წლის 10 მარტამდე. მას ეკავა არა ბინა, არამედ ერთი ოთახი, რომელიც ტიხრით გაყოფილია ორ ნაწილად. ერთ კედელთან პატარა საწერი მაგიდაა ნავთის ლამპით, მაგიდაზე უბრალო სამელნე მოწყობილობა და ტელეფონის აპარატი. მეორე კედელთან პატარა კარადაა წიგნებისათვის, გვერდით ორი რბილი სავარძელი და პატარა ოვალური მაგიდა, დაბალი ფიცრის ტიხრის იქით — ორი უბრალო რკინის საწოლი და პატარა ტანისამოსის კარადა, მაგიდა, მაგიდასთან პატარა სარკე, ჯარისკაცის ნაჩუქარი.

მზრუნველობით არის დაცული მომავალი თაობებისათვის ეს ოთახები, ექსკურსიის მონაწილეები ყურადღებით ათვალიერებენ თითოეულ საგანს.

საბჭოთა მთავრობის მოსკოვში გადასვლის შემდეგ ვ. ი. ლენინი ორჯერ ჩამოვიდა პეტროგრადში — პირველად 1919 წლის მარტში, მ. გელიზაროვის დასაფლავებაზე და მეორედ, 1920 წლის ივლისში, როცა

იგი თავრიდის სასახლეში ხელმძღვანელობდა კომინტერნის კონგრესის მუშაობას.

ლენინგრადის მუზეუმის დარბაზებში, მიუხედავად იმისა, რომ გსსრ-ის სავსეა ექსკურსანტებით, საზეიმო სიჩუმე სუფევს. ხანგრძლივად, მღუპარედ დგანან ექსკურსანტები კოსტუმთან, რომლითაც უკანასკნელად ჩამოვიდა ლენინი პეტროგრადში, გაცვეთილი პიჯაკი, ყილეტი, შარვალი. მილიონობით ადამიანისათვის ნაცნობი კეპი... უყურებ ამ უბრალო კოსტუმს და თითქოს შენს წინაშე დგას ყველაზე ადამიანური ადამიანი, დაუვიწყარი ვ. ი. ლენინი.

1924 წლის იანვარში, ლენინის გლოვის დღეებში სსრ კავშირის საბჭოების II ყრილობამ დააკმაყოფილა პეტროგრადის მშრომელთა სურვილი, რომ პეტროგრადს ეწოდოს ლენინგრადი.

ლენინგრადის ისტორიულ ადგილებს, რომლებიც ლენინის ცხოვრებასთან და მოღვაწეობასთან არის დაკავშირებული, ნახულობენ არა მარტო ლენინგრადელები, არამედ ჩვენი დიადი სამშობლოს სხვა ქალაქებიდან და სოფლებიდან ჩამოსული ექსკურსანტები. აქ, ხშირად შეიძლება ნახოთ საზღვარგარეთელი სტუმრები მსოფლიოს თითქმის ყველა კუთხიდან.

ის, ვინც ერთხელ მაინც ყოფილა ლენინგრადში, არასოდეს არ დავიწყებს იმ სამახსოვრო ისტორიულ ადგილებს, რომლებიც დაკავშირებულია დიდი ლენინის ცხოვრებასა და მჩქევარე რევოლუციურ მოღვაწეობასთან.



ჩ ე მ ი ქ უ ჩ ა

ამ ქუჩით მომაქვს ღვინოც, პურიც ჩემი არსობის,
ვიცი, ამ ქუჩით ოდეს ჩუმად გამასვენებენ.
ეს ქუჩა იყო ნატურისთვალე ჩემი ბავშვობის
და სულის რხევის — ის ქარები არ მასვენებენ.
ეს ქუჩა იყო სიყვარულის ჩემის პრომეთე, —
დამაბარბაცა და კინალამ წამილო ტალღამ.
წუთისოფელო, ნაღვერდლებად მე აქ მომენთე,
აი, აქედან აღვიჭერი მაღლა და მაღლა.
და ჩემს ბარათებს ამ ქუჩიდან ვგზავნი სად არა,
და ვესალმები შორს მეგობრებს, თბილ ხელებს ვუწვდი.
ყველა კეთილ კაცს ენაცვალოს ჩემი ჭაღარა.
დღეს მინდა ვარგო... ხვალ ვიქნები?! ეჰა, ვინ უწყის!
მე მიყვარს ქუჩა, ჩემი ქუჩა ხმაურით, ზათქით,
ჩირაღდნებივით ჩაივლიან ჩვენი ბაღლები.
ძმებო, გახსოვდეთ ჩემი გული და მისამართი,
შორს ხართ თუ ახლოს... მოგონებით თქვენით ვლადდები.
თეთრ კიბეებზე ამივლია... თქვენი ტალახიც
ჩემს კიბეებსაც შერჩენია, ვით მერცხლის ბუდე.
ტალახი რაა, ორგულები ღმერთმა დალახვროს,
ღმერთმა დალახვროს შავი გული და გზები მრუდე.

აქ დავიბადე

აი, გახედე მთებს ანარიის,
იწ მთებს აჩნია, აჩნია კიდევ
კვალი სათუთის ბიჭის პატარის,
დღეს მოგონებად ცეცხლს რომ მიკიდებს.



გულთამხილავო ველო კახაბრის,
გახსოვს ალალი ბიჭის გულისთქმა?!
შენი ტრფიალის ვიყავი ხარბი,
ახლაც სავსე ვარ სიყვარულითა.
ჩემო მინდორო, ალბათ შენ უწყი
ყმაწვილის გულის იდუმალეზა.
ის დღე ჩემშია, მიჭირს თქმა — „უწინ“,
რომ მივატოვო, დამენანება...
ვახსოვდეს, მგზავრო, აქ დავიბადე
მე პოეტი და ამ მიწის მკვიდრი,
და ცად აფრენა აქედან ვცადე
და ჭექა-ჭუხილს არ შეგუშინდი.
აქ დავიბადე მე ამ სერების
ნოტრფიალე და მესაიდუმლე,
და ვიდრე მიწას ჩავესვენები,
არ გაუკარებ ამ სერებს მუმლებს.
აქ დავიბადე, ამ მათა შორის,
შესაიდუმლე ამ მიწის მკვიდრთა.
ჟამმა მატარა შორით და შორით,
ძისკენ მეძახდა ადგილი წმინდა.
შოველ და გულში რომ ჩამიხუტა,
სიცოცხლის ძალა მაშინ ვიგრძენი.
შენს მამულში ხარ?
ვეფხი ხარ მუდამ,
ვეფხი ბწყლიანი, ბოროტის მძლევი.

ვიცი ჩამოხვალ...

შავი ზღვისპირად მე დავიბადე,
შენ ჩემს ქალაქში თუკი ჩამოხვალ,
ნახავ ჩემს აკვანს და ზღვას ჩემს გამზრდელს,
ნახავ, ჩემი მზე სადაც აღმოხდა.
ცისკარი ჩემი შენ გაგაოცებს,
ცისარტყელები ცას ჩამოსწყდება,
ადგილის დედა სტუმარს გაკოცებს,
არასდროს იგრძნობ ჩვენთან მოწყენას.
თუ არ გინახავს ზღვათა მოქცევა,

თუ არ გინახავს წვიმა ისხარი,
 მოდი და ნახე...
 რა სიცოცხლეა,
 და სამღურავი მერე მითხარი.
 უნდა მიყვარდე, უნდა გიყვარდე,
 შენ ჩემს ქალაქში, ვიცი, ჩამოხვალ.
 მიხვდები მგოსნად რად დავიბადე,
 ნახავ, ჩემი მზე, სადაც აღმოხდა.

თ ე თ რ ი ნ ი ს ლ ი

ქვენა ქარს მოჰყვა, მომაყარა ბუმბული თეთრი,
 შემომბებერტყა ნაზი ფრთები ცვარ-ნამის მფრქვევი.
 ნაძვებს შტოებში ჩაეხლართა, თითქოს და ეტრფის
 და ჰა, ქარაფში გადიყოლებს უცებ ნამქერი.
 ჩემი პატარა თეთრი ნისლი საით გამიქრა,
 რად მომიტანა, რად წამართვა კვლავ ქვენა ქარმა?!
 ის არის, კვენის და ფართხალებს, ურტყამს ქარი რქას...
 და უცებ, თითქოს პირცისკარა ლამაზმა ქალმა,
 ამოიხედა, ამოუხსლტა იმ ლუსკუმ ქარაფს.
 გადაეფუძელა ჩემს ლურჯ მდელოს ვით თოვლის ფიფქი,
 წკრიალებს ჩემში მიბნედილი ჩურჩული მისი.
 ქარო ჩადექი, ნუ მირეკავ იქით და იქით,
 არ გამიფანტო ჩემი თეთრი პატარა ნისლი!

მ ე ზ ვ მ კ ლ დ ე ბ ო დ ე ...

ცამ იქუხა თუ ჩემმა კრწანისმა,
 იქნებ ხიხანმა, იქნებ მარაბდამ?!
 მარადისის თუ ერთი წამის ვარ,
 მინდა სიმშვიდე ყველგან მარადეამს.
 კოცნად მიწვევდეს ცის კაბადონი,
 არ იმღვრეოდნენ მდინარეები.
 დიდ ვალობათა ახლოს გამგონი,

ხმათ ხავერდებში მინარევები,
მეც ვმალდებოდე, მეც, ვინმე მესხი.
ქვეყანავ ჩემო, შენი ნერვების
მეათასედი რხევანიც მესმის.



* * *

ეჰ. გული იწვის და იდაგება,
დაე, დაიწვას, მეხვიოს კვამლად.
თურმე, არც კვამლი დაიკარგება,
კვამლსაც ჰქონია ეშხი და ძალა.
დაიწვას ჩემი მთრთოლვარე გული,
რომ აღვაშენო გულის ტაძარი,
ტაძარი ძმობის და სიყვარულის.
სადაც გათბება სულიც და ძვალიც.



ჩემი პირველი მხატვარი

ასე თუ მოხდებოდა, რას წარმოვიდგენდი. მე მაშინ მატარებელში ვიჯექი და სახლში მოვდიოდი. საჩუქრებიც კი წამოვუღე და დიდად ნასიამოვნები დავრჩი ამით. ახლა ვიწევი კუბეში და ათასნაირად ვხატავდი გონებაში ჩვენს შეხვედრას. ზოგჯერ ვიფიქრებდი, პირველად თავდაჭერილი ვყოფილიყავი, შემდეგ ასე არ მომეწონებოდა და სხვას მოვიფიქრებდი. მოკლედ, უამრავი ვარინატი გავიაზრე და სიგარეტიც კარგა ბლომად მივაწვი ზედ. კუბეში ორი მამაკაცი იწვა. ერთს ეძინა. მეორე კითხულობდა და პაპიროსს ეწეოდა. ისე ხარბად კითხულობდა და თან გზნებით ეწეოდა, ნამდვილად დეტექტიური წიგნი იყო. მე კვლავ შეხვედრაზე ვფიქრობდი. ბოლოს თავი გამოცარიელებულს დაემგვანა. დაძინება ვცადე. დათვლით არასოდეს დამძინებია. მომაგონდა ერთი ხერხი, რომელილაც ვაზეთი რომ სთავაზობდა ძილგატეხილებს. მისი არსი შემდეგში მდგომარეობს: უნდა დაწვე მოხერხებულად, ტანი, სხეული მოადუნო და ჩააგონო თავს, რომ შენი სხეულის ცალკეული ნაწილები მშვიდად არის და მოშვებულია. მაგალითად, ჩემი სახე მშვიდადაა, ხელები მოდუნებულია, ტანი არაა დაძაბული... და ბოლოს დაგეძინებაო. მოკლედ, უებარი საშუალება ჩანდა. მეც მივყვე ასეთ შეგონებებს და ერთხელ კიდეც მომეჩვენა, მძინავს, რომ ამ დროს კარები გაიღო და გოგონა შემოვიდა. მერედა რა გოგო! ამის შემდეგ რალა დამაძინებდა. კუბის კარი ღია დატოვა, ალბათ ჰაერის გასანიაველად. აჰა, აწი მშვიდობით ძილო და სიგარეტებო! გოგონამ ჩემოდანი დადგა და გარეთ გავიდა თეთრეულის მოსატანად. სწრაფად გადავიცვი. დერეფანში გამოვედი მოსაწევად. ფანჯრის მინა ჩამოვწიე. ზაფხულის ღამე იყო. თურმე დავხუთულვარ კუბეში. ის გოგოც მოვიდა თეთრეულით. მგონი გაუკვირდა კიდეც ჩემი ადგომა. ვიფიქრე ცოდვაა, რა აიყვანს ზემო თაროზე-თქო, მაგრამ ჩემი ადგილის შეთავაზებაც უხერხული მეჩვენა — ზედმეტი თავაზიანობა გამოდიოდა. ერთხანს შევყოვნდი, მერე კუბეში შევედი. მკრთალი ცისფერი შუქი ციალებდა. დავწევი. ჩემდა გასაოცრად უმაღვე ჩამეძინა.

უცნაური სიზმარი ვნახე. თუმცა, მე ყოველთვის უცნაურ სიზმრებს არ ვნახულობ?! ხანდახან ისეთია, მგონი, ბევრ სცენარისტს არ მოუვიათა ვში. ესაა, მავიწყდება შემდეგ. ერთხელ ჩემმა ამხანაგმა სამხედრო მხარე თხრობა დაწერა და წაგვიკითხა. ყველამ გამოთქვა თავისი აზრი. „კარგი“ მეც მკითხეს როგორიაო. ვუპასუხე, ამაზე კარგ მოთხრობებს სიზმრებში ვნახულობ მეტიკი. ერთი სიზმარი კიდევ მოვუყევი. მოეწონათ, თუ არ ვიცო რა იყო, ამის შემდეგ ბიჭები დამსდევდნენ — თუ ძმა ხარ, რაიმე სიზმარი მოგვიყევიო. მოკლედ, ვერთობოდით რა!

რომ გამეღვიძა კუბეში არავინ იყო. ერთხანს სიზმარს ვიხსენებდი. მერე ჩავიცი და დერეფანში გამოვედი. გოგონა ფანჯარასთან იდგა და ხატავდა. მატარებელი რომელიღაც პატარა სადგურში გაჩერებულიყო. რკინიგზის ხაზს იქით მინდორში ძროხა ეკიდა ხეზე უკანა ფეხებით. სამი კაცი ატყავებდა. მერე ერთმა ძროხის თავი აიღო მაგიდიდან და ჩქარი ნაბიჯებით აქეთ წამოვიდა. უკან ქალი მოსდევდა და რაღაცას ეუბნებოდა. კაცს მისკენ არ მიუხედავს, ძროხის თავი გადაინაცვლა მეორე ხელში და მოჭრილი კისრით ახლა ჩვენსკენ ეჭირა. „შეაბრუნოს მაინც“ — ვიფიქრე, მერე ხმამალღაც ვთქვი. ვაგონთან რომ ჩამოიარა, დავაკვირდი. საოცრად მოწყენილი სახე ჰქონდა კაცს. ალბათ არც მას სიამოვნებდა მაინცდამაინც ამ ძროხის დაკვლა, ანდა თავის მეტი რომ არაერგო, ნაწყენი დარჩა. გოგოს გავხედე. მივხვდი, კარგახანია მიცქერდა, თანაც თითქოს გავკირვებული. თვალებს არ ვხრიდით. გამიჭირდა ასე! სივარეტს მოვუკიდე, მხრები ავიჩეჩე და სტვენით შევედი კუბეში. ზურგით მივეყრდენი კედელს და ასე ნახევრად წამოწოლილი ვიყურებოდი ღია კარებში. პანამის ქული ჩამოვწიე თვალებზე და გოგოს სუსტ მხრებს მივაჩერდი, მაღლიმალ რომ ამოდრავებდა ხატვისას. ჩამოშლილ წაბლისფერ დაკულულულ თმებს ნიავი ურხევდა. გამიხარდა, თმები შეღებილი არ ჰქონდა.

ჩემზე უცნაურად მოქმედებდა მისი მხრების მოძრაობა, ნერვიული თრთოლვის მაგვარი.

ცოტა მოგვიანებით ფეხებზე შევავლე თვალი. წარმოვიდგინე ასეთი სწორი, გამხდარი ფეხებით რა თავისუფლად ირბენდა ეს გოგო. უქუსლო ფეხსაცმელები ეცვა, ფანჯარასთან იდგა ოდნავ წინგადახრილი, ჩემკენ ზურგით და კვლავ ხატავდა. ვიფიქრე, კარგი სურათი გამოვა, რომ დახატო ასე—კუბის ღია კარებიდან ჩანს გამხდარი გოგო ფანჯარასთან, ხოლო იქით მინდორი თითო-ოროლა სახლებით... ანდა ზღვა იალქნიანი ნაკვებით. ბოლოს ისევ სახლები ვარჩიე, ოღონდ ბუხრიდან კვამლი უნდა ამოდრიოდეს.

რა ჯობს ბუხარს! მითუმეტეს ზამთარში. დედა კუბატს წვავს, კუბატი შიშხინებს, ბროწეული ტკაცანით სკდება. დაბალ სამფეხა მაგიდაზე ყვივა: ყველი, ღორის ხორცი, მყავე, ტყემლის წვენი, ახალგაშენებულ მჭადს ცხელი ოხშივარი ასდის. მე და ჩამი ძმა კატას ვაწვავდით. დათავსებ ვირთობთ თავს, სანამ მამაჩემი წერას მოათავებდეს. დაჯექი მერე და წრუპე ცოლიკაურთ.

ამის გახსენებაზე ისე მომენატრა სახლი, გულში უცნაური სითბო ჩამომედვარა, მომენატრებოდა, აბა რა, მთელი წელიწადია შინ არ ვყოფილვარ.

ჩემოდნიდან სათამაშოები ამოვიღე. ვალაგებდი მაგიდაზე და თან იმ წერილებზე ვფიქრობდი, ჩემოდანში რომ ეყარა. ნახევარი უცნობი გოგონებისაგან იყო მონაწერი. ეშმაკმა იცის, საიდანღაც გაიგებდნენ მისამართს და აგზავნიდნენ ბარათებს. პირველად მგონი მიხაროდა კიდევ, ის არადა, გულის ფანცქალით ველოდი და უმალვე ვპასუხობდი. შემდეგ კი ნერვებზე მოქმედებდა და მაღიზიანებდა წერილები. ღმერთმა უწყის ვინ არის, რას აკეთებს, დაჯდება და გწერს ორფურცლიან ლამაზ წერილს, რომ ამა და ამ წიგნს კითხულობს, ამა და ამ კინოფილმს ნახულობს, მეგობარ გოგონებთან სეირნობს და მაინც მარტობას განიცდის. მერე რომელიმე წერილში მიამიტად შემოგაპარებს კითხვას, რა არის სიყვარული და საერთოდ თუ არსებობსო. ადრე მეც ვლაილაობდი სიყვარულის დიდ ძალაზე — როგორ არა, არსებობს და შეიძლება უნახავადაც შეგუყვარდეთო; მოკლედ, რასაც პასუხი საჭიროებდა, თუმცა კარგად ვიცოდი ვერცერთს ვერ ვნახავდი. არადა ტიტინებდნენ სიყვარულზე უცოდველი კრავებივით.

არ იფიქროთ ცუდი შეხედულება მქონდეს მათზე — აჰ, სულაც არა! მათ რომ იცოდნენ, როგორ მოქმედებს ახალგაწვეულ ჯარისკაცზე წერილები, როცა ჯერ კიდევ ვერ შეჩვევიან სამხედროს და სახლზე ნაღვლობენ. უფრო გაახშირებდნენ წერას. ასეთ დროს წერილი წამალივითაა, ისიც გოგოსაგან, ვინც არ უნდა იყოს ის. ზოგი ჯარისკაცი საერთოდ არ წყვეტს მიწერ-მოწერას მათთან და ბოლოს მიდის იმასთან, ვისიც წერილი და ფოტოსურათი უფრო მოსწონს და ცოლად ირთავს კიდევ.

უკანასკნელ დროს გულგრილად ვხვდებოდი ამ ბარათებს და აღარ მაღიზიანებდა, არც ვპასუხობდი. მათ თავიანთი როლი შეასრულეს თავის დროზე და მეტად არ ვსაჭიროებდი; ხოლო, გადაყრა მაშინ დიდი უმადურობა იქნებოდა. ახლა კი იქვე მაგიდაზე დავაწყე, ჩემოდანში დავტოვე ის წერილები, რომლებიც ახლობლებისა და მეგობრებისაგან იყო გამოგზავნილი და კიდევ ერთი მეზობლის გოგოსაგან, ვისთანაც შეხვედრაზე წუხელის ამდენს ვფიქრობდი და არამართო წუხელის. ეს სათამაშოებიც მისთვის მიმქონდა საჩუქრად.

მაგიდაზე დაყრილი წერილები დავხიე, კუბის ვიწრო სარკმელი გამოვალე. ქალაქის ნაფლეთები ქარმა უცებ გაიტაცა. ახლა მივხვდებოდი რებელი კარგახანია დაძრულიყო. სათამაშოები საბოლოოდ ვეწივებო მოვიყვანე. ადრეც ვირთობდი ასე თავს; პატარა მწვანე მალღობს ციციქნა კოხტა ხატა, მოშორებით ორი პალმის ქვეშ ვაყისა და გოგოს ფიგურა, ვაყს ჩამოჩაჩული შარვლის ჯიბეებში ჩაეწყო ხელი და მაცდურად უყურებდა გოგოს, თან სიგარეტს აბოლებდა. სიცილით მოკვდებოდი, რომ გენახათ, ისე ისვროდა კვამლის რგოლებს. გოგოს კიდევ მოკლე ლურჯი კაბა ეცვა. თავი ოდნავ დაეხარა და ვაყს ამოსცქეროდა. მოკლედ, მთელი სიყვარული იყო. პალმას და ფიგურებს როგორც მინდოდა ისე გადავაადგილებდი. იქვე, მაგიდის კიდევზე, მოხუცი მეთევზე ჩამოესვი, ანკესით ხელში, მივეყრდენი ზურგით კედელს, სიგარეტს მოვუკიდე. ვუჭვრეტდი პანამის ჩამოწეული ფარფლიდან ამ სურათს და ვტკბებოდი. მერწმუნეთ, ნამდვილად ვტკბებოდი, ისე, ბიჭის გამოხედვა არ მომწონდა, თითქოს ქალიშვილის გრძნობებს სადღაც შელახავდა... მაინც თანაუგრძნობი, როგორც მამაკაცს.

თავს ვაიმედებდი, მაინცადამაინც ცუდს არაფერს მოიმოქმედებდა, ხოლო კოცნა და მცირე ალერსი ცოდვაში როგორ ჩაითვლებოდა.

გვიან შევამჩნიე, მხატვარი გოგო შემობრუნებულყო და გვიყურებდა. გვიყურებდაო რომ ვთქვი, ჩემი პატარა სამყაროც ვიგულისხმე. მგონი გვხატავდა კიდევ. ასეც დარჩა. შემოვიდა კუბეში და ქალაქი გამომიწოდა. მსგავსება დიდი იყო. ირონია იცქირებოდა პანამის ქულიდან; ირონია ჩანდა სახეზე, ტუჩის კუთხეში. არასოდეს დავუხატივარ ვინმეს და სურათმა შინაგანად ამაფორიაქა. თანაც უცნობი გხატავს, ისიც ქალი და იჭერს შენი ბუნების მთავარ ნიშანს, რომელიც წესით მან არ უნდა იცოდეს. არ ვიცოდი გამხარებოდა თუ არა, რომ მან ჩემი ხასიათი ამოიცნო. ნახატი მსუბუქად იყო შესრულებული, ცალკეული ხაზებით. ხელში წერილი მეჭირა. სურათი დაუმთავრებელი ჩანდა, თუმცა მშვენიერი იყო.

— რაღაც ირონიული ღიმილით ათვალეებდით წერილებს — მითხრა გოგომ.

— გასაკვირია, საიდანღაც გაიგებენ მისამართს და გწერენ — ავიჩეჩე მხრები. — არც კი იცი ვინაა, ხოლო... ირონიულად ალბათ ამის გამო ვიღიმებოდი. იშვიათად მომდის! — თავი გააქნია.

— აი, ახლაც სათამაშოებსაც ირონიულად შესცქეროდით.

— ოო, იცით ეს პატარა გოგუცანა მეცოდება. ამ ბიჭს მთლად კეთილი ზრახვა არ უნდა ჰქონდეს.

ისე გადამდებად გაეცინა, მეც ავეყვი.

— არა, ცუდი ბიჭი არ ჩანს. გოგოს ბრალი იქნება. ალბათ ვერ ფარავს სიყვარულს.

— რატომ. თუ კი ორივეს ნამდვილად უყვართ, დაფარვას რა აზრობს?
აქვს.



არაფერი უთქვამს: სათამაშოებს დასცქეროდა.

— კარგად ხატავთ. მე მაინცდამაინც დიდად ვერ ვერკვევი ნახატებში, მაგრამ ვგრძნობ კარგად ხატავთ.

ვარდისფერმა დაკრა. — ჯერ კარგამდე სად არის. მართალი გითხრათ თქვენ მეტად რთული სახე გაქვთ, დასახატად ძნელი და ამავე დროს ძალიან საინტერესო.

„რა თქმა უნდა რთული და არა ლამაზი — ჩამეცინა მე — ასე იყოს. მე კი ვხედავ, შენ ლამაზი სახე გაქვს და საერთოდ კოხტა ხარ... თუმცა ეს შენ თვითონაც იცი და ალბათ სხვებიც გეუბნებიან“.

— კვამლი არ გვენბთ?

— არა, სულაც არა. მოსწიეთ. წუხელის ძილის წინ გავანიავე. — თითქოს გაიმართლა თავი და გამიღიმა — მშვენიერი ფანტაზია გაქვთ, ძალიან მომწონს ეს.

გაზეთი აიღო.

— ნახეთ — ორი ინგლისელი გასულა პატარა აფრიანი ნავით დედამიწის გარშემო სამოგზაუროდ. ნამდვილი გმირობაა ამის გაბედვა.

— გმირობა? — ავიჩეჩე მხრები — სულ არ მგონია. გმირობა ომში ხდებოდა. გმირობა აღენ ბომბარმაც ჩაიდინა. ამათ კი სახელის და სენსაციის სურვილი კლავთ. თუმცა ახლა... ყველაფერს გმირობად ნათლავენ.

— აგრე გგონიათ? ვითომ ამჟამად გმირობის ჩადენა არ შეიძლება?

— ვინ იცის... იქნებ... — სიგარეტს მოვუკიდე.

— თქვენ ალბათ ყველაფერს ირონიულად უყურებთ. ადამიანს თვით უნდა შეეძლოს საგმირო საქმის გაკეთება, სხვისას რომ დაცინვით შეხედოს.

— რატომ დაცინვით. მე არ დაცინი და... ამას გარდა მომიწია ისეთი საქმის შესრულება, რაც შემდეგ საგმიროდ მოინათლა. თუმცა მე არ ვეთანხმები.

— მაინც? — დაინტერესდა გოგო. — რა იყო ასეთი.

— დიდი არაფერი. იმ ქალაქში, სადაც ჩვენი ნაწილი იდგა, გერმანელებს უკანდახვევისას ბომბები და ნაღმები დაეტოვებინათ მიწაში ჩაფლული. ჰოდა, იმის გაწმენდაზე ვმუშაობდით რამდენიმე დღე.

— აფეთქების საშიშროება ხომ იყო?

— როგორ არა. პირველად აფეთქდა კიდეც, საკანალიზაციო მილის გაყვანისას. სამი კაცი იმსხვერპლა.

— თქვენ მუშაობდით ნაღმების და ბომბების გაუენებლებზე? — ამბობთ ეს გამირობა არ არისო?

— ამას მოითხოვდა საჭიროება, რომ ადამიანს უბრალოდ არ დაეშინებოდა რად გეცხოვრა. საჭიროების საქმეს საგმიროს სახელი?! — კვლავ ავიჩეხე მხრები და ავდექი.

— არ გეთანხმებით, — დაიწყო მან, რომ საშინელი ბიძგი ვიკრძენით. მე იმ დროს კართან ვიყავი მისული. კედელს მივეხეთქე და ძირს გავიშხლართე. გონს რომ მოვედი, მთელი სხეული მტკიოდა. ის გოგო საწოლზე პირქვე იწვა, უხერხულად. გადმოვაბრუნე. ცნობიერება არ ჰქონდა. ფრთხილად ავიყვანე. მარჯვენა ხელზე მაჯის ზემოთ ტალღისებურად აბურცვოდა ხორცი. მცხვდი, ძვალი გატეხილა. ბევრი ფიქრის დრო სად იყო. კარი მივწიე და დერეფანში გავედი. წონასწორობას ძლივს ვიცავდი. ვაგონი გადაფერდებულყო. საშინელი აურზაური იდგა. ქალები კიოდნენ. გარეთ გასვლაზე ერთი ამბავი შეიქნა. კარებში ექედებოდნენ. როგორც იქნა ძირს ჩავაღწიე. გოგო მინდორზე დავაწვინე. ხელზე აქეთ-იქედან ჯოხები ამოვადე და ცხვირსახოცის ნახევებით შეფუკარი. რომ ვუსწოვრებდი, ჩემმა თითებმა შეიგრძნეს როგორ გაეხახუნენ ძვლები და ბოლოს ტკაცანით როგორ ჩაჯდნენ. წამოიკვნესა და თვალი გაახილა.

მატარებელს გავხედე, კარგად რომ გამეგო, რა მოხდა ასეთი საშინელი. ვაგონები მარჯვნივ მალლობზე იყო მიწვენილი, შპალები მიყრილ-მოყრილი. წუხელ ამ მხარეს მაგრად უწვიმია და მაინცდამაინც ახლა, ჩვენ რომ მივუახლოვდით მალლობს, მეწყერი ჩამოწოლილა.

შედარებით იოლად გადარჩენილები შევუდექით ხალხის გამოყვანას ვაგონებიდან. სულ იმის შიში მქონდა — მკვდარს არ წავაწყდე ვინმეს მეთქი. ბოლო ვაგონი ლამის წაქცეულყო. ძლივს მოვახერხეთ რამდენიმე კაცმა შეძრომა ფანჯრიდან. ერთ კუბეში გოგონები ვნახეთ. გულწასულები ეყარნენ ძირს. ზოგს თავი ჰქონდა გატეხილი, ზოგს კიდევ ხელფეხი მოტეხილი. მთელი საათი მოუხდით ამ ვაგონის დაცლას ხალხისა და ბარგისაგან. გარეთ გამოსულმა სასწრაფო დახმარების მანქანა დავინახე. გამიკვირდა, ასე მალე საიდან-თქო. რკინიგზიდან ორასიოდე მეტრის დაშორებით გზა გადიოდა. ვილაც მადლიანს, მანქანით ქალაქისაკენ მიმავალს, თან ერთი ძძიმედ დაშავებულცი წაუყვანია საავადმყოფოში.

დაზიანებულებს საკაცებზე აწვენდნენ და გზისპირთან გაჩერებულ მანქანებში ათავსებდნენ. მხატვარი გოგო არ ჩანდა, წაუყვანიათ ჩემს იქ არ ყოფნაში.

ერთი სქელი კაცი მომადგა — შენი ჭირიმე, იმ წაქცეულ ვაგონში ღვინო დამრჩა პატარა კასრით და გამომიტანეო. გამიკვირდა: თვითონ როგორ გადარჩა მთელი-თქო. ისე, საკვირველია ადამიანი საერთოდ: შაშინ ალბათ თავბედს იწყევლიდა, ახლა კი ღვინოს დარდობს.



გული არ დამიწყვეტია, გამოვუტანე ის კასრიც.

ყველაფერჯ კიდე შედარებით კარგად ჩაივლიდა, ქალებს ხელი რომ არ შეეშალათ უადგილო ყვირილით და შენიშვნებით. ვითომ გვეხმარებოდა და დანებდნენ და ფეხებში კი გვედებოდნენ. სულ არ მეგონა ასეთი პანიკორები თუ იყვნენ.

ბოლოს ჩვენს კუბეში შევედი ჩემი და მხატვრის ჩემოდნების გამო-სატანად. სათამაშოები და სურათიც არ დამვიწყებია. იატაკზე მიმოფან-ტულიყო. ყველა მოვძებნე, კაცუნას პატარა სიგარეტიც კი. ქოხი დამტ-ვრეულიყო. ისე მეწყინა, თითქოს საკუთარი დამნგრეოდეს. თურმე შევ-ჩვეოდი... ნამტვრევებიც თან წამოვიღე, დამენანა დატოვება.

ნაშუადღევს ჩავედით იმ ქლაქში, სადაც სასწრაფოთი წაიყვანეს ავარიში მოყოლილნი და მათი ჭირისუფალნი.

მგზავრთა ნაწილი ავტობუსს ან შემხვედრ მანქანას გაჰყვა სახლის-კენ, ხოლო ვინც ვერ მოახერხა, სასტუმროში დაბინავდა. ჩემოდნები შემ-ნახველ საკანში დავტოვე. შემდეგ გავიგე სად იყო საავადმყოფო და მხა-ტვარი გოგოს სანახავად წავედი.

საავადმყოფო დიდ გალავანშემოვლებულ ეზოში იდგა. შენობას მრავალი განშტოება ჰქონდა. ვიღაც თეთრხალათიანს ვკითხე, სად იქნებოდ-ნენ სასწრაფოთი მოყვანილნი. მეორე სართულზე აღიო, მითხრა. იქ დე-რეფანში ახალგაზრდა ექიმი ქალი იჯდა მაგიდასთან და ტელეფონით ლა-პარაკობდა. სახე მეცნო, ალბათ მატარებელთან თუ იყო მაშინ და დამამხ-სოვრდა. რომ მოიცალა, ვუთხარი ერთი ქალიშვილი უნდა ვნახო-თქო. რომელიო მკითხა. მე მხრები ავიჩეჩე — სახელი არ ვიცი მეთქი. თუ არ იცნობ, მაშინ რას ნახულობო. ვეუბნები — შე კაი ქალო, იმ არეულობა-ში სახელის და მისამართის კითხვის დრო სად იყო მეთქი. ექიმი მიხვდა — ასე გეთქვა თავიდან, მაინც როგორი გოგაო.

— მაღალი, გამხდარი... მხატვარია.

სახეზე შევატყვე, ვერაფერი გავაგებინე. მომეშალა ნერვები, რო-გორ ვერ უნდა ავუხსნა გარკვევით-თქო. მერე ის გამახსენდა, ჯოხებით და ცხვირსახოცით რომ შევუკარი მოტეხილი ხელი.

— აჰ, თქვენ ხართ ის ჯარისკაცი? — წამოიძახა მან.

მე ვერ მივხვდი რას ნიშნავდა „ის ჯარისკაცი“, თუმცა თავი დავუქ-ნიე, მე ვარ მეთქი.

ექიმი პალატაში შევიდა. მალე გამობრუნდა და ხელით მანიშნა მოდიო.

პალატაში შესვლამდე არც წარმომედგინა, რომ იმ გოგოს გარდა სხვების მონახულებაც მომიწევდა. მის საწოლთან მივედი. ხეირიანად გა-ლიმება და კითხვა ვერც კი მოვასწარი თუ როგორ გრძნობდა თავს, რომ ვიღაცამ დაიძახა, ნახეთ, ვინ მოსულაო! თუკი ვინმეს შეეძლო, თავი წამო-

სწია და ატყდა ხმაური. მიწოდებდნენ მშველელს, გმირს და ათას ათას მავარს, მადლობას მიხდიდნენ. სხვა გზა არ იყო, ჩამოვეყვი საწოლენს, ვესალმებოდი ავადმყოფებს, ვკითხულობდი მათ ჯანმრთელობას, მთლად მზრუნველად გადავიქეცი.

როგორც იქნა დავბრუნდი მხატვართან. ისე დავილაღე სხვების ჯანმრთელობის გაგებით, თუ არ ვიცი რა იყო, მისთვის არაფერი მიკითხავს. ხელი გიპსში ჩაესვათ. ისე მილიმოდა, თითქოს დიდად ბედნიერად გრძნობდა თავს, რომ ის იწვა ხელმოტეხილი და მე კი მის სანახავად მივედი.

— ხომ ხედავთ, ყველა გმირს გეძახით. თქვენ კიდე გმირობა არ შეიძლებაო, ახლა?

— კარგით ერთი, — გამეცინა, — რა დროს ეგაა. გტკივათ? თავი გააქნია.

„ნახე რა ვაჟკაცი გოგოა. ვიცი სტკივა და ამბობს არაო. იქნება გმირობაც ეს იყო, რომ შემდეგ ხატოს და უფრო კარგად. ვინ იცის...“

— რაო ექიმებმა, როდის მოგიჩხებო.

— ორ თვეში. ჩემიანების ჩამოსვლას ველოდები.

— დეპეშა გააგზავნეთ?

— წერილი. ვიფიქრე დეპეშა დააფეთებთ-თქო.

— მე მინდოდა წერილის გაგზავნა, მაგრამ არც მისამართი ვიცოდი თქვენი და არც გვარი.

— მეც არ ვიცი თქვენი სახელი. აქ ყველა „გმირი ჯარისკაცის“ სახელით გიცნობთ.

— მე კიდე მხატვრის სახელით გეძებდით, რომ მენახეთ, მაგრამ ექიმს ვერაფერი შევასმინე. მერე ჯოხები მომაგონდა.

გაგვეცინა. სკამზე დავჯექი.

— თქვენი ჩემოდანი შემნახველ საკანში დავტოვე. მოგიტანოთ?

— არა. თუმცა, მგონი, ცოტა ფული მაქვს შიგ, იქნებ დამჭირდეს. არა, არა, — თქვა მერე, — არ ღირს.

სახეზე აღმური გადაკრა. მივხვდი ჩემოდანში ისეთი რამეებიც ეწყო, ერცხვინებოდა ჩემგან ნახვა.

— არა უშავს. ფული მეც მაქვს. გვეყოფა.

— როგორ? თქვენ სახლში არ მიდიხართ?

— თქვენების ჩამოსვლამდე დავრჩები.

— რას ამბობთ. მთელი წელიწადი სახლში არ ყოფილხართ და ჩემს გამო იცდით?

— რა მოხდა მერე, — ავიჩეჩე მხრები, — ეგ არაფერია.

— არა, წადით, უსათუოდ წადით, გთხოვთ.

სივარტი ამოვიღე. გამახსენდა, აქ მოწვევა არ შეიძლებოდა. ერთ-

ხანს ჩუმად ვიჯექი. „იქნებ ისეთ ვინმეს მისწერა, არ უნდა ჩემი თანდასწრებით დახვედრა. ალბათ ასეა“. წამოვდექი.

— კარგით, გასაგებია. — მისი ჩემოდნის ქვეთარი სკამზე დასვეს. — ნებ მომეტანა, მაგრამ სად შეინახავს აქ.

— მალე გამოჯანსაღებას გისურვებთ. — თავი დავეუკარი.

— აჰ, კინალამ დამავიწყდა, — ჯიბიდან პატარა ფიგურები ამოვიღე და სკამზე დავალაგე. — ამას დავტოვებ. — სიგარეტის მოკიდება მინდოდა კაცუნასთვის, მაგრამ გადავიფიქრე. მთლად გამიფუჭდა განწყობილება. უადგილოც მეჩვენა. ალბათ, ახლაც ირონიულად ვიღიმებოდი, სათამაშოებს რომ ვაწყობდი.

— აბა კარგად. — მგონი მისთვის არც შემიხედავს.

— მოიცათ! — შემომესმა კართან მისულს. ნელა შემოვბრუნდი.

— ისე მიდისართ, ერთმანეთის სახელიც არ ვიცით, თანაც ჩემგან განწყენებული?

— რას ამბობთ, აბა რა გამანაწყენებდა, — გავიღიმე, — რას ამბობთ! — სახელები კი... მოდი და თქვენთვის ისევე დავრჩე, როგორც აქამდე მიწოდებდით თურმე, ოღონდ „გმირის“ გარეშე, ამ სამყაროთი — სათამაშოებს ვანიშნე — თქვენ კი მემახსოვრებით, როგორც ჩემი პორტრეტის მხატვარი.

შენიშნე ტიროდა. მივედი, დავიხარე და ჩუმად ვკითხე — გტკივათ? გაუძელით, ტკივილზე ნუ იფიქრებთ.

თავი გააქანა — არა, არ მტკივა.

სხვების ყურადღება რომ არ მიგვეპყრო, გაღიმებულმა მივაჩოჩე სკამი საწოლთან და დავჯექი. კაცუნას სიგარეტზე მოვუკიდე. ვუცქერდი პატარა ფიგურებს და მახსენდებოდა ყველაფერი: სახლი, ნაწილი, წერილები კუბის, სარკილიდან რომ გადავყარე და ისინიც, ჩემოდანში რომ დავტოვე, რომლის გამოგზავნაზეც ამდენს ვფიქრობდი და ეს სათამაშოებიც რომ ვუყიდე.

— ასე ნუ იღიმებით, ძალიან გთხოვთ, გეხვეწები... ჰო, აი, ასე! იცით რა? არ მინდოდა ჩემს გამო დარჩენილიყავით. რამდენი ხანია სახლში არ ყოფილხართ და...

— მომენატრა, როგორ არა! უბრალოდ ვიფიქრე, მე ხომ არ დამტოვებდნენ-თქო მართოდ ასეთ შემთხვევაში.

ნამტირალევზე გოგოს გაღიმება ხომ გინახავთ? ჰოდა, სწორედ ისე გამიღიმა და თავი დამიქნია. ერთხანს კიდევ დავრჩი. მერე ვუთხარი, სალამოთი გინახულებ მეთქი და წამოვედი. სასტუმროში ცალკე ნომერი ავიღე. საკვირველია, ასე თავისუფლად როგორ დარჩა ნომრები. ოთახი მომეწონა, სადა იყო, მოხერხებული. ჩემი ჩემოდანი მოვიტანე, ვანა მივიღე, გავიპარსე და წამოვწექი. დადლილს მალე ჩამეძინა. როცა გამომე-

ღვიძა, დაღამებულიყო. გასტრონომში შევირბინე. ტკბილეული არ მიყვარდა და ამორჩევა გამიძნელდა. ბოლოს გოზინაყი, მოხალული თბილი და რაღაც ამისდაგვარი ვიყიდე და საავადმყოფოში მივედი. მეკარემ კაი ხეწუნა-მუდარის შემდეგ (რომ ახლა გვიანადაა ლეღის მიღება არ შეიძლება) ზემოთ ამიშვა.

მელოდა. ტკბილეულს დახედა.

— თქვენ რა იცით, მე რა მიყვარს?

— მე მხოლოდ ამას ვჭამ.

გაეცინა — ამას მეც ვხვდები, მოკლებული ჩანსო.

— ჰო, ხარისხს ვამოწმებდი გზადაგზა.

ვიცინოდით და ვჭამდით. მას განძრევა არ შეეძლო და მე ვაძლევდი. გოზინაყი ძნელი გასაკვნეტი აღმოჩნდა და ერთხელ ზედ ჩემი თითიც კინალამ მიაყოლა. ვიყვირე. მას გაუკვირდა, კბილები მე მეტკინა და ნეტა თქვენ რა გაყვირებთო.

— შეიძლება, — ვუთხარი, — მაგრამ რატომღაც ვფიქრობ ჩემი თითიც მოყვა შიგ.

ყველაფერზე ვიცინოდით. შემდეგ მკითხა ღამეს სად ათევო, მგონი ცოტა კიდევ დაიმორცხვა — გვიან გამახსენდაო. ისე დაეუხატე ჩემი საცხოვრებელი, მოეწონა, ოღონდ ის არ ვიცი ოთახი მოიწონა თუ მონაყოლი.

— კარგად რომ ვახდები, განახებ ჩემს ბინას, ახლა კი დაიძინე.

— პატარა კიდევ მოიცა, არ მეძინება.

ეს პატარა მოცდა ერთ საათს ვაგრძელებდი. ვგრძნობდი, ტკიოდა და ვუყვებოდი სასაცილო ამბებს, რომ ტკივილზე არ ეფიქრა. ჩაეძინა. მეკარესთან კაი ჯიჯღინის მერე (ამჯერად გარეთ არ მიშვებდა) სასტუმროში მივედი. გამახსენდა — არც ახლა გვეთქვა ჩვენი სახელი და გამეცინა.

მეორე დღეს მაწონი ავუტანე. გაინაზა — მყავეაო. დავუშაქრე, მაინც უარობდა. ჰოდა, მიყევი ბავშვობაში რომ იცოდნენ — ეს დედის ხათრისთვის, ეს მამის, ეს დის, ეს ძმის და ასე... რის შემდეგაც გამოვარკეე, რომ ბებია და ბაბუა საერთოდ არ ჰყოლია, არც კი ახსოვდა და ამიტომ მათი ხათრით ერთ ლუკმასაც არ შევჭამო. მე ვუთხარი, შე კაი ქალო, რამდენჯერ შემისვამს ჩემი ამხანაგების ბებიას თუ ბაბუას შესანდობარი, რომლებიც თვალად არ მინახავს და საკუთარს არ სცემთ პატივს-თქო? ერთი კოვზი მაწონი გადაყლაპა და მორჩა. ვეუბნები ახლა ჩემი ხათრისთვისო. სამი კოვზის შემდეგ მითხრა, თქვენ ხათრს ბოროტად ნუ იყენებო.

— მაშინ ერთი სხვა ვაჟის ხათრით.

— რომელი სხვა ვაჟის? — შემომხედა..

მე მხრები ავიჩიხე.

— აჰა, თურმე რა იკითხეთ — გესლიანად თქვა — კი ბატონო! მისი ხათრით მთელ ქილას შევჭამ.

ჰოდა, დაიღო მკერდზე ქილა და ისე ჭამდა მარცხენა ხელით.

— ეს სულ მისი ხათრით და პატივისცემით. გთხოვთ მგებდნენ თქვენ —
წუხნდებით. ამისთვისაც უდიდესი მადლობა.

— აბა რა შეწუხებაა, განა ღირს თქმად?

— როგორ არა. ხვალ ის ვაჟიც ჩამოვა. ისიც გადაგიხდით მადლობას. ნახე, რა ბავშვია? მართლა არ განაწყენებულა? მივხვდი უაზრო მდგომარეობაში ჩავიგდე თავი ვიღაც ვაჟის ხსენებით და ახლა ხუმრობით უნდა გამოვსულიყავი“.

— მით უკეთესი, თუ ჩამოვა. მან ხომ უკეთ იცის რა გიყვართ და რა არა. მე კიდეც თავის მტვრევა არ მომიწევს, როგორ შევაჭამო ერთი კოვზი მაწონი-თქო.

სიცილი წასკდა და უმაღვე გაბუტულის იერი მიიღო.

— დიახაც რომ მისი ხათრით ყოველდღე სამ ქილა მაწონს შევჭამ.

— კი ბატონო, ოღონდ ნუ გამოტეხეთ მაგას ფსკერი.

გაეცინა და მერე როგორ! მეც ავყევი. იმდენი იცინა, რომ ის ქილა გადმოვარდა და გატყდა. ამაზეც ვიცინეთ.

— რა ვაზა გაგვიტყდა?

— ეგ არაფერი. ერთი იყო და ახლა რამდენია.

— ჩვენს შერიგებას შეეწირა. არადა რა პატარებივით მოგვივიდა, არაფრის გამო.

— აბა, არ დავამტვრიეთ აქაურობა?

ნამსხვრევები ავკრიფე.

— მაწონი ხომ შევჭამე. ახლა დაჯექით და მიამბეთ რაიმე.

მე ფეხბურთი მომაგონდა. ერთხელ გერმანელების არმიის გუნდს შევხვდით. მეტად პრინციპული თამაში იყო, უმაღლესი ოფიცრობა გვესწრებოდა. დავჯარიმდით. ვინც ურტყამდა, ბურთი ერთი მეტრით წინ დადო. სახიფათო არ ეთქმოდა, მაგრამ მე მაინც წაუტყარი ჯეხი, უკან დავუგორე. იმან კვლავ წინ დადო, მეც შევეუსწორე და ავყევით ასე. გამოვგველია მოთმინება მეც, მასაც, სხვებსაც. ჰოდა, მეუბნება ამხანაგი, დაინებე ორი მტკაველი მიწა, ახლაც ომი ხომ არ არისო. ამაზე სიცილი აგვიტყდა. იმდენი ვიცინეთ, სანამ ჩვენს კარში არ შევარდა ბურთი, ჩვენი გაჩერება არ იქნა. ბიჭებმა ლამის შეგვჭამეს, ისინი კიდეც გვეხვეოდნენ და გვკოცნიდნენ.

გოგომ იმდენი იცინა, კინალამ მისავათდა. — წააგეთ? — მკითხა მერე

— არა. წარმოგიდგენიათ, ორი გოლი გავიტანე, როცა მე დიდად არ მიყვარს გოლის გატანა.

— დამცველი ხართ?

— არა, ნახევარმცველი, — გამიხარდა, რომ ფეხბურთში ერკვეოდა.

— ძალიან მსიამოვნებს დრიბლინგი, ლამაზი პასი, მოედნის შუაგულში თამაში. ბურთს რომ მეკარეს გაუტანენ, მეცოდება და სინანულს ვგრძნობ, ვისიც არ უნდა იყოს, — ავიჩიჩე მხრები.

— ალბათ, მწვრთნელები სულ არ გიფასებენ დიდსულოვნებას.

— რას ამბობთ, სულ ამას არ მსაყვედურობდნენ? კარში წესიერად დარტყმასაც გადავეჩვიე. იმ დღეს კი სენსაცია მოვახდინე, ოღონდ მცირე მასშტაბით.

— თანრიგის ნიშანს რატომ არ ატარებთ?

— ვერ ვიტან ასეთ რამეებს. საერთოდ არ მომწონს, ყეტონებით რომ გაივსებენ მკერდს.

სადილი შემოიტანეს. სულ ცოტა მოციქნა.

— რალაც ვერ ვჭამ. სულ არ მაქვს მადა.

— რატომ აქამდე არ მომაგონდა, — შემოვირტყი თავში ხელი და წამოვხტი.

— რაო, ვაუბატონო, გაგვიანდებათ ვინმესთან?

— დიახ, ქალბატონო, მალე მოვალ.

— ნუ იჩქარებთ, — დამადევნა.

გამეცინა. ბაზარში მივედი. ვიყიდე კიტრი, პამიდორი, მწვანელი, სულგუნი, კახამბალი, თონის პური, ლიმონათიც დავამატე და ასე ავედი მასთან. ყველა ავადმყოფს თავს ედგა ნათესავი თუ ახლობელი, მხატვრის გარდა.

— ამას ხომ არ მიირთმევდით, ქალბატონო?

თავი გააქნია და პატარა ბავშვივით თქვა — ნწ...

— ჰოო? მე — დიდი სიამოვნებით.

სადილს შევუდექი. პილპილს მთელად ვაყოლებდი. მიყურა ერთხანს და მერე ამოიოხრა — რა უღმერთობაა, აღარ მაჭმევ!

— ნწუ — გავაქნიე თავი.

გაგვეცინა. პამიდვრის დიდი ნაჭერი მივუტანე. იმანაც თავი წამოსწია მე კი შევჭამე. ამაზეც გაუთავებლად ვიცინეთ. მადიანად ჭამდა. აღარ დამჭირებია ბებიას და ბაბუს გახსენება. მასაც ჰყვარებოდა პილპილი. შემდეგ კახამბალს გეახელით. სხვებსაც დავურიგეთ.

— ახლა ლიმონათი მომართვით.

— ინებეთ, ქალბატონო.

— აწი შეგიძლიათ წახვიდეთ. საღამოს 7 საათზე აქ გაჩნდებით.

— უეჭველად, მოწყალეო ქალბატონო!

წამოვედი. გზად, წიგნის მაღაზიაში, რომელიღაც მწერლის წიგნი ვიყიდე. ოთახში ავედი, წამოვწექი. დიდი სიამოვნებაა წამოწოლილი კითხვა. ნეტა ვინ მოიგონა, თვალებს ტკენსო. რას ამბობთ! რა ჯობს, თან

სიგარეტიც გააბოლე. ყდაზე მწერლის სურათიც ეხატა. კითხვისას ხშირად დავხედავდი ზედ. ასეთი ჩვევა მაქვს: როცა ვკითხულობ, მწერლის სურათს დავხედავ ხოლმე. მაინტერესებს ამნაირი ფიზიონომიის პატრონსა თუ შეეძლო ეს აზრები ჰქონოდა, ასე ეწერა, ანდა შემთხვევით ჩამსვალა მოცდა დიდებული აზრები. მის სახეზე ვიკვლევ ყველაფერს. მოკლედ, ეს არა მარტო სიამოვნებას მანიჭებს, არამედ ენით გამოუთქმელი ძიებაა ჩემთვის. იმ აზრებსაც ვეძებდი, რომლის გაფიქრებაც შეეძლო ამა თუ იმ სახის მქონე მწერალს. ბოლოს დავიღალე და დამეძინა.

სალამოს 8 საათი იქნებოდა, მხატვართან ავედი. ვიცოდი გაბუტული იქნებოდა დაგვიანების გამო და ყვავილები ვიყიდე. მე ყვავილებში დიდად ვერ ვერკვევი, ვარდისა და იას გარდა ყველას „ფიალეტას“ ვეძახი. არა და ლამაზები იყვნენ, წითელი, ხავერდოვანი, დიდ ღეროებზე.

მოლუშული დამხვდა.

— მთელი საათი მალოდინეთ.

— სულ იმას ვშიშობდი, არსად არ წავიდეს-თქო, — შევძელი მისი გაცივნება. ყვავილები დავანახე, — ამათი ბრალია, ახლაც გადავყრი.

— აბა რას ამბობ? მოიტა! რა კარგებია! დაგვიანებას ამ ერთხელ გაპატიებ.

კარგახანს შევრჩი. ვყვებოდით რაღაც ამბებს, ვივანშმეთ და როდის-როდის დამართო წასვლის ნება.

დილით ასვლა შემავიანდა, უღვთოდ მეძინა. მისი მშობლები კიდევ არ ჩამოსულიყვნენ. ტკივილები აწუხებდა. გვიან ღამემდე დაყვავი მასთან. ვართობდი, რაც შემეძლო. რომ მივდიოდი, მითხრა თქვენი დახატვა მინდოდა მეორეჯერ და არ მგონია გამომივიდესო.

— რატომ? მოგიჩვენებ ხელი და უკეთესსაც დახატავ.

— არა, მე სხვას ვამბობდი. ხატვისას ხასიათს ვეძებ. მაშინ კი მხოლოდ ირონია დავიჭირე. ახლა გამიძინელდება თქვენი ნამდვილი ბუნების გადმოცემა.

— ოო, მაგ საქმეს მოვევლება. ნახატების მთელ სერიას გააკეთებთ ჩემზე. — ვნახე გამოსავალი, — მხოლოდ ეს სამყარო არ დაგავიწყდეთ.

— ამას რა დამავიწყებს.

— ქოხი რომ დაინგრა?

— არაფერია, ახალს გავაკეთებთ. ნახე, მე და შენ უფრო კარგ ქოხს თუ არ ავაშენებთ.

შევკრთი, „შენო“ მითხრა.

უცნაურად სერიოზული სახე ჰქონდა.

ვერაფერი ვთქვი.

— ჰო — ვუთხარი ბოლოს, თავზე ხელი გადავუსვი — იქნებ...

შეიძლება... ვინ იცის...



ხელი მხრით დაიჭირა და ლოყაზე მიიკრა.

— აბა, ხვალამდე, პატარა მხატვარო, — მოუჩუჩე თმები.

დილით წვიმდა. სასაუზმეში შევედი. კარებში მეზობლები შემხვდა. მძლოლი. აქ საიდანო მეკითხება.

— მთელი ისტორიაა. ავარია მოხდა.

— ჰო, ვიცი. ჯერაც არ აღუდგენიათ რკინიგზის ხაზი.

კონიაკი მოიტანა.

— მანქანაზე ხომ ზიხართ?

— კი. მე სულ ცოტას შევსვამ, შენ ბევრს. ჩვენი შეხვედრა არ აღუწვინო?

ვსაუბრობდით, თან ნელ-ნელა ვწრუპავდი კონიაკს. მითხრა ერთ საათში გავდივარ და ხომ წამოხვალო.

— მგონი წამოვალ.

საავადმყოფოში ავედი მხატვართან. კონიაკი ცოტათი გამჯდომოდა. თავში.

— ჩამოვიდნენ.

— ოო, დიდებულია. ჩემს გადიობასაც დაესვა წერტილი.

— ხუთი დღე კიდევ უნდა ვიწვე აქ. შენ დღეს მიდიხარ?

თავი დავუქნიე — ნახევარ საათში.

— ასე მალე! რატომ?... რატომ ასე მალე?

— მანქანა მელოდება.

— ჰოო? ჩემს მშობლებს სურდათ გაეცანი. სასტუმროში წავიდნენ ნომრის ასაღებად.

— კარგი იქნებოდა...

— მთელი ეს დღეები გაგაცდენინე.

— რას ამბობთ. არ მგონია ამ სამ დღეში დიდი მნიშვნელოვანი რამ მომხდარიყო სახლში.

გავჩუმდი. თითქოს სათქმელი არაფერი დავგრჩა.

— წავედი — ვთქვი ბოლოს, დავიხარე და შუბლზე ვაკოცე. მანაც მოასწრო. ესაა ცხვირზე მომიწია. გავველიმა. მას უცნაურად ნაღვლიანად გაელიმა.

— გინახულებ. უეჭველად გინახულებ.

სახლში ღამით მივედი. სამზადისის ღია კარებიდან სინათლე გამოდიოდა. ნაწვიმარ მოლზე სინათლე მბრწყინავ ლენტეხით მოჩანდა.

დედაჩემი ცეცხლისპირას იჯდა. თავი დაეხარა, ცომს ზელდა.

ვხედავდი მის თმებს, თეთრ თმებს. სულ ასეთი მახსოვს დედაჩემი.

ნეტავი რატომ გაუთეთრდა ადრე, ანლა გავიფიქრე რატომღაც. სა-

ხეზეც ნაოჭები გაუჩნდა. თუმცა ჩამოშლილი თმა ფარავდა, ვერცხობდი რაც არ მენახა, მომრავლებოდა. ვუცქერდი და რაღაც უცნაური გრძნობა შეუფლებოდა, რომ მან არ იცოდა ჩამოვედი, მე კი იქვე ვიჯდებოდი ბთან. ვიდექი და ვუყურებდი როგორ ზელდა ცომს. თითები არ ჩანდა, მაგრამ მე მაინც გარკვევით ვხედავდი კაცის თითებივით დაყოყრებულს, გაუხეშებულს. გამახსენდა, როცა მომეფერებოდა, ნელა მომისვამდა სახეზე დედაჩემი, თითქოს მხეხავსო, თან ისე ტკბილად, ვიტრუნებოდი და განძრევას ვერ ვხედავდი.

წარმოვიდგინე მისი ვაკვირება: — „ოჰ“-ს წამოიძახებდა, გამიღიმებდა. ამ ხნის ქალია და გადასარევი კბილები აქვს, ახალგაზრდასავით. რომ იცინის, ნაცრისფერი თვალები ცისფრად აუტიმციმდება.

საოცარი არაა?

— დე, მჭადი სქელი არ გამოვიდეს, დე!

— ოჰ, — წამოიძახა, — ღმერთო!..

თითქოს შეშფოთება შევნიშნე მის სახეზე. მოვეხვიე. ხელები გამაღლა, რომ არ დავესვარე.

— ჩემი დედა, — ვკოცნიდი სახეს; — ხომ კარგად ხარ დე?

— თავი მოვაშორე და შევხედე. კვლავ შეშფოთებული ღიმილი ჰქონდა სახეზე, თვალები ცისფრად არ უციალებდნენ.

— ხალხი სად არის, დედა!

დედა დაჯდა, კეცი გადმოიღო ნაკვერჩხლებიდან და ცომი დააქრა.

— მამაშენი სკოლაში შერჩებოდა, საწერი ჰქონდა ბლომად. აწი სადაცაა მოვა. ბიჭი ქორწილში წავიდა.

— ვის ქორწილში? — დავინტერესდი.

სამფეხა სკამზე დავეშვი. კატა მოცუნტულდა და ჩექმაზე ზურგი კრუტუნით ამისვ-ჩამომისვა.

— ოო, გამარჯობა თავიჭამიავ. როგორ ხარ? — კუდით ავიტაცე.

კატამ დაიჩხვლა და ეცადა კლანჭებით მომწვდომოდა.

— კარგი, გაუშვი! ნუ დაიწყე ძველებურად კატის წვალება.

— ა, ბატონო, რახან ასე ძველებურად გეცოდება ეს მხეცუკა. დედას გაეცინა.

— რა, დე, ვის ქორწილში წავიდაო?

— ავერ... მეზობლად... — ჩუმად თქვა და ამომხედა. თვალები გავუსწორეთ დიდხანს. მერე თავი დახარა, ალბათ კეცზე ნაკვერჩხლის დასაყრელად.

მაგრამ არა! თავი ჩაეკიდა და ვღუმდით. წამოვდექი.

— ჰოო? ქორწილი კარგი საქმეა. რა, ჯობს ქორწილს.

მომცრო ხელადა ავიღე — დე, ღვინოს ჩამოვასხამ.

გარეთ გავედი — სიგარეტს მოვუკიდე.

უეცრად თვალწინ ისევ გაიელვა თავიდან ყველაფერმა: საქართველო
საქართველო

ნაწილმა, მატარებელმა, წერილებმა — დახეულებმა და დაუხეველებმა, სა-

თამაშოებმა, მეზობლის გოგოსთვის რომ მომქონდა, მხატვარმა გოგომ.

უცხო ქალაქში გატარებულმა სამმა დღემ... ჩამოსვლამ...

თითქოს წამით გაიელვა, მაგრამ ჩემი ხედვის არეში ყველაზე დიდ-
ხანს მხატვარი გოგოს სახე დაილანდა...



მომავალ დღეთა სიკეთის გვჯერა...

— იქნებ კი ჯობდა...

ფიქრობ და უცებ

ეგ წამიერი სისუსტეც გაკრთობს.

და მოთქინებით ელი და უცდი

სტრიქონებს —

შენი სიცოცხლის პატრონს.

მომავალ დღეთა სიკეთის გჯერა,

და იმედებით ცოცხლობ და თბები.

შენი ოთახის დაბალი ჭერი

მიიწვევს მაღლა ჩიტების ფრთებით.

და ღრუბლებიდან უმზერ და ხედავ

პატარა გზებით მიმავალ ტოლებს.

ისინი შენი უცნაურ ხვედრით

ართობენ სახლში დარჩენილ ცოლებს.

ლოცავ ფიქრებში გაფრენილ წამებს,

და გეცოდება ტოლები შენი...

მეგობარივით მოსული ღამე

სულს წამალივით არჩენს და შველის.

თვლებში ისევ იმედი გიკრთის,

იმედის ფასი მხოლოდ შენ იცი

და შენი ცხელი სუნთქვით და ფიქრით

შენი ოთახის სიცივე იწვის.

ადიდებ ისევ საკუთარ იღბალს,

იმედებს ისევ ღამეებს უთევ

და გელანდება ტყეების მიღმა

ჩამონგრეული ჩიორას ბუდე.

და ემატება სიმაღლე სურვილს,

ველარ ისვენებ, ღელავ და შფოთავ...

საქართველოს მტრებს ქორივით უვლის

ფიქრი. — რომელიც გაექცა ოთახს.



ჩემი მეგობარი სიბილე

ამ ორიოდ წლის წინათ მოძმე გერმანიის დემოკრატიული რესპუბლიკის კინემატოგრაფისტები ბათუმში იღებდნენ ფილმს „ჩემი მეგობარი სიბილე“. ესაა კინოსურათი ცნობილი გერმანელი იუმორისტის რუდი შტრალის ამავე სახელწოდების მოთხრობის მიხედვით. ნაწარმოების გმირები მოგზაურობენ შავი ზღვის სანაპიროებზე, ეწვევიან აჭარასაც და ათანაირი ფათერაკი გადასდებათ. ეს ფილმი უკვე იხილა ჩვენმა მაყურებელმა. ახლა გთავაზობთ ნაწყვეტებს ამ ვრცელი მოთხრობიდან, რომელსაც უშვებს გამომცემლობა „საბჭოთა აჭარა“.

ბათუმში რომ შევედით, საუზმის დრო იყო. აქედან თურქეთი ერთი ფეხის ნაბიჯზეა. მაგრამ წესიერი კაცი, რა თქმა უნდა, უცხო ქვეყანაში არ გადაალაჩებს. საბანაო სეზონი აქ ორჯერ უფრო ხანგრძლივია, ვიდრე ჩვენთანო, მეუბნება გემის მზარეული. საბჭოთა მესაზღვრეების სასულე ორკესტრი ჩვენდა პატივსაცემად უკრავს მშვენიერ მელოდიას „უნტერ დენ ლინდენ, უნტერ დენ ლინდენ...“ რომელიც პალმების ქვეშ განსაკუთრებით სასიამოვნოდ ჟღერს. მოსწავლეებიც მოსულან ჩვენს შესახვედრად; მოკლე შავკაბიანი და თეთრწინსაფარიანი გოგონები და მწვანეჭუდიანი ბიჭები. მსოფლიოს სხვა ქვეყნების ბავშვებივით, ისინიც სამკერდე ნიშნების მოყვარული არიან, მაგრამ ვალში არც თვითონ რჩებიან. ჩემს უბრალო პლაკატებში, რომლებზედაც ბერლინური დათვი ახატია, სუვენირების მთელი კოლექცია მივიღე: სამი მშვენიერი მკილისოდენა ნიჟარა, გაგარინის სურათი, ორი თეატრის ბილეთი, წითელი პიონერის ყელსახვევი და უამრავი ბროწეული.

— მადლობელი ვარ, — ვეუბნები ყველას და მიხარია, რომ ერთი პატარა ჯიბის კომპასი კიდევ შემიძლია გავაჩუქო. სამაგიეროდ თავზე მახურავენ ამოქარგულ ქართულ ქუდს.

ბავშვები გერმანულად მღერიან ახალგაზრდობის სიმღერას. ჩვენც ხმას ვაყოლებთ და ცოტათი გვრცხვენია კიდევ, რომ სიმღერის მხოლოდ პირველი ტაეპი გვახსოვს.

ეს დღე, ასე ვთქვათ, ინდივიდუალურია; ყველა ისე იქცევა, როგორც მოესურვება. მე და ლამაზი ქალიშვილი მივეშურებით ქალაქისა და ქვეყნის შესახებ მხოლოდ ის გამიგონია რომ ერთ დროს თურქებს ქვეყნისა

— ეს ქალაქი, — ვეუბნები მას, — წინათ თურქებს ჰქონდათ დაპყრობილი.

— ჰოო, — ამბობს ის და ირგვლივ იხედება.

— მაგრამ მას შემდეგ დიდი ხანია, — კვლავ ვეუბნები მე და საშინლად მრცხვენია, რომ ჩემი ცოდნის მარაგი ამით ამოიწურა. აბა, მის ცხვირწინ ჩვენი გემის მზარეულის გზამკვლევაში ხომ არ ჩავიხედავდი.

ქალიშვილს ვებრალები და არაფერს მეკითხება... ასე უდრტვინველად დავსეირნობ მასთან ერთად პალმების ქვეშ და მიხარია, გამვლელე-ბი რომ ქალიშვილს უცქერია.

ბათუმი ცისფერი ქალაქია. ასე მგონია, თითქოს სახლებს თავიანთი ფერი მაღალი ზეცისა და ზღვისაგან გადასდებიან. მაგრამ მწვანე თუ ბაცი ყვითელი, ვარდისფერი თუ ქათქათა შენობებიც საოცრად ჰარმონიულად შეხამებიან მიმზიდველ სილურჯეს. და ჩემს სიცოცხლეში პირველად ვინანე, რომ თან არ მქონდა ფოტოაპარატი. კიდევ უფრო შეეწუხედი, როცა ზღვისპირა პარკი, ქალაქის გულის ფართო, მოასფალტებული ქუჩები გავიარეთ და თავი ძველ უბნებში შევრგეთ. მერე ბაზარს მივადექით, სადაც თვით ჩემი ქალიშვილიც კი, რომელსაც ათასფერადი კაბა აცვია, ხალხის ჭრელ, ხმაურიან ტალღაში იკარგება.

სადაც რეპროდუქტორი უნდა იყოს. გაჭიანურებული მუსიკალური პროგრამა მიგვანიშნებს, რომ ახლოა აღმოსავლეთი. ისე ოსტატურად უკრავენ, ყოველი ჯახისტი შურისაგან გულზე გასკდებოდა. მაგრამ მუსიკა მხოლოდ იმ მჩქეფარე ცხოვრების კულისებია, რომელიც გვიზიდავს და ქალაქის ქუჩაბანდებისაკენ გვეწევა.

ეს გოლიათი, რომელსაც პაპანაქება სიცხის მიუხედავად შავი მხედრული სამოსი აცვია და თავზე უზარმაზარი ბეწვიანი ქუდი ჩამოუფხატავს, დათვებზე მონადირე ან მთასვლელი უნდა იყოს. იქნება ასეცაა რაკი მთები და დათვები ორიოდე კილომეტრზეა. მაგრამ აქ იგი ყიდის ოქროსფერსა და მოყავისფრო თამბაქოს, რომლის ერთ დანახვაზეც კი ჩემი ფილტვები ძალუმაღ იბერება.

მაგრამ სანამ ჩემს მანეთებს მოლურჯო კვამლად გადავაქცევდე, ხალხის ტალღა შორს გვიტაცებს. ყველგან ატმის, ვაშლის, მსხლის გორებია. ზოგან ერთმანეთში არეულია ვაშლი და მსხალი. ქლიავსა და ნესვს ველარ აუხვალ კაცი. დახლთან კვლავ ვაჟკაცური, ქარდაკრული სახეებია. ეს ნაკლებად შეეფერება ხილეულისა და თამბაქოს გამყიდველს. აქა-იქ მოჩანან თეთრთავსაფრიანი ბებიები და გოგონები, ნაწნავები რომ წელამდე წვდებათ. ისინი ხმამაღლა აქებენ, და ალბათ, სამართლიანადაც, თავიანთი

ცხვრის ყველს, მჟავე კიტრს, ცოცხალსა და დაკლულ ფრინველს, ხელოვნაქსოვ საბნებს, ასხმულებს, ტყავის ქურთუკებსა და ათას სხვა რამეს.

ბაზრის ერთ კუთხეში ძლივს ვუსხლტებით მყიდველებსა და მოყვარეთა ტალღას. ჩვენს წინ დახლზე აწყვია მუცელგამობერილი, ლალისფერი სითხით სავსე ბოთლები. და მომაგონდა ამასწინანდელი საღამო,

— კაპორი! — ამბობს გამყიდველი და ენას აწკლაუნებს. მაშ, არ შევმცდარვარ. ერთ ჭიქა ღვინოზე ვეპატიეები ლამაზ ქალიშვილს.

ერთი რომ გადაკრა, სულ სხვანაირად გამოიყურება. არც მეორე ჭიქაზე ამბობს უარს.

— მოგეწონა, განა?

გამყიდველს ვეკითხები, რა ღირს-მეთქი. იგი უზარმაზარ ბოთლზე მიმითითებს და ფასს ამბობს.

— არა, — შეშინებული ვეუბნები მე, — მაშინ ბერლინამდე რაღა გამოგვაფხიზლებს, სამი ჭიქა, ამხანაგო...

როცა მიხვდა რასაც ვეკითხებოდი, ხელი ჩაიქნია. ჭაშნიკისათვის, აბა, ფულს როგორ აიღებს. ისე კარგი ჭაშნიკი კი იყო, დალოცვილი. ვემშვიდობებით და გზას ვაგრძელებთ. ჩემი ქალიშვილი ოდნავ ბარბაცებს, მაგრამ ეს კიდევაც უხდება.

ვერ გამიგია გემის ამდენი მგზავრიდან რაღა მაინცდამაინც დოქტორ რემუსს ვხვდებით, სიბილეს საყვარელ მამას. იქნება ქალიშვილს იმწამსვე პირში არ მიახალოს, მე და მზეთუნახავი რომ ხელიხელგადახვეული გვნახა. აბა, რომ წაქცეულიყო! მაგრამ იცის კი ეს ამბავი? სიბილე ხომ სულ არ დამიჯერებს. ან „პოო“ მეტყვის, ფროილიან გრიუნზე უფრო გესლიანად მეტყვის.

მაგრამ დოქტორი რემუსი ისეა გართული, მზეთუნახავს არც კი ამჩნევს. სამაგიეროდ, თითქოს მხსნელად მოველინეო, ისე მესალმება. ვირზე მჯდარი წვერებმოშვებული ბერიკაცის გადაღებას აპირებს ძველი სახლების ფონზე. გადაღებას კი აპირებს, მაგრამ ეს არც ისე ადვილი საქმეა.

— მინდა სურათი გადავუღო, მაგრამ უარს მეუბნება. მაინც რატომ? — მეკითხება დოქტორი რემუსი.

ღიახ, ბერიკაცი უარზეა. არა, გადაღებით გადაუღონ, — დამახასიათებელი თავი აქვს და გამოჩენა არსად არ შერცხვება, — მხოლოდ ამ ძველი და დაცხავებული სახლების ფონზე ნუ გამოჩნდება.

— მაგრამ ეს ხომ რომანტიკულია? — ეუბნება დოქტორი რემუსი. — რომანტიკული კი არა ის არ გინდა! — ბრაზობს ბერიკაცი. მერე თითო ლამაზ, თანამედროვე სახლებზე უჩვენებს და ცდილობს დოქტორ რემუსს აუხსნას, აი ამ სახლების ფონზე მირჩენია გადამიღო.

— მაგრამ ის ქოხი ხომ ნამდვილად რომანტიკულია, — მაინც თავისას ადგას დოქტორი რემუსი.

— წარსულის დაცხავებული გადმონაშთი, — აგიტატორივით გამო-
ბობ მე, — რომელსაც მალე დაანგრევენ და მის ადგილზე ასეთივე კოხ-
ტა, თანამედროვე სახლს წამოჭიბავენ.



ახლა, მგონია, ბერიკაცსაც სჯერა, რომ როგორც ჯგუფის ხელმძღვა-
ნელმა რუსული უნდა ვიცოდე. მესმის, რატომ არ უნდა მოხუცს ქოხის
წინ სურათი გადაულონ და დოქტორს ასე ვეუბნები: თქვენს მეზობლებს
სახლში ხომ ეგონებათ, თითქოს ბათუმში ყველა სახლი ასე გამოიყურე-
ბა. ამიტომ უარზეა ბერიკაცი.

— მე ხომ სხვა სახლებსაც გადავიღებ, — მეუბნება დოქტორი და
ვიცი, ასე მოიქცევა. მაგრამ როგორ გინდა გააგებინო ეს ბერიკაცს? ტი-
პიურობაზე ჟესტებით ვერ იკამათებ კაცი, ეს პრობლემა ენამჭევრობას
მოითხოვს. მაშინ ორთავე კომპრომისზე მიდის; დოქტორი ბერიკაცს რო-
მანტიკული ქოხის ან თანამედროვე სახლის ფონზე კი არა, ლამაზი პალ-
მის გვერდით უღებს სურათს. დაუვბრუნდეთ ბუნებას!

...აიხადა ფარდა, სცენაზე დაჰქრის ოციოდე ვაჟი. რა ტემპია! რა რო-
მანტიკულობა! კაცს სუნთქვა გეკვრის.

ნეტავ ისინი ხომ არ ცეკვავენ, ბაზარში რომ თამბაქოსა და ღვინოს
ჰყიდიან და მთებში დათვებზე ნადირობენ, ჯანიანი, ათლეტური აგებუ-
ლების ვაჟკაცები, რომელთაც ხელოვნების სიყვარულით ბუნებრიობისა-
თვის არ უღალატიათ. თითოეული ნომრის დაწყების შემდეგ დარბაზში
ჩურჩული გაისმის. საბჭოთა მაყურებლები ჩვენს უკან ერთმანეთს ეუბ-
ნებიან ცეკვის სახელწოდებას. აჰ, როგორც ჩანს, ხალხური ხელოვნება
სამუზეუმო საკუთრება კი არაა, განსაკუთრებული შემთხვევის გამო რომ
გამოამხეურებენ ხოლმე. ყოველი ცეკვის შემდეგ ტამის გრიალი კიდევ
ერთხელ გვარწმუნებს, რომ ჩვენი თუ საბჭოთა ჯაზის ტრფიალი ისევე
აღტაცებულა, როგორც ხანშიშესულები, ჩა-ჩა-ჩაც რომ სიგიჟედ ეჩვენე-
ბათ. მარტო ფსიქიატრი ვერ ისვენებს ერთ ადგილზე და სულ იმას მეკი-
თხება, ლამაზკანჭიანი ქალიშვილები როდისღა გამოვლენო.

— აი, ახლა, — ვეუბნები მე, თუმცა ჩემს ხმას დამაჯერებლობა აკლია.

მართლაც გამოვიდნენ, მაგრამ გრძელი, თავისუფალი კაბები აცვიათ
და უფრო ხელებს ამოძრავებენ, ვიდრე ფეხებს. მთავარი როლი მაინც მა-
მაკაცებს აკისრიათ. არცაა გასაკვირი. ეს ცეკვები ხომ ძველისძველია, იმ-
დროისა როცა ქალი მაშინღა ამოიღებდა ხმას, ქმარი რომ რაიმეს შე-
ეკითხებოდა.

ყველაფერი ეს რომ დიდი ხანია წარსულს ჩაბარდა, გარეთ გზისკ-
ლისას დავრწმუნდი, როცა ახალგაზრდა ქართველმა ქალმა თავისი ქმარი
კარგა ლამაზად შეახურა. შეიძლება მან სხვა ქალს დაადგა თვითღმერთურა
ნებ სულაც ამხანაგებთან ჭუჭუჭუკი უნდოდა. ასეა თუ ისე, ახლა თავჩა-
ღუნული მისდევს თავის მშვენიერ მეორე ნახევარს.

საუცხოო ორგანიზატორული ნიჭით დაჯილდოებულ ჩვენს უფროსს
ახლაც დაწყობილი მივყავართ ნავსადგურისაკენ. ესაა მხოლოდ, უდისცი-
პლინო ტურისტები ჯგუფებად და ქვეჯგუფებად ბრუნდებიან უკან. მეც
ეს მინდა. გასასვლელთან ვდგავარ და მზეთუნახავს ველოდები. დღეს
შენ მას აკოცებ! — ვეუბნები ჩემს თავს.

მაგრამ მის მოსვლამდე სიბილემ დამინახა და, რა თქმა უნდა, მანამ-
დე ფეხს ითრევს, სანამ ყველა გაიკრიფებოდეს. შემდეგ უტიფრად მეუბ-
ნება, რა ვქნა გემამდე გზას ვერაფრით ვერ გავაკვლევო.

— კარგი, წავიდეთ, — ბედს ვემორჩილები მე. ბრიგადის წევრებმა
და მედიკებმა ალბათ ხელში ჩაიგდეს მზეთუნახავი და აღარ მოეშენენ.
მას მხოლოდ მეორე დილით მოვკარი თვალი, როცა ერთ კოლონად დაწ-
ყობილი თერთმეტი ავტობუსით ბოტანიკური ბალისაკენ გავემგზავრეთ.
მაგრამ ბალი იმოდენაა, მზეთუნახავთან შეხვედრის იმედი სრულიადაც
არა მაქვს. ჩვენმა გიდმა გაიგო, რომ ჯგუფში ბოტანიკოსები გვეყოლია. ასე
რომ, ახლა ისინი ერთმანეთს ეჯიბრებიან ცოდნაში და კითხვა-პასუხს თავი
და ბოლო აღარ უჩანს. ჩვენ ჯერ ბალის ევროპული განყოფილება არ მო-
გვიტავენბია, სხვებმა კი უკვე აზიაც გადაიარეს.

მხოლოდ ევროპისა და აზიის ფლორა როდი ხარობს ამ საოცარ კლი-
მატურ პირობებში, აქ მსოფლიოს ყველა კუთხის მცენარეულობაა წარ-
მოდგენილი. თითქმის ერთი საუკუნის მანძილზე ერთიმეორის გვერდით
ცოცხლობენ და თავიანთი მარადმწვანე ჰარმონიულობის მაგალითს ამ-
ლევენ სხვა ნებისმიერ ინტერნაციონალურ საკრებულოს.

— ევკალიპტის ხე ბუნებრივი ტუმბოა, — უზადო გერმანულით გვი-
ხსნის ბოტანიკოსი, — იგი უხვად ისრუტავს ტენს ჰაერიდან და უწყლო
ნიადაგში შეაქვს...

ეს განმარტება საკმარისია, რომ ევკალიპტმა უფრო გამაოცოს, იე-
რომიერს კი პირიქით, დაწვრილებით უნდა მოისმინოს ყველაფერი. ბოტა-
ნიკოსი სიამოვნებით ასრულებს მის თხოვნას. აბა, რომელი მეცნიერი და-
ეჭვდებოდა მონაყოლის სისწორეში? სანამ ევკალიპტის ხეს ძირიანფეს-
ვიანად „არჩევენ“, ყოველ შემთხვევაში თეორიულად მაინც — შეუმჩნე-

ვლად ვიპარები და დავებეტები ავსტრალიასა და ამერიკაში, ადრეის
ბანანის ჭალებში. აქ ისეთი სიჩუმეა და გრილა, რომ სინდისის ქენჯნის ბედ-
ნიერების ამოძახილებით ვაყუჩებ. ვხედები რამდენიმე კაცს, რომლებიც
ჩემსავით ექსკურსიას გამოქცევიან და ამ აუწერელი სილამაზის ბუნებით
ტკბებიან. სხვათა შორის, ბალის დამაარსებლებს ჩვენზედაც უფიქრით:
ვერსად ნახავ წარწერებს ლათინურ ენაზე. უკვე დავიწყებული სკოლის გა-
კვეთილებს რომ გაგონებენ, და არც ის წარწერებია, ჩვენში რომ ყველა
უბადრუკ პარკში ჰკიდია: „ყვავილების მოწყვეტა სასტიკად აკრძალულია“.

გერმანულიდან თარგმნა **პ. მახუტაძემ**.



ზაქრო ქაქერაძე

დრონი მეფობენ

დღეები ასე მიდიან ზანტად
და განშორების გვაფენენ წუხილს...
ასე თანდათან, ასე ანაზღად
ვემშვიდობები პირველ წვას, დუდილს.
მაგრამ რაც დრო-ყამს გამოეკვერა, —
აბოლდა, როგორც სხივებით თოვლი.
ვერც მისწვდებოდა სხვა ბედისწერას...
დრონი მეფობენ გამგებნი ყოვლის!





მოხუცი მეთევზის ფიქრები

ყველაფერს თავისი ისტორია აქვს. ეს იტყვის მეთევზეობაზეც, ზღვაზეც... ამ ლოდზეც კი, ნაპირზე რომ გდია და ტალღები უმოწყალოდ ეხეთქებიან.

იბრაიმ სეიდიშვილს ხომ მით უფრო აქვს თავისი ბიოგრაფია, თავისი ისტორია...

იგი დაიბადა ბათუმში 1895 წელს; დაიბადა აქ, აი, ახლა რომ დგას, ზღვის ნაპირზე, ნავსაყუდელთან; არა, ცოტა მოშორებით, მაშინდელ ბაქოს ქუჩაზე, მაგრამ რაც თავი ახსოვს, ამ ადგილის ტრფიალია და ასე ჰგონია, მისი აკვანი აქ დაირწა.

აქედან ხელისგულივით მოჩანს უსაზღვროდ გაშლილი, ლურჯად მოლივლივე შავი ზღვა.

საოცარია, რატომ უწოდებენ შავს — ის ხომ ლურჯია. იქნებ თვალები ატყუებს? ო, არა, ნამდვილად არა — ნახევარ საუკუნეზე მეტია, ამ ზღვას დაჰყურებს და მუდამ ასე ლურჯია. ლურჯია და რალაცნაირი ანდამატური მიმზიდველობა აქვს.

ახსოვს იბრაიმს — თხუთმეტი წლის ჭაბუკი იყო მაშინ: მამამ ორთაბათუმში წაიყვანა და ხასან-ალა ქიქავას სახლში გახსნილ სკოლაში მიაბარა. მიაბარა იმიტომ, რომ ეშინოდა, ზღვაში არ დამეხრჩოსო, თორემ ახმედს იბრაიმს გარდა შვიდი შვილი აწვა კისერზე. ყველასათვის რომ ესწავლებინა, თანაც ოჯახი ერჩინა, ამდენს იმ ერთი ძველი და პატარა ნავის შემოსავალი რას აუთავდებოდა! ნავი მარტო მისივე არ იყო — ორი მოზიარე ყავდა.

ახმედმა ზღვის სიყვარული მაინც ვერ დაავიწყა ჭაბუკს — გული ბათუმისაკენ მიუწევდა, ლურჯად მოლივლივე ზღვის ტალღებში შედგაფუნება და განავარდება ეწადა.

და რა მისი ბრალია, ამ უსაზღვრო ლტოლვამ დასჯაბნა — მესამე წელს სწავლა მიატოვებინა.

დანის წვერზე ეგებოდა მამა — ის და მისი უფროსი ვაჟიშვილი ხუ-

სეინი მეთევზეები იყვნენ და არაფერი გამოსდიოდათ, იბრაიმსაც რომ მე-
თევზეობა ესწავლა, რა ჯანდაბად უნდოდა, რა ყრია მასში! 150 მეტრის
სიგრძისა და ორი მეტრის სიმაღლის სამი წყება ბადე აქვს ^{კარგისა} ~~აქვს~~
რის საღამოს და დილით რომ ამოსაღებად მიაკითხავს, გული შეუღონდებ-
ა — თევზი ან სულ არ გაბმულა, ანდა ათიოდე ლიფსიტაა. რამდენჯერ
ბადეც კი არ დახვედრია, შტორმს გაუტაცნია და დაკარგულა. ერთი წყე-
ბა ბადე ოთხი ნაჭრისაგან შედგებოდა. თითო ნაჭერი რამდენიმე მეტრი
იყო და საწყალ ახმედს დღეში 10-12 საათი უნდა ემუშავნა, რომ დაახ-
ლოებით ოც დღეში მოექსოვა. ეს კიდევ კაი ვაჟკაცობად ითვლებოდა. ყა-
ვის დასალევადაც კი ვერ იცლიდა, ხელში მუდამ კემსი ეჭირა.

თავისას მაინც არ იშლიდა იბრაიმი; მამამ რომ ზღვაზე არ წაიყვანა.
ნავის ტრიუმში ჩაიპარა, მაგრამ დახეთ უბედურებას: ნაპირს რომ კარგა
მანძილით მოშორდნენ, ღელვამ ცულად იმოქმედა, ღებინება დააწყებინა,
ახველებდა, ბორგავდა. ახმედმა ნიჩბების მოსმას თავი ანება და სმენად
იქცა. პირველად ეგონა თუ მომესმავო, მაგრამ შემდეგ შვილის ხმა ნათლად
გაიგონა და ტრიუმს მივარდა. იბრაიმი ცოცხალ-მკვდარი იყო, ძლივს სუ-
ნთქავედა და ახმედს შეეცოდა, თანაც მეგობრებმა თხოვეს, არ გალახო.
რაღას იზამდა? მოაბრუნა ნავი და ნაპირზე გამოიყვანა. მერე ისევ ზღვას
მიაშურა და დაღამებამდე ძლივს მოასწრეს ბადის ჩადება.

მეორეჯერ თუ გაბედავდა ტრიუმში ჩაძვრომას, აღარ ეგონა, და რო-
ცა ერთხელ კიდევ იბრაიმმა ტრიუმიდან თავი ამოყო, ახმედი ერთხანს
გაოგნებული იდგა, თვალს არ უჯერებდა. მერე სახეზე წამოენთო და ხუ-
სეინი რომ არა, იბრაიმი შემოაკვდებოდა: უფროსი ძმა წინ გადაეღობა.

მერე მამა-შვილი ზღვაზე გასვლისას ტრიუმს საგულდაგულოდ ამო-
წმებდნენ და კუთხეში მიყუყულ იბრაიმს რომ დალანდავდნენ, თით-
ქოს დიდი ღორჯო იყო, ზევით ამოათრევდნენ და ნაპირზე ისროდნენ. მა-
გრამ ზოგჯერ ტრიუმის გასინჯვა ავიწყდებოდათ. ბოლოს ცემაც მობე-
ზრდათ, თანაც ეცოდებოდათ და თუ გაძრომას მოახერხებდა, უკან აღარ
აბრუნებდნენ, ოღონდ სასტიკად აფრთხილებდნენ, მანდ დაეგდე, ფეხი
არ გაანძრიო.

იბრაიმს ძალიან უჭირდა „შინაპატრობა“, მაგრამ მაინც კმაყოფი-
ლი რჩებოდა — შეეძლო ეცქირა, როგორ თევზაობდნენ.

ო, რა სიხარული განიცადა, როცა ახმედმა, ხუსეინმა და იბრაიმის ბი-
ძამ მუსტაფა სეიდიშვილმა ტრიუმი და ნავიც მსხვილი სტავრიდულებით
აავსეს. საცოდავები, რა რიგ ხტუნავდნენ, ნავის კედლებს თავს ვამეტე-
ბით უხატქუნებდნენ, ლაყუჩებიდან სისხლი სდიოდათ. სისხლი რომ და-
ინახა, სიხარული მწუხარებით შეეცვალა, გული აუჩუყდა, თვალეზზე
ცრემლებიც მოადგა და მეთევზეებს წყენით გახედა — რა უღმერთობაა,
ესენიც ხომ ცოცხალი არსებანი არიანო.

მაგრამ ნათქვამია, ადამიანი ყველაფერს ეჩვევაო და შემდეგ იბრაიმს თევზი ისე ძალუმად აღარ ეცოდებოდა.

ვერაფერი გააწყო მამასთან — იგი კვლავ უშლიდა ვერძებს ვასვლას. ამიტომ ვილაც-ვილაცებს ეხვეწებოდა და მამის უჩუმრად დაყვებოდა. ბოლოს პატარ-პატარა ძველი ბადის ნაჭრები იშოვნა და ოცდაათი მეტრი სიგრძის ბადე შეაკოწიწა.

სიხარულით ცას ეწია. იგი უკვე დამოუკიდებელი მეთევზე იყო, თავისი ბადე ჰქონდა.

იბრაიმისათვის ის ბადე ყველაფერს წარმოადგენდა. ოღონდ როგორ გამოეყენებინა, აი ეს იყო საქმე.

ღმერთო, გაჭირვებულს ხელი მოუმართეო, და იბრაიმსაც გამოუჩინდნენ მშველელები — მუსტაფი და ხუსეინი. მათ თავიანთი ბადეები რომ ჩადეს, ზედ იბრაიმის ბადეც წააბეს.

— ბედი გქონია, ჩემო იბრაიმ, ბედი! — შესძახა მუსტაფ სეიდი-შვილმა. — შენს ბადეში სამი მოზრდილი კამბალა გაბმულა.

აი, პირველი და უდიდესი სიხარული!

იბრაიმმა თევზი გაყიდა და ფული ხუსეინს ჩააბარა, შემინახეო.

მეორეჯერ ბედმა შვიდი თავი კამბალა არგუნა. მესამედ კი...

ეკ, დიდ სიხარულს დიდი მწუხარებაც მოჰყვებოდა და ასეც მოხდა — თევზს ვინღა დაეძებდა, ბადის ნაფლეთი მაინც ენახა.

რა კარგია ზღვა, ღელვა რომ არ იცოდეს, რა კარგია ზღვა, ადამიანი რომ ებრალებოდეს, ანგარიშს უწევდეს!

ზღვა უტალღებოდ არ არსებობს. მაშინაც კი, როცა საოცრად მშვიდი გეჩვენებთ, აბა დააკვირდით, საიდანღაც ჩქამს მაინც გაიგონებთ — სუსტი, ღონემზბილი, თითქმის შეუმჩნეველი ტალღა წყლის ზედაპირზე ოდნავ ამოიბურცება და ნაპირისაკენ გაიწევის.

დიახ, ტალღა ზღვის განუყრელი თანამგზავრია და ადამიანსაც უჩნდება ხოლმე ასეთი თანამგზავრი. იბრაიმსაც აეტორღილა ზღვის სიყვარული და უკვე ძნელი იყო მისი კლანჭებიდან თავის დახსნა.

ამას ხედავდა მამა და ღუმილი დასჩემდა. ღუმილი კი თანხმობის ნიშანია. მაგრამ ჯიუტი იყო ახმედი. ჯიუტი კი არა, თავისი თავმოყვარეობა ჰქონდა — რაკი შვილს ერთხელ უარი უთხრა, აღარ უნდოდა, თავისი სიტყვა უკან წაედო. ისე კი, ახლა რომ ეთხოვა, ხმასაც არ ამოიღებდა, მაგრამ იბრაიმი მუდამ მორიდებული იყო მამის მიმართ. და არა მარტო მამის, — უფროსების მიმართაც. ხუსეინისაც ერიდებოდა.

ძმა ძმისთვისო, ნათქვამია და ხუსეინი მხარში ამოუდგა იბრაიმს — მიბარებულს თავისი ფულიც დაუმატა და ძმას ახალი ბადე აყიდვინა, მოსადები ბადე. მერე ერთ მსხვილ მეთევზეს მოელაპარაკა და ამ უკანასკნელმა იბრაიმის შეამხანაგებზე თანხმობა განაცხადა.

ამ მეთევზეს იბრაიმი ყოველდღე მიყვებოდა წილზე; მასზე ^{წილზე} ბადაც არ მუშაობდა. არც მას ექცეოდნენ ცუდად — რასაც დღივედნენ, გაყიდნენ და ძმურად იყოფდნენ.

გავიდა დრო და იბრაიმ სეიდიშვილს კაი მეთევზის სახელი გაუწავრა-
და, მაგრამ სიღარიბე მაინც ვერ გადააგდო.

ო, რა ძნელია წარსულის მოგონება... ლუკმა-პურის შოვნა სჭირდა. მწუხარება მწუხარებას მოჰყვა: პირველი მსოფლიო ომის დროს იბრაიმს მომდევნო და სულბიე და მისი მეუღლე ხასან ჯაფარიძე იძულებით მოხვდნენ თურქეთში. ომის შემდეგ მხოლოდ ხასანი და მისი მცირეწლოვანი ძე ჰაიდარი დაბრუნდნენ. საშინელი სენი შეყროდა სულბიეს. მერე ამ სენმა 24 წლის ხუსეინი და 20 წლის შაქირიც — უცოლშვილო ვაჟაკები იმსხვერპლა. ავადმყოფობას შეეწირა დურსუნიც და დისა და ძმების საფლავებს დიდხანს დასტიროდა იბრაიმი. მოთქვამდა დედა, გოდებდა ახმედი. შვილების სიკვდილმა სიცოცხლე გაუნახევრა დედ-მამას...

მოთქმა-გოდებას ჰგავდა მეთევზეთა სიმღერაც და იბრაიმი ნატრობდა, კიდევ უფრო შორს წაეღოთ იგი ზღვის ტალღებს.

წაიღეს... და სიხარულად დაუბრუნდათ ექო — დედამიწის ერთ მეექვსედ ნაწილზე თავისუფლების მზე ამობრწყინდა; წელში გაიმართნენ მეთევზეები — ახლა ისე შავხახადალებული აღარ ეჩვენებოდათ ზღვა, ნადავლიც ხვავ-ბარაქიანი გახდა.

მეთევზეობას უძველეს დროიდან მისდევს ადამიანი. იბრაიმს სმენია, ჩვენს წელთაღრიცხვამდე მეოთხე-პირველი საუკუნეების გამოჩენილ ბერძენ ისტორიკოსებს მოსინიკების სახლებში დიდ ქილებში ჩადებული, დაჭრილი და დამარილებული ზღვის ღორის ანუ დელფინის ხორცი უნახავთ. დოქებში კი ამ თევზის ქონი ჰქონიათ შენახული, რომელსაც მცხოვრებლები ერბოს მაგივრად ხმარობდნენ. ეს მოსინიკები ბათუმიდან რამდენიმე ათეული კილომეტრის მოშორებით, ახლანდელ ქალაქ რიზეს მახლობლად ცხოვრობდნენ. და იბრაიმს უხარია, რომ შესაძლებელია, ვივარაუდოთ, მეთევზეობა პირველად სადღაც აქ, მის კუთხეში დაიწყო. იბრაიმს ეამაყება, რომ თავისი სახელოვანი წინაპრების ტრადიცია გრძელდება. სეიდიშვილების გვარიდან ბევრი კარგი მეთევზე გამოსულა. ურიგო არც მასზე ითქმის; ამაზე მისი „წარჩინებული მეთევზის“ სამკერდე ნიშანი მეტყველებს, მეტყველებს მრავალი სიგელი, რომელიც დიდი ხნის შრომით მიიღო. იბრაიმს გული უსაზღვრო სიხარულით ეცვება, რომ დღეს შესანიშნავ მეთევზეთა მთელი არმიაა, რომ ამ დიდმნიშვნელოვან დარგს კიდევ უფრო უკეთესი მომავალი აქვს.

იბრაიმს გუშინდელ დღესავეთ ახსოვს, საქართველოში საბჭოთა ხელისუფლების დამყარებისთანავე, 1921 წლის 31 მაისს სახელმწიფომ თე-

ღზის მრეწველობასა და მეთევზეობაზე დეკრეტი რომ გამოსცა. ამ დეკრეტმა ახალი გზები და ამოცანები დასახა.

მას შემდეგ მთავრობის ზრუნვა არ მოკლებიათ მეთევზეობის განვითარებას. არა, თავიდანვე ყველაფერი რიგზე როდი იყო: საბჭოთა მეთევზეობის პირველ წლებში მეთევზეობა ხელთ ეპყრათ კერძო მეწარმეებს. კულაკ მეთევზეებს. ისინი სარგებლობდნენ მეთევზეთა გაუნათლებლობითა და უვიცობით, მათზე ზეგავლენას ახდენდნენ და თავიანთი მიზნებისათვის იყენებდნენ. მაგრამ მდგომარეობა თანდათან სწორდებოდა; იღვეწოდნენ მეთევზეთა კულტურული და პოლიტიკური გათვითცნობიერებისათვის, წერა-კითხვის უცოდინარობის აღმოფხვრისათვის, მეთევზეობიდან იღვეწებოდნენ კულაკები, კაპიტალისტური ელემენტები, იქმნებოდა მეთევზეთა ამხანაგობები, პატარ-პატარა არტელები, იხსნებოდა თევზის მისაღებ-გადასამუშავებელი პუნქტები, წესრიგდებოდა თევზის ჩაბარება...

1925 წელს მეთევზეები საკმაოდ მსხვილ ორგანიზაციაში — „აჭარ-წარმოკავშირში“ გაერთიანდნენ, რამაც ერთგვარად ხელი შეუწყო მეთევზეობის განვითარებას. მერე კი მეთევზეთა და მონადირეთა კავშირი შეიქმნა.

1929 წელს ბათუმში მოეწყო თევზის ქარხანა, რომელიც ახლადშემნილი „საქთევზის“, შემდეგში „საქთევზტრესტის“ ბათუმის განყოფილების ძირითად ბაზას წარმოადგენდა. თევზის ქარხანას ევალებოდა საკუთარი ძალებით დაეჭირა, აგრეთვე მეთევზეობის კოლმეურნეობიდან შეესყიდა თევზი და გადაემუშავებინა.

მომდევნო წელს აჭარის მონადირეთა და მეთევზეთა კავშირს გამოეყენენ მეთევზეები და ჩამოყალიბდა თევზმჭერი კოლმეურნეობა „წითელი მეთევზე“. მას მხარში ამოუდგნენ სარფის, გონიოს, მახინჯაურის, ქობულეთის, ფიჭვნარისა და შეკვეთილის თევზჭერის არტელები.

1931 წელს ბათუმში მუშაობას შეუდგა თევზის მეურნეობის სამეცნიერო-საკვლევო სადგური, რომელიც ამჟამად საზღვაო თევზის მეურნეობისა და ოკეანოგრაფიის საკავშირო სამეცნიერო-კვლევითი ინსტიტუტის საქართველოს განყოფილებად იწოდება. იგი ახალგაზრდა მეთევზეობას მეცნიერულ კონსულტაციას უწევდა და ეხმარებოდა უმნიშვნელოვანეს ღონისძიებათა გატარებაში. თევზის მრეწველობას მეზღვაურთა ახალ კადრებს უმზადებდა ბათუმის საზღვაოსნო სასწავლებელი, რომლის ისტორიაც 1929 წლიდან დაიწყო...

აი, ამ პირველი ნაბიჯების ცოცხალი მემკვიდრეა იბრაიმ სეიდიშვილი. დიახ, საქმე ძნელად, ძალიან ძნელად, მაგრამ მაინც წინ მიდიოდა. ამისათვის ძალ-ღონეს არ იშურებდნენ მეთევზეები და ხელმძღვანელობა.

— ხელმძღვანელები... ხელმძღვანელები... — ბუტბუტებს იბრაიმე...
— ჰაი, დედასა, რა ბიჭები იყვნენ, მართლაც რომ რკინას კენეტდნენ კი-
ლით, რა სიძნელეს, რა წინააღმდეგობას შეუღრკებოდნენ! ახრისაწყო
დავით მინდაძე, ბათუმის თევზის ქარხნის პირველი დირექტორი, რა ვა-
კაცი იყო! სანიმუშო საწარმო შექმნა, მიიზიდა გამოცდილი მეთევზეები
და ისინი ბრიგადებში გააერთიანა. ჩვენი დავითი, კაცური კაცი, ჩვენი
ჭირ-ვარამის მოზიარე. როგორ შეიძლებოდა, მეთევზეს გაჭირვებოდა და
მასთან არ გაჩენილიყო. ყველას მხარში ედგა ზღვასა თუ ხმელეთზე.

ანდა კოლმეურნეობა „წითელი მეთევზის“ გამგეობის პირველი
თავმჯდომარე ბორის ყურული! მან ხომ პირველი ხნული გაავლო. მერე
ამ ხნულს თანდათან აღრმავებდნენ ისაკ ვარდანაშვილი, ნიკოლოზ ამირი-
დი, ხასან კიტაზბა, ალექსანდრე შანიძე, ალექსანდრე ვაჩიშვილი და
აკაკი კილასონია.

1962 წელს კოლმეურნეობა „წითელი მეთევზის“ გამგეობას სათავე-
ში ჩაუდგა დიდ სამამულო ომში გამოწრთობილი მეზღვაური, სადესანტო
კატარღის მამაცი და უშიშარი კაპიტანი ახმედ წუწუნავა. იგი მთავარ ყუ-
რადლებას, რა თქმა უნდა, თევზჭერის შემდგომ განვითარებას აქცევს. მა-
გრამ ამასთანვე გამოძებნა და ამოქმედა ახალი რეზერვები, შექმნა დამ-
ხმარე მეურნეობა. ამან კი კოლმეურნეობა მილიონერი გახადა.

ეჰ, რას ნიშნავს დრო: ცხოვრება როგორ წინ წავიდა, განვითარდა
ტექნიკა. ის კი არა და ადამიანმა მთვარეზეც კი დაადგა ფეხი. გესმით?
ადამიანი მთვარეზე!.. ეს საოცრებაა, ეს ზღაპარშიაც არ გაუგონია იბრა-
იმს — ამ დროულ კაცს, ბევრის მომსწრესა და მნახველს. ახლა მარსსა
და ვენერაზე გაფრენა დგას დღის წესრიგში; უწინ კი მოტორიანი ნავი რობ
მიიღეს, სიხარულით ცრემლები მოერიათ. მერე ხის სეინერები გამოჩნდ-
ნენ ჰორიზონტზე. ისინი რკინისკორპუსიანმა მძლავრმა შავი ზღვის სა-
შუალო სეინერებმა შეცვალეს. 1963 წელს კი გერმანიის დემოკრატიული
რესპუბლიკიდან „შოთა რუსთაველი“ ჩამოგუგუნდა. ეს იყო საქართვე-
ლოს მეთევზეობის ისტორიაში ტროპიკის ტიპის პირველი საოკეანო
თევზჭერის დიდი ტრაულერი, რომლის ეკიპაჟმა ოკეანე დალაშქრა და
საქვეყნოდ გაითქვა სახელი.

ეს დიდი საჩუქარი ბათუმელმა მეთევზეებმა მიიღეს და საოკეანო
თევზჭერის პიონერები გახდნენ საქართველოში.

აგერ ახლა ბათუმის სახელმწიფო თევზჭერის ბაზამ ასეთივე ტიპის
მეორე ტრაულერი მიიღო, რომელსაც აჭარის მშრომელთა შესანიშნავი
წარმატებების აღსანიშნავად ჩვენი კოპწია ბათუმის სახელი მიენიჭა.

ერთ რამეზე ძალიან წყდება გული იბრაიმს — სწორედ მეზღვაურის
დღის დაწესების წინ გავიდა პენსიაში. რა იქნებოდა, პირველ დღესასწა-
ულს მაინც შეხვედროდა შრომის ფერხულში?!

მაგრამ არა უშავს რა — მისი მიმდევრები ხომ ხვდებიან. პოლ... ეს იგივე იბრაიმის შეხვედრაა. მიმდევარი ბევრი ყავს, ძალიან ბევრი მერე რა ვაუჯაცები! მათ სახელი გაითქვეს იმ ბადით, რომელიც ქვემოთ იბრაიმ სეიდიშვილმა გამოიგონა. ეს ბადე თავისი სიდიდით ჰქონდა აზოვ-შავი ზღვის აუზში. მერე იგი ფართოდ გავრცელდა და მეთევზეები არნახულ წარმატებებს აღწევდნენ. მართალია, პირველად 350 მეტრი სიღრმისა იყო და ახლა 750 მეტრს აღემატება, თანდათან გაუმჯობესდა, მაგრამ მთავარი ხომ საქმის დაწყება, ყამირ მიწაზე პირველი ხნულის გავლენაა? ბუნების კანონია: ერთის დაწყებულ საქმეს მეორე აგრძელებს და აუმჯობესებს. ასე იქმნება ისტორია.

და იბრაიმს უხარია, რომ მეთევზეობის ისტორიაში მცირეოდენი წვლილი მასაც მიუძღვის.

დიახ, ყველაფერს თავისი ისტორია აქვს — ქალაქს, ზღვას, მდინარეს, გამს... იბრაიმ სეიდიშვილს... ამ დიდ ლოდსაც კი, რომელიც ნაპირზე გდია და საცაა ხავსი დაახრჩობს.

თქვენ ალბათ წაიკითხავდით ლექსს „იბრაიმ“. იგი სეიდიშვილს მიუძღვნა პოეტმა.

იბრაიმს თვალეზე ცრემლები ადგება. რატომ? რატომ და ამ ლექსში მთელი მისი ცხოვრებაა ჩაქსოვილი. ცხოვრება კი ადამიანის ისტორიაა...

1934 წელს ბათუმიდან ანაკლიაში ექსპედიცია მიდიოდა. მოტოფელუკას ხუთი ნავი ყავდა ჩამობმული. თითოეულ მათგანში ხუთ-ხუთი კაცი იჯდა, რამდენიმე ფელუკაზე იყო. ამ მეთევზეებმა იცოდნენ, რა სიძნელეები მოელოდათ; იცოდნენ, რომ ეს რეისი შეიძლება მათთვის უკანასკნელიც ყოფილიყო. მაგრამ მაინც უშიშრად მიაპობდნენ ზღვის ტალღებს. მიდიოდნენ იმ მიზნით, რომ ახლადფეხადგმულ სამშობლოს სუფრას არ მოკლებოდა მრავალფეროვნება; მიდიოდნენ იმიტომ, რომ ქვეყანას ჰქონოდა ხვავი და ბარაქა. ქობულეთს რომ გაცდნენ, დაღამდა. მალთაყვას უახლოვდებოდნენ. უეცრად ქარიშხალი ამოვარდა. სტიქიასთან უთანასწორო ბრძოლაში ერთი ნავიდან ოთხი ვაჟკაცი დაიღუპა, მეხუთე კი გადაარჩა — ჰაიდარ ლაზბა. იგი დღესაც მკლავმოუღლეოდ მუშაობს. ეს სიმხნევეს მატებს სხვებს, განსაკუთრებით ახალბედებს. და საქმე წინ მიდის.

1945 წელს ქერჩის ექსპედიციაში ფაშისტების ნაღმს დაეჯახა თევზით დატვირთული სეინერი, რომელიც ნაფლეფებად იქცა. ეკიპაჟის წევრები წყალში ჩაცვივდნენ და სასწაულებრივ გადარჩნენ. დაიღუპა მხოლოდ ქობულეთელი ვაჟკაცი მეთევზე ჯემალ ემირიძე. მისი სახელის უკვდავსაყოფად მეთევზეებმა ერთ-ერთ ახალ მოტოფელუკას „ჯემალი“ შე-

არქვეს. მასზე მოხვედრა ყველა მეთევზის სანუკვარი ოცნება და ეკიპაჟი გმირული შრომის ბრწყინვალე მაგალითს იძლეოდა და ისტორია სავსეა ასეთი გმირული მაგალითებით. მით თევზის ისტორია: მეთევზეს ყოველ წუთში ხიფათი ელის. იბრაიმი რამდენჯერ სიკვდილის პირისპირ მდგარა, მაგრამ გული მაინც ზღვისაკენ მიუწევდა — თუ ნამდვილი მეთევზე ხარ, როგორც თევზი, ვერც შენ უნდა გაძლო უწყლოდ.

იბრაიმს უყვარს ზღვა და ასე ჰგონია, მისი აკვანი აქ დაირწა, ზღვის ნაპირზე, ნავსაყუდელთან. მან ნახევარ საუკუნეზე მეტი, მისი ცხოვრების ყველაზე ძვირფასი წლები ზღვაზე გაატარა და ზღვის სიყვარული, ზღვის სუნთქვა ზღვის მარილიანი წყლით დამბალ ძარღვებში აქვს გამჯდარი.

იბრაიმი დინჯად გაჰყურებს ნავსაყუდელს და მისი სიმშვენიერით ტკბება: ყალყზე შემდგარან სეინერები, რომლებსაც კიჩოებზე გამობმული მსხვილი ჯაჭვების გრძელი სადავეებით ძლივს იმაგრებენ წყალში გატბმული ღუზები.

ამ „ავაზეზე“ მკლავმოუღლეად შრომობდა იბრაიმი და მისი ბრიგადა ყოველთვის მოწინავეთა რიგებში იყო. ამ ლურჯად მოლივლივე, მაგრამ, ზოგჯერ გიჟმაჟ და ფაფარაყრილ ზღვაზე ნახევარ საუკუნეზე მეტი იშრომა იბრაიმ სეიდიშვილმა. ბევრჯერ სიკვდილისათვის თვალი თვალში გაუყრია და წარბიც არ შეუხრია, ერთხელაც არ შემდრკალა. და კიდევ ნახევარი საუკუნის სიცოცხლე რომ მისცა, თვალი და მუხლი რომ უჭრიდეს. კვლავ მეთევზის ხიფათებით სავსე გზას დაადგებოდა უყოყმანოდ, კვლავ მებაღურის ბედს აირჩევდა, რომ ბათუმის ნავსაყუდელმა მხრები გაშალოს. მის ცისფერ უბეში საოკეანო ტრაულერები არ ეტეოდეს და შუა ზღვამდე მკერდი გაიწვდინოს, რომ ბათუმელი მეთევზეები გიგანტური ტრაულერებით მიაბოტებდნენ შორეული ატლანტის, ინდოეთისა თუ წყნარი ოკეანის თვალუწვდენ სივრცეებზე და ავსებდნენ ჩვენი ქვეყნის სიუხვის თასს...

იბრაიმ სეიდიშვილი თავიდან შეუდგებოდა მებაღურის ცხოვრებას და შექმნიდა ახალ ისტორიას, მაგრამ იგი ახლა დაღლილია და ისვენებს. ისტორიას კი სხვები აგრძელებენ — მისი მოწაფეები, მიმდევრები, ახალი ადამიანები, ზღვის მეუფეები!..



ნელი ლუბაჟაძე

ნოველის დიდოსტატი

გამოჩენილი ქართველი მწერალი სერგო კლდიაშვილი, როგორც ცნობილია, არა მარტო ნოველების ავტორია, არამედ მოთხრობებისა და პიესებისაც. მაგრამ თუ მწერლის შემოქმედებითი გზის გასათვალისწინებლად ნოველები ავიღებთ, ჯერ ერთი იმიტომ, რომ თავისი ლიტერატურული მოღვაწეობა მან ნოველებით დაიწყო და თანმიმდევრულად მიყვება ამ ჟანრს, ამასთან მწერლის შემოქმედებითი უნარი და მხატვრული ნიჭი, ჩვენი აზრით, ყველაზე მეტად ნოველის ჟანრს მოერგო. ისიც უურადასაღებია, რომ სწორედ ნოველებში ჩანს წინააღმდეგობები, რომლებიც ს. კლდიაშვილმა გამოიარა სიმბოლიზმიდან სოციალისტურ რეალიზმამდე.

ს. კლდიაშვილი ქართველი სიმბოლისტების კორპორაციაში 1916 წლიდანვე, ე. ი. ამ დეკადენტური დაჯგუფების ჩამოყალიბებიდანვე შევიდა, მაგრამ ჟურნალ „ცისფერ ყანაში“, რომლის სულ ორი ნომერი გამოიცა ქუთაისში, მისი ნაწარმოები არ დაბეჭდილა. სადებიუტო ესკიზების ბეჭდვა ახალბედა მწერალმა დაიწყო ქართველი სიმბოლისტების რიგით მეორე ჟურნალში, რომელიც 1919 წლიდან თბილისში გამოდიოდა (რედაქტორი ვალერიან გაფრინდაშვილი) და ცნობილია „მეოცნებე ნიამორების“ სახელწოდებით. ამ ჟურნალის მეორე ნომერში დაბეჭდილია სერგო კლდიაშვი-

ლის ესკიზი „მოვრალ საუბრით“ (გვ. 10), რომლის ერთი თვალის გადავლენაც კი ცხადყოფს ავტორის დეკადენტურ განწყობილებებს. მოგვაქვს ეს ესკიზი მთლიანად.

„დღეს ისევ მეგობრებში ვარ.

და, როგორც ყოველთვის, თრობა ფერად საუბარით. ო, ეს სიტყვებით დათრობა, ო, ეს საუბარი რჩეულ მეგობრებში.

ის მაღლარის წვეწვხე უტყვისი და ძლიერია. თამბაქოს კვამლი ამძიმებს ოთახს... აქ, პატარა ოთახში, კვამლით დამთვრალ ოთახში უცხო სამყაროა და ყოველი საათი, ყოველი წუთი ქარავანია ზღაპართა და ქიშკრების. ოთახში თრთიან იღუმალი კუთხეები და ცხოვრობენ ლანდები, კედელზე ფრთხილად რომ დადიან... ცოცხლებიან ხვესიანი ქვეყნები და ჰკივიან ჯერ არ ნახული. დაორთქლილი ფანჯარა საზღვარია ორი სამყაროსი. კვამლიან ოთახში, სადაც ჩემი მეგობრებია, ცოცხლებიან უცხო ქვეყნები — კვამლიან ოთახში, სადაც ჩემი მეგობრებია, გვწამს შეუძლებლობა. დღეს ისევ მეგობრებში ვარ... უსაზღვროების მშვიდი თავადი ფერადებით მოვრალ, ნაწამებ ოთახში“.

ასეთი გატაცება ელემენტარულ რეალურ საფუძველს მოკლებული ოცნებით, მისწრაფება უსაზღვროებისაკენ, რომელიც შეპირობებული იყო უსამართლო.

სოციალური ყოფის უარყოფით, თრობის აპოლოგია და სხვა მისთანანი — თანაბრად ახასიათებდათ ცისფერყანწელებს, მაგრამ თითოეულ მათგანს, ამ სავერტოს გარდა, ინდივიდუალური შემოქმედებითი სტილი ჰქონდა.

ესკიზი „მთვრალ საუბრით“ დაწერილია ეგრეთ წოდებული „ამერიკული დებეშური სტილით“, რომელიც აკვიატებული ჰქონდათ დასავლეთეუროპელ ექსპრესიონისტებსა და სიმბოლისტებს. „დებეშური სტილის“ ავტორია სიმბოლისტი პეტრე ალტენბერგი. მისი თეორიის თანახმად პოეტს უნდა შეექმნა „ორიგინალური სტრიქონები“, რომლებიც შეიძლებაა ყოფილიყო ფრაგმენტი, აზრების, წინადადებების ან სიტყვის ნაწილი. რუსული სიმბოლიზმის ფუძემდებელმა ვ. ბრიუსოვმა, როგორც ცნობილია, მთელი უკიდურესობით გაიზიარა პეტრე ალტენბერგის „დებეშური სტილი“ და ლექსის ნაცვლად ეურნალში «Русские символисты» დაბეჭდა წინადადება «О, закрой свои бледныя и очи». უაზრობისა და სიტყვის ეკონომიის ამ დონემდე ქართველი სიმბოლისტები არ მისულან, მაგრამ ფრაგმენტები, რომლებსაც უმთავრესად სერგო კლდიაშვილი და სანდრო ცირეკიძე წერდნენ, „დებეშური სტილის“ გაზიარების შედეგი იყო.

მისწრაფებამ არაჩვეულებრივისაკეხ, რაც მოდერნისტული ძიების საფარველი უფრო იყო, ვიდრე ნოვატორობა, ცისფერყანწელები და მათ შორის ს. კლდიაშვილიც შემოქმედებით ჩიხში მოამწყვდია. საკმარისია დავასახელოთ 1920 წლის „მეოცნებე ნიაპორების“ მეოთხე ნომერში დაბეჭდილი ესკიზი სათაურით „წმინდა ქალწულის ცისფერი გადმოხედვა ციდან ქვეყანაზე“. აქ არის მხოლოდ სათაური და მეტი არაფერი. სათაურს ქვემოთ ცარიელი სტრიქონებია და მინაწერი — p s „ძვირფასო სანდრო... — მიმართავს სერგო კლდიაშვილი თანამოკალმე სანდრო ცირეკიძეს, — სათაურსა და მინაწერს შუა, რომელიც ახლა ცარიელია, იყო სტრიქონები (ალბათ, რო-

მელთა დაწერა განზრახული ჰქონდა. ნ. დ.), შენ იცი, რომ სიტყვა უფრო ძლიერად მათრობს ვიდრე ექსპრესიონისტური სურნელი ან ღვინო, როცა ჰქონდა სურნელი ვართ სარდაფში, მაგრამ აქ უნდა გამოეტყველ ჩემს სისტემაში, — მის ღვიურ გადმოხედვას, რომელიც ვიგრძენი ერთ სადამოს, ვერ შეეკადრებ ჩემს სტრიქონებს ძონძებიდან...“

რას ნიშნავს „სტრიქონები ძონძებიდან“? ხომ არ არის ეს სიტყვის უარყოფა? ფორმალური უარყოფა სიტყვისა შექველია — რაც ჰქონდა მწერალს სათქმელი, აღარ უთქვამს და ცარიელი ადგილი დაუტოვებია. მაგრამ სიტყვის, როგორც აზრის გამოხატვის საშუალებაზე უარის თქმა, როგორც ამას პოლ ვერლენი მოითხოვდა, აქ არ უნდა იგულისხმებოდეს. ავი იქვე ამბობს ს. კლდიაშვილი, რომ მას სიტყვა უფრო ძლიერად ათრობს, ვიდრე ყვავილის სურნელი ან ღვინო. მაშ, რა ჰქონდა მხედველობაში ავტორს, როცა წერდა — წმინდა ქალწულს ვერ შეეკადრებ სტრიქონებს ძონძებიდან? იქნებ ღვთის მოკრძალება? არც ეს შეიძლება ვიფიქროთ, რადგან ს. ცირეკიძისადმი მიმართვა სწორედ ზეცის უარყოფით იწყება: „ჩემთვის ამ ქვეყნის გარდა არაფერი არის“, აცხადებს ს. კლდიაშვილი და დასძენს: მე ძალიან უბედური ვარ, რომ ვერ მივიღე ზეცა. ის ხშირად გამოვიდებს შენ. ჩემთვის კი ცარიელია“.

ასე რომ, გამოთქმა „სტრიქონები ძონძებიდან“ და მთელი ესკიზი (თუ კი შეიძლება ესკიზი ეწოდოს ციტირებულ სათაურსა და მინაწერს) მკითხველისათვის ბუნდოვანია, ბუნდოვანება კი სიმბოლისტური „ესთეტიკის“ ერთ-ერთი მთავარი მოთხოვნა იყო.

ფრანგი სიმბოლისტებიდან ცისფერყანწელებმა არა მარტო ესთეტიკური ნაზრევი ისესხეს, არამედ მხატვრული სახეებიც. როგორც ცნობილია, სტეფან მალარმემ შექმნა ე. წ. „ოთახის ესთეტიკა“, ოთახის ნივთებიდან განსაკუთრებით გამოყო სარკე, როგორც ორეულეებისა და ლანდების გამომსახველი და იგრ

სამყაროს აღქმის, შეცნობის ძირითად საშუალებად გამოაცხადა. სარკის ამგვარი გააზრება სიმბოლისტიკისათვის სრულიად ბუნებრივი იყო, მათ სწამდათ ორი ქვეყანა: რეალური და ირრეალური — ფანტასმაგორიული, მაგრამ აირჩიეს უკანასკნელი, რამდენადაც სძულდათ სინამდვილე, და, აი, სარკე, როგორც შთაგონების საგანი გამოჩნდა ვ. გაფრინდაშვილის პოეზიაში (აღ. აბაშელთანაც) და ს. კლდიაშვილის ესკიზში — „ნატურ მორტი“ და სხვ.

სარკე ს. კლდიაშვილისთვისაც ლანდების, გარდასული დროისა და უსაზღვროების გამომსახველი საშუალება იყო: „კედლების იქეთ ღამეა და ვახელებულა ქარი, — ვკითხულობთ ესკიზში, — ცოცხლდებიან თეთრი ლარნაკები, გამშრალი კათხები, ძველი სურათები და თაროებიდან გადმოდიან ფრთხილი ნაბიჯებით, მორიდებით გადაივლიან ხალიჩებს და სარკეების უფსკრულში გადაიხედავენ. ეძებენ წარსულს მის უსაზღვროებაში, სადაც შენახულია დრო და სთვლებენ ლანდები...“

ქართული სიმბოლისტიკისათვის წარსულით გატაცება და სარკის ლანდებში მისი ძიება, ამასთან სინამდვილისა და ცხოვრების უარყოფა თვითმიზნური არ ყოფილა. იგი გაპირობებული იყო სამშობლო ქვეყნის კოლონიური მდგომარეობით, დასავლეთეუროპელი და რუსი სიმბოლისტებისაგან განსხვავებით ცისფერყანწლებს ჰქონდათ ნათლად ჩამოყალიბებული პოლიტიკური იდეალება, რომლებსაც ქვეყნთხედი იყო საქართველოს ეროვნული დამოუკიდებლობა. ისინი ვერ ეგუებოდნენ ცარიზმის კოლონიურ პოლიტიკას, მაგრამ ვერ სახავდნენ ეროვნული ჩაგვრისაგან განთავისუფლების ქემშარტ გზას და ოცნებით ქმნიდნენ სასურველ მირაჟებს, სარკეში ეძიებდნენ უსაზღვროებას, სადაც ს. კლდიაშვილის სიტყვით რომ ეთქვათ, „შენახულია დრო და სთვლებენ ლანდები“.

ამ პერიოდში (1919-1925) დაწერილი და გამოქვეყნებული ნაწარმოებებიდან, როგორცაა „მზე ბალახინზე“, „დაბ-

რუნება“, „გონორარი ყელსახვევისათვის“, „ტავერნა გზაჯვარედინზე“ და სხვ., პირველი ორი ესკიზი, ისევე როგორც განხილული ესკიზები, მწვერულზე მდებარე დენტურ განწყობილებებს შეიცავს, უსიუფეტოა. არც ამბავი, არც კვანძი, არც ფინალი, არის მხოლოდ ესკიზი, ლირიკული გმირის განცდათა ფრაგმენტები, ისიც ავადმყოფური და სტატიკურად წარმოსახული, ესა და ეს. რაც უკანასკნელი ორი უკანასკნელს — „გონორარი ყელსახვევისათვის“ (1925 წ.) და „ტავერნა გზაჯვარედინზე“ (1927 წ.) — გამონაკლისად უნდა მივიჩნიოთ. მათში ჩნდება ამბავი, რომელიც მართალია დუნედ, მაგრამ მაინც ვითარდება; ისახებიან პერსონაჟები, რომელთა ხასიათი აღარაა სტატიკური. მართალია, ისინი განიცდიან განწირულებას, ამოებას და საკუთარი ცხოვრების უაზრობას, მაგრამ ისწრაფვიან გარკვეული მიზნისაკენ და, რაც მთავარია, მოქმედებენ ასე, რომ წერის რეალისტური, მართალია სუსტი, მაგრამ მაინც რეალისტური მანერა ჯერ კიდევ მაშინ გამოჩნდა ს. კლდიაშვილს, როცა სიმბოლიზმის გავლენისაგან თავისუფალი არ იყო. მოვიტანთ მაგალითს ნოველიდან „გონორარი ხელსახვევისათვის“.

„როცა ქალაქის უფროსი ამალით გაივლიდა მთავარ მოედანზე, დიდი საათი ტაძრის მაღალ კედლიდან დარეკდა თორმეტს. მრავალი მოქალაქე საგანგებოდ მიდიოდა ამ დროისათვის მოედანზე, რომ დაენახათ როგორ გაივლიდა გაუძღრულ პარკით თავდახურული მაღალი ხმელი უფროსი. შეწყდებოდა წუთით ვაჭრების ყაყანი, მოქალაქეთა მოძრაობა, დარბოდა მხოლოდ ერთი: ეს იყო მოედნის დამგველი, რომელიც თუ ვერ მოასწრებდა დავას, დახტოდა ქალაქის უფროსის წინ და ნაგავს წინსაფარში იყრიდა. ეს იცოდა უფროსმა და მოსწონდა კიდევ“...

ციტირებული სურათი საინტერესოა იმით, რომ მასში ჩანს თუ როგორ გაიზარდა ს. კლდიაშვილის, როგორც მხატვრის, ინტერესთა სფერო. იგი დი-



ტერესდა სოციალ-პოლიტიკური საკითხებით. ეს ცხოვრებასთან, რეალურ სინამდვილესთან მწერლის უშუალო კავშირის მომასწავებელი იყო. და, აი, 1925 წლიდან მოკიდებული, იმ დროის სხვადასხვა პერიოდულ გამოცემაში („დროშა“, „მნათობი“, „ნადირობა“ და სხვ.) სისტემატურად იბეჭდებოდა ს. კლდიაშვილის ესკიზები და ნოველები, რომელთა თემა არსებითად განსხვავდებოდა წინა პერიოდის თემებისაგან. რა თქმა უნდა, თემა ყველაფერი როდია. მთავარია მწერლის დამოკიდებულება თემისადმი, რა თვალსაზრისით აშუქებს მას, გვიჩვენებს თუ არა მოვლენებს განვითარებაში, იცავს თუ არა მხატვარი ცნობების სიმართლეს? ავიღოთ ნოველა „1921 წელი“ (დაბეჭდილია ჟურნალში „დროშა“ 1925, № 24). აღწერილია სადგური, მატარებლების მიმოსვლა, მგზავრების ხეტიალი, დავიდარაბა, მენშევიკური მთავრობის გაქცევა ბათუმშიდან. „მიმავალმა მთავრობამ — წერს ს. კლდიაშვილი, — აზიზებს მოედანზე გამოსათხოვარი პარადი გამართა... გამოაცხადეს, რომ მსურველს შეეძლო გაპყოლოდა უცხოეთში მიმავალ მთავრობას“. გიორგი და მიხო გადაწყვეტენ გაჰყვეს უცხოეთის გემებს. ემწვილობებიან ამხანაგებს. მიდიან. „შუუხვიეს ნავსადგურისაკენ და დაინახეს გაჩაღებული გემები. მიხო გადაუდგა გიორგის და შეჰყვირა — დაბრუნდი, მაგრამ მათი გზები დაშორდნენ. მიხო მარტო დაბრუნდა ლუდხანაში მეგობრებთან..“ აქ, როგორც იტყვიან, კინოლენტეით გარბენს მეთხველის თვალწინ ცნობილი ისტორიული ფაქტი — 1921 წელს მენშევიკური მთავრობის კრაზი და უცხოეთში გაქცევა. მწერალი დაინტერესებულია თვით მოვლენის ჩვენებით, მაგრამ ხანგრძლივად როდეს ჩერდება ერთ რომელიმე მომენტზე. მომდევნო სურათში ვეცნობით მენშევიკების ხანმოკლე ბატონობის პერიოდში ჯარის ნაწილების დემორალიზაციას, მხატვარს სურს ამით დამთავროს ეპოქის ერთი მონაკვეთის დახასიათება. მთავარია გზები, რომელ-

თაც მიეყვართ ფინალამდე. რომელ ფინალში გამოიკვეთოს ნაწარმოები დედნაზრი. მოთხრობის დრამატული სინამდვილის რომელიმე მხარეების სრული დახასიათება, წარმოსახვა. ვითარების სრულყოფილად გათვალისწინებისათვის არანაკლებ მნიშვნელოვანია მეორე სურათიც:

„მთავარსარდალმა უკანასკნელად დაუხარა ჩამწერივებულ გუნდებს.

არავინ აქცევდა ყურადღებას თუ როგორ იდგნენ ჯარისკაცები, გამართული იყო თუ არა მწყობრი.

შტაბმა საჩქაროდ ჩამოიარა ჯარისკაცების დაღალული, პირუტყვის უგვანო სახეები, რომლებზედაც კერაფერს ამოიკითხავდი, კერაფერს ვაიყვები და გამოიცილობდი. ისინი მოიყვანეს დღეს დილით ცივ კოლოფებიდან, მათ უთხრეს წამოსვლა და ისინიც წამოვიდნენ.

მთომინებით იდგნენ ცივ ქვაზე, გრძნობდნენ მხოლოდ თოფების სიმძიმეს. სადგომისაკენ დაბრუნებაზე არ ფიქრობდნენ. იქაც ნესტი და გაზაფხულის სიცივე დახვდებოდათ“.

ფიქრობთ, კომენტარი ზედმეტია. მწერალი ამყვანებს თანადროულობის ალღოს, მაგრამ ჯერ კიდევ ვერ იძლევა მომავლის პერსპექტივას, თუმცა იცავს კი ისტორიულ კოლორიტს. ვითარება აქაც სტატიკურადაა წარმოსახული.

საგულისხმოა ერთი რამ. ციტირებულ ნოველას სათაურის ქვეშ აწერია — „კონსპექტი მოთხრობისათვის“. ამ ნოველის სიუჟეტი და აგრეთვე ნოველისა „დიდი შაბათი“ („დროშა“ 1925, № 26) მწერალმა გავრცობილი სახით გაიმეორათავის ცნობილ ნაწარმოებში „ფერფლი“. მოთხრობა „ლიბი“, რომელიც პირველად „მნათობში“ დაიბეჭდა 1929 წელს. არა მარტო თემატიკით ემთხვევა მოთხრობა „პროვინციის მთავრეს“, არამედ განმეორებულია პერსონაჟებიც (მაგდა, გოგი, სიმონი). ამავე მოთხრობაში ეპიზოდის სახით ჩართულია ნოველა „მარტია“. ამგვარი ჩართვის საშუალებას ნოველა თავისუფლად იძლევა, იგი შეიძლება იყოს ერთი თავი მოთხრობისა და რომანისა..



სიუჟეტების განხილვა, ძველი თემების გამოკრება-გაერთობა, მათი ახალი კუთხით წარმოსახვა დამახასიათებელია ს. კლდიაშვილის სტილისათვის.

ამრიგად, 1925-1930 წლებში ს. კლდიაშვილის ნოველების თემატიკური არე საგრძნობლად გაფართოვდა. მწერალი დაინტერესდა სოციალური საკითხებით და ძირითადად სხაგვანა რეალურ ფაქტებს. იგრძნობა მხატვრული დაოსტატებაც. ფსიქოლოგიური მოტივების სიმძიმე გადატანილია ოსტატურად გამართულ დიალოგებში, რომლებშიც გარკვეულად მიზნობრივია არა მარტო საერთო ვანწყობილება, არამედ პერსონაჟის ხასიათის რომელიმე თვისება. მაგალითისათვის დავასახელებთ ბეკოსა და მარიამის (ნოველიდან „მარტია“), უანისა და მაგლას („პროვინციის მთვარე“) და სხვა დიალოგებს.


ასე თანდათანობით თავისუფლდებოდა ს. კლდიაშვილი სიმბოლიზმის გავლენისაგან. ოცდაათიანი წლებიდან მის შემოქმედებაში ნოველის უანრმა განვითარების ისეთ მაღალ საფეხურს მიაღწია, რომ სერგო კლდიაშვილი აღიარებს მკვეთრად ინდივიდუალური სტილის შემოქმედად.

თავის ახალ რეალისტურ ნოველებში მწერალს ერთი ძირითადი თემა აქვს — საშობლო, რომელსაც იგი მეტად ორიგინალური კუთხით აშუქებს. მოვლენებიდან არჩევს ყველაზე არსებითსა და ცხოვრებისეულს, ამასთან პატარა ამბავსაც კი ფილოსოფიურ-სოციალურ განზოგადებას აძლევს. თუ რომელიმე თანამედროვე ქართველი მწერალი დაიქვადის „წვრილმანებით“ შთაგონებული ვართ, ერთ-ერთი პირველი სერგო კლდიაშვილია. იგი თითქმის არასოდეს არ მიმართავს რაიმე არაჩვეულებრივსა და დიადს. მიუხედავად ამისა, ერთი შეხედვით წვრილმან ამბებზე დაწერილი მისი ნოველები გამოირჩევიან აზრების ტევადობით, ეროვნულობით და ღრმა იდეურობით. მათი წაკითხვა ერთხელ კიდევ გვარწმუნებს საყოველთაოდ აღიარებულ ჰეშმარიტებაში, რომ „ნიჭი

და ხელოვნება სავნების დიდობაში არ არის, არამედ მათს გამოხატვის უფრო გათვალისწინებაში“ (ავაჟი).
ს. კლდიაშვილი

სერგო კლდიაშვილი ნაცნობ თემებსაც ორიგინალური კუთხით და მისთვის ჩვეული მაღალი ოსტატობით ამუშავებს. ასე, მაგალითად, ნოველის „ნაბოლარა“ თემა საქმიოდ ძველია, მოგვავიწყებს შექსპირის „მეფე ლირს“. ასეთ ასოციაციას იწვევს ამ ნაწარმოებთა მთავარი პერსონაჟების ერთნაირი ტრაგიკული ბედი — მოხუცებულობაში ისინი შვილებმა მიატოვეს. მოვლენათა თითქმის ერთნაირი განვითარება არ იწინავს, რომ ამ ორი ნაწარმოების იდეური კონცეპცია ერთნაირია და არაფრით არ განსხვავდება ერთმანეთისაგან. თითოეულ პერსონაჟს აქვს თავისი საკუთარი ინდივიდუალობა, რასაც განსაზღვრავს პოლიტიკური, ეკონომიური, სოციალური, ყოფაცხოვრებითი და ა. შ. განვითარების თავისებურება. რა თქმა უნდა, საინტერესოა, რამდენად სისახა ეს თავისებურებანი ნოველაში „ნაბოლარა“, ე. ი. რამდენად შეიძლო სერგო კლდიაშვილმა ძველი თემის ვათანადროულება.

მწერალი „ნაბოლარას“ სიუჟეტურ ქარავს ისე ავებს, რომ მკითხველის წინაშე დააყენოს თანადროულობის აქტუალური საკითხები, ამხილოს ნაკლოვანებები, რომლებიც ხელს უშლიან ჩვენი ცხოვრების განვითარებას. „ამ ნახვავლ ზაღს სოფლად არ დაეღვომება, თუ რავა საქმე? აქ მათთვის საქმე არ მოიძებნება, რომ ქალაქ ადგილას გარბიან? ან რომელ წიგნებში ამოიკითხავ სახლკარი მიატოვე, გადაშენდი, გადავვარდი, შენიაინ? დავიწყე და შენი ბუდეც მოიშალო?“ ამბობს იორდანე. მისი ფიქრები და განცდები, მისი იდეა.სავსებით შეესაბამება როგორც მწერლისას, ისე თითოეული ჩვენთაგანის ფიქრებს და გრძნობებს. როგორ შეიძლება არ დაეთანხმოთ იმას, რომ თანამედროვე სოფელს ინტელიგენცია სჭირდება, რომ ახალგაზრდობა მორალურად სანიმუშო უნდა იზრდებოდეს, უყვარდეს შრომა, პირნათლად რომ მოიხადოს თავისი მოქალაქე-



ობრივი ვალი მშობლისა და ქვეყნის წინაშე, ასე იკითხება იორდანეს საყვედურის ქვეტექსტი და, ჩვენი აზრით, ნიკეის დედაპირიც ესაა. სიმბტომატურაია, რომ ამაზე მწერალი ალაპარაკებს იორდანეს, ადამიანს, რომელმაც პირადად თავის თავზე გამოცადა ცხოვრების სიმწარე, ამით ხაზგასმულია მამბილებლის კეთილგონიერება; იორდანემ შესანიშნავად იცის, რომ კაცს ისარი კლავს, მაგრამ დამნაშავე ისრის მსროლელია. ცხოვრება თავისთავად როდია მწარე, მას ამწარებენ, ამახინჯებენ ადამიანები, რომლებსაც იორდანე ამხილებს. იორდანეს მხატვრულ სახეში მწერალი განსაკუთრებით ხაზს უსვამს ამტანობას, სიმშვიდეს და ადამიანის ღრმა რწმენას.

იორდანეს ხასიათი ტიპიურია და ნაჩვენებია ტიპიურ ვარემოებაში. სამამულე ომში კარბატებთან ბრძოლისას და ელუბა მას უფროსი შვილი. შემდეგ რძალმა ქონება გაუყო და ოჯახიდან წავიდა. დაიგრა ბედნიერი ცხოვრება. იორდანემ მწარედ განიცადა ოჯახის ბურჯის — უფროსი შვილის სიკვდილი: „სასიცოცხლო პირი აღარ მქონდა ჩემი ბიჭის დამკარგავს, მარა რა მექნა, თუ თვითონ არ ამოძვრა ოხერი სული? ა, რა მექნა? ძალათი მომეკლა თავი? გაგონილა ამისთანა ცოდვის კითხვა?“ როგორც ვთქვით, იორდანეს უბედურება საქვეყნო, საყოველთაო უბედურების ნაწილია. მწერალი ტიპიური ვარემოების ხაზგასმით ხსნის პერსონაჟის ცხოვრების ტრაგიკულობას და ხასიათის სიმართლე ეფუძნება ვარემოების სიმართლეს. მწუხარებამ მოღრია იორდანე, მაგრამ ცხოვრებაზე ხელი ვერ ააღებინა. იგი შვილის გლოვაშიც ქართველია და აქაც მკვლავნდება მისი ეროვნული თავისებურება.

იმედს იორდანეს უმცაროსი შვილი, ნაბოლარა ალექსანდრე დარჩა და მასზე ლოცულობდა: „ეს ბიჭი ჩამიდგამს სულს, ეს მაცხოვნებს მე!.. და თავისი მომავალი ცხოვრება რაღაც დიდი ნათელით მოსილი წარმოუდგებოდა“. მაგრამ ბედმა უმტყუნა. სწავლის დამთავრების შემდეგ ალექსანდრემ სოფლად ცხოვრე-

ბა იუკადრისა და იორდანე ეწოდებოდა: „რა ვქნა, მამაჩემო, შენ რომ დიქრობ, ისე არაა საქმე, სოფელში რებელი არა ვარ. სწავლა იმისთვის მივიღე, რომ ვიტივით გამოყრუებულ ფულდროში ვიცხოვრო. ახლა ძველი დრო ნუ გგონია. ყველას საშუალება აქვს დიდი კაცი გახდეს“.

რამდენად ტიპიურია ალექსანდრე ჩვენი სინამდვილისათვის?

შემთხვევით კი არ უწოდა მწერალმა ნიკეელს „ნაბოლარა“. ეს მეტსახელი ზედმიწევნით ზუსტად ახასიათებს ალექსანდრეს. იგი არა მარტო ასაკითაა ნაბოლარა, არამედ თავისი მისწრაფებებითა და მთელი თავისი სულიერი სამყაროთი. ალექსანდრე ჩვენი ცხოვრების ნაბოლარაა. ამრიგად, სერგო კლდიაშვილი ახდენს ნაკლებგავრცელებული უარყოფითის ტიპიზაციას და გვარწმუნებს, რომ განვითარების პოტენცია გააჩნია არა ალექსანდრეს, არამედ მშრომელ და პატიოსან ადამიანს, ყველას ვინც კი ახალი ცხოვრების მშენებლის მოწოდების სიმაღლეზე აღმოჩნდება: „კიდევ მაღლობა ღმერთს; — იმედია დასძენს იორდანე, — ყველა ჩემი შვილივით არ არის. ზოგ-ზოგი ვინმე, ვინც აქ დარჩა, ურიგოდ არ ცხოვრობს. ვინც შრომას არ გაეჭა, ეგრეთ შენც ხედავ, ახალი ოდა სახლები წამოჭიმა. წინათ რომ ჭრაქით ვიკვარტლებოდით, ახლა აქაურობა ელექტრონიტ არის გაჩაღებული“.

აქ ნათლად ჩანს ჩვენი საზოგადოებრივი ცხოვრების წამყვანი ტენდენცია, ცხოვრების განვითარების სოციალური კანონზომიერებანი. სერგო კლდიაშვილი თვალს არ ხუჭავს ნაკლოვანებებზე, ცხოვრებას ასახავს მთელი თავისი მრავალფეროვნებით. ამასთან არ ივიწყებს მთავარს, ძირითად, წამყვან ტენდენციას, რაც განსაზღვრავს ჩვენი სოციალისტური საზოგადოების ხასიათს. ნაკლოვანებათა მხილებით სერგო კლდიაშვილი აგრძელებს ქართული რეალისტური მწერლობის პროგრესულ ტრადიციებს — მის სიახლოვეს ხალხის ცხოვრებასთან, მის-

ფარგლებში და გადაუწყვეტია „მეღე
მოშორდეს არგვეთას“. სანდრო მით-
ხოვს სხვა, ისეთ ადგილას გადაიყვანონ
სამუშაოზე, სადაც შესაძლებლობა ექნე-
ბა ლად, ცოცხალ ცხოვრებას ეზიაროს,
დატკბეს. ერთი შეხედვით, ამში არაფე-
რია ცუდი. ბედნიერებისაქენ სწრაფვა
ცხოვრების დიდი კანონია და სანდროს
მისწრაფებაც ამ კანონის გამოხატულე-
ბაა, კანონზომიერია.

მწერალი ექსპოზიციურ ნაწილში ისე
ხატავს სადგურ არგვეთას სურათს, ჩა-
მორჩენილობის, უძრაობის ისეთი და-
მახასიათებელი დეტალებით, რომ რწმუ-
ნდებით — „ადამიანს, რომელიც აქ ხან-
გობლივად იცხოვრებს, ნურეინ უძრახავს
თუ შელანქოლია შეიპყრობს“. შეიძლე-
ბა ამის გამო ვიფიქროთ, თითქოს სანდ-
როს სევდიან განწყობილებას ს. კლდი-
აშვილი ობიექტური მიზეზით ამართლებ-
დეს, მაგრამ თანამედროვეობის ისეთი
მართალი მხატვათი, როგორც სერგო
კლდიაშვილია, ობიექტური მიზეზით
ვერ ასხნდა პერსონაჟის მელანქოლიას.
ჩამორჩენილობა, უძრაობა ჩვენი ცხო-
ვრების წამყვანი ტენდენცია არ არის
და, მაშასადამე, არც ტიპურობის განმ-
საზღვრელ გარემოებად გამოდგება.

ბუნებრივად იბადება კითხვა, რაა მი-
ზეზი, რომ არგვეთა ჩამორჩენილი ბუნ-
ქტია და იქ ცხოვრება მოსაწყენია? ამ
კითხვის პასუხი რომ ნათელი გახდეს,
სანდროს ადგილზე წარმოვიდგინოთ სხვა,
თუნდაც სპირიდონ მცირიშვილი.

სანდროსაგან განსხვავებით სპირიდონ-
ნი არგვეთაში იმდენ სასარგებლო საქ-
მეს წამოიწყებდა, რომ სევდისათვის ერ-
თი წუთიც აღარ დარჩებოდა და თავს
ბედნიერად ჩათვლიდა. ასე იქნებოდა
იმპიტომ, რომ სპირიდონი ინიციატივიანი
ადამიანია.

სანდრო და არგვეთის სხვა „მესვეუ-
რები“ კი მოკლებული არიან ინიციატი-
ვასა და თაოსნობას, ყურდნობიან თვით-
დინებას, მაშასადამე, მოვლენების მიზეზ-
შედგებობრივი ახსნით მწერალი გვიჩვენ-
ებს ცხოვრების დამახასიათებელ ისეთ
გარემოებას, რომლის მიზეზი თვითონ

ადამიანის ხასიათშია, უნდა გავითვალის-
წინოთ, რომ „მინდვრის ყვავილდა“
რგო კლდიაშვილი ასახავს სოციალურ
ტური მშენებლობის იმ ეტაპს, რომელშიც
ლიც მოითხოვს ნოვატორულ პათოსს.
არ კმარა პასუხრად მონაწილეობდუ გრ-
ნდიოზული გეგმების განხორციელებაში.
საქირთა გამოამყვანოთ თაოსნობა. მაგ-
რამ სანდრო ახალს არ ქმნის, ელოდება
მზამზარეულს, თვითონ უმოქმედო უფ-
როა, ვიდრე საქმიანი, არ იცის საიდნ-
დაიწყოს, რა აკეთოს. ეს მაშინ, როცა
ჭერ კიდევ მემანქანე ნილიმ (მ. გორკის
„მადამიონი“) მშენიერად იცოდა, რომ
დიდ მიზანს პატარა საქმეები ახლავს და
მათი კეთებაც აუცილებელია: „...მე ასე-
თი წესრიგი არ მსურს, — მიმართავს ნი-
ლი პეტრე ბესსემენოვს, — კარგად ვიცი,
რომ ცხოვრება სერიოზული საქმეა, მაგ-
რამ მოუწყობელი... და მის მოწესრიგე-
ბას მთელი ჩემი ძალდონე არ ეყოფა.
ისიც ვიცი, ვიცი, რომ დევგმირი არა
ვარ... ერთი უბრალო პაციოსანი და
ჯანსაღი ადამიანი ვარ და მაინც ვამბობ:
არაფერია, ჩვენსას გავიტანთ! და მთელი
ჩემი სულიერა შესაძლებლობით ვიკმა-
ყოფრლებ ცხოვრების ორომტრიალში
ჩარევის სურვილს... მოვზილო იგი ხან
ასე და ხან ისე... ამას ხელი შეეუწყო,
იმას — შევეშალო... აი ეს არის სიცო-
ცხლის აზრი და სიხარული“.

ეს რომ სცოდნოდა სანდროს, მაააც
ნილის მსგავსად რომ შეეხება ჩვენი
ცხოვრებისათვის, რაღა თქმა უნდა, არ
ეგონებოდა, რომ „სადაღაც, სხვაგან იყო
დიდი ცხოვრება, დაუცხრომელი, ხმაუ-
რით საესე, — არგვეთაში კი ქარი და
მარტობაა“, იგი თვითონ შექმნიდა ხა-
ლისიან ცხოვრებას სოფელში. აი რაზე
ამახვილებს მწერალი ჩვენს ყურადღე-
ბას. „მინდვრის ყვავილი“ ქადაგებს პი-
როვნების მაღალ საზოგადოებრივ დანი-
შნულებას. მწერალი პრინციპულად შე-
ურბეგებელია ყოველგვარი რუტინისა და
პასიურობისა.

ნოველის სიუჟეტურ განვითარებაში
დიდა სიყვარულის როლი.

სერგო კლდიაშვილი სიყვარულს გვი-

ხატავს არა როგორც მარტოოდენ გრძნობას, აბსტრაქტულად, არამედ მისი შემეფობით ასახავს მთელ თანამედროვე ცხოვრებას, ჩვენს სინამდვილეს. ელენესა და სანდროს სიყვარული (რომელიც ნოველაში ქვეტექსტით უფროა გამოხატული) სრულიად ახალია, ის ძალა, რომელიც ეხმარება სანდროს ცხოვრების წინააღმდეგობათა დაძლევაში, სევდის გაფანტვაში. ელენე თავისი შემოქმედებითი საქმიანობით სანდროში აღვიძებს ისეთ გრძნობებს, რომლებიც სტიმულს აძლევს მას პირნათლად წარსდგეს სამშობლოსა და ხალხის წინაშე, იყოს ერთერთი უკეთესი მოქალაქე. „ჩემო მეგობარო, აქ რა მოლევს საქმეს!“ — მიმართავს ელენე სანდროს, — თქვენც ბევრი სამუშაო გექნებათ ჩვენთან ერთად, აღარ მოგწყინებთ არგვეთაში!“ რაღა მოაწყენს სანდროს! მისი ოცნებაც ხომ ეს იყო. მულეჯარე ცოცხალ ცხოვრებას ნატრობდა და ელენე მის მაცნედ მოევიღინა. ასე ამთლიანებს ცხოვრება ადამიანებს, წარმართავს მათ ხასიათს საერთო ინტერესების შესაბამისად.

„მინდერის ყვავილი“ განსაკუთრებით იმით იქცევა ყურადღებას, რომ მასში ცხოვრების კონკრეტული მოვლენების მართალი აღბეჭდვა შეხამებულია დაკვირვებისა და ანალიზის ცხოველმყოფელ უნართან, ადამიანის სულიერ სამყაროსა და ხალხის ყოფაცხოვრების ზედმიწევნით ცოდნასთან. იგი გვასწავლის სიძინელის გადალახვას და გასაჭირიდან, ცხოვრების წინააღმდეგობათა ხლართიდან გამოსვლის ხელოვნებას.

სერგო კლდიაშვილის ნოველების უმრავლესობა უსიუჟეტოა. და მიუხედავად ამისა, ისინი არა თუ მოწყვეტილი არ არიან ქართული კლასიკური მოთხრობის ტრადიციებს, არამედ ცხადყოფენ ამ ტრადიციათა კანონზომიერად განვითარებას. ს. კლდიაშვილი იმ მხატვართა წარმომადგენელია, რომლებსაც ეხერხებათ მოვლენებიდან აირჩიონ ყველაზე ტიპური, არსებითი, ცხოვრებისეული და პატარა ამბავს მისცენ ფილოსოფიურ-სოციალური განზოგადება. მისი უსიუ-

ჟეტო ნოველების კითხვისას არ შეიძლება არ მოგაგონდეთ მაქსიმ გორკის სიტყვები, რომლებიც საბჭოთა რატურის ფუძემდებელმა მოთხრობა „ხევის“ გამო თქვა: „მასში შინაარსი გაცილებით მეტია, ვიდრე სიტყვებით.“

იმის ნათელსაყოფად თუ რა გზით, რა მხატვრული ხერხებით აღწევს სერგო კლდიაშვილი უსიუჟეტო პატარა მოთხრობაში დიდი და ვრცელი აზრების მოკლედ გადმოცემას, ცხოვრებისეული მართალი სახეების შექმნას, განვიხილავთ მის რამდენიმე ნოველას.

ნოველა „მორეული“ იდეურად და, რაც მთავარია, ახლებურად, საბჭოთა პარტიოტიზმის მაღალი პოზიციებიდან ეხმაურება რაფიელ ერისთავის ცნობილ ლექსს „სამშობლო ხევსურისა“. ნოველაში გადმოცემულია ერთი ეპიზოდი — გაცილება, დროის მცირე მონაკვეთი ალბელებსა სტატიკურ მდგომარეობაში და, ბუნებრივია, რომ სიუჟეტი არ ვითარდება.

ლუსოვარელი ეინარ მიხალაინენი მეფის ჯარიდან დაბრუნებული თავის ქვეყანაში ველარ წავიდა, თავისიანი იქ აღარავინ ეგულებოდა. ხეტიალში სოფელ ზურგიშარას შემოაღამდა. მინავო ტოფაძის ოჯახში ღამე გაათია და შემდეგ ჩაესიდა კიდეც. ეინარმა ორმოცდაათი წელი იცხოვრა ზურგიშარას, თითქმის გაქართველდა, მაგრამ მას შემდეგ, რაც ოჯახის წევრები დაეხოცნენ და მართო დარჩა, გადაწყვიტა სამშობლო ლუსოვარში წასულიყო. მეზობლები აცილებენ. ესაა მთელი მოთხრობა.

„მორეული“ ერთ ეპიზოდს შეიცავს — გაცილებას და აქედან ვგებულობთ ეინერის ცხოვრების ზოგიერთ ძირითად დეტალს. ამგვარად, ნოველას არ გააჩნია კლასიკური სიუჟეტის არც ერთი ნიშანი, მაგრამ სრულყოფილად არის მიღწეული სინამდვილის რეალისტური წარმოსახვა. მწერალს მკითხველის მიერ ყურადღება გადააქვს ეინარისა და მისი მეზობლების განწყობილებაზე და თხრობას განძრავს ანელებს. დიალოგებში იხს-

ნება პერსონაჟთა ხასიათი: „გახსოვს, ეინარ, აქ რომ პირველად მოხვედი? — ეკითხება ეზეკია... — ოჰ, რა ვაჟაკი იყავი?... — ახლა უკვე მოხუც ეინარს მხარზე ხელს უთათუნებს თევდორე...“ წარსულზე საუბრით ავტორი ვთავაზობს გარდასული დროის მოგონებით გამოწვეულ ფსიქოლოგიურ ნიუანსებს, მის სწორედ იმ დაუბრუნებელი დღეების განცდები აინტერესებს და ამ გზით მივეყვართ მთავართან. მოთხრობის ემოციურ დაძაბულობას ხელს უწყობს კონტრასტის ხერხი, რომელიც ასე ემარჯვება ს. კლდიაშვილს. კონტრასტის ნოველაში ქმნის წარსულისა და აწმყოს, ახალგაზრდობისა და სიბერის, ლუსოვარიისა და ზურგიშარას შედარებები. ამ შედარებებისას საბოლოოდ იხსნება შორეულის პატრიოტული პორტრეტი. ეინარი, რომელიც აქამდე ჩუმად იყო და მეზობლების საუბარს სევდანარევი ღიმილით ყურს უგდებდა და კითხვებზე მხოლოდ თავის დაქნევით უპასუხებდა, თევდორეს შეკითხვაზე — „დამავიწყდა, რა ქვია იმ შენს სოფელს?“, — უეცრად ალაპარაკდა. მოიგონა ლუსოვარი და, რომე იტყვიან, გულს ვარდი გადაეფინაო, დაიწყო მშობლიური კუთხის დახასიათება. აქტივობულ ეინარს მეზობელი იორამის შეკითხვამ საუბარი შეაწყვეტინა. იორამი გულისტკივილით და მზრუნველობით მიმართავს: „— კი მარა, ადამიანო, ვისთან მიხვალ იქ? გეგულება ვინმე ნაცნობი მაინც?“ ეინარს გულის ჭრილობა გაეხსნა, ხელი გაშალა და გაჩუმდა. იორამის შეკითხვას უპასუხებს მწერალი. ესაა მხატვრული ხერხი, მწერლის რეპრეზაცია, რომელიც დაზუსტებულია სიტუაცია. „მართლაცდა ვის ნახავს? ძველები, ცხადია, დაიხოცნენ. ტოლებს, ალბათ, დავიწყებული ჰყავთ; ახალგაზრდებმა კი მისი არსებობაც არ იციან“. თხრობის ემოციური დაძაბულობა რომ გაზარდოს, მწერალი ისევ ამეორებინებს იორამს ამ შეკითხვას. „ჰო, ვის ნახავ იქ? ვინ დაგხვდება?“ ეინარი კვლავ დუმს და ახლა მისი გულის პასუხს — ფიქრს გვაცნობს ს.

კლდიაშვილი. დახვედბა ლუსოვარი დეტბა, სადაც მებადურები აფრიან ნავეს მიაცურებენ. დამთავრდა ეინარის ფსიქოლოგიური პორტრეტი, მაგრამ მხატვრის იდეა ჯერ კიდევ არაა მთლიანდ ნათელი. იგი გამოიკვეთება ეინარის წასვლის შემდეგ მისი მეზობლების საუბარში. ზურგიშარელებმა ეინარს გზა დაულოცეს და მინდორზე სახელდახლოდ გაშლილ სუფრას მიუბრუნდნენ.

„— კი, მარა, ყინულბუში რა გააძლებინებს იმ დალოცვილს, აქ არ ვერჩია... ამისთანა ლამაზ სოფელს კაცი პატრონებს? — დედაშენს გაცელიდი შენ? — უეცრად ხმას იმაღლებს ეზეკია... — გაცელიდი იმიტომ, რომ სხვა დედაკაცი უფრო ლამაზი იყო? — მაგის გამო დედა ვის გაუცვლია, შე კაი კაცო... — ჰოდა, ასეა ესეც! — ამბობს თავის სიმართლეში დაჯერებული ეზეკია“.

ეს ძველთაძველი სიმართლე სჯერათ ზურგიშარელებს, სჯერა ყველა პატროსან ადამიანს, რომ „სამშობლო, დედის ძუძუი, არ გაიცვლების სხვაზედა“. ესაა ნოველის იდეა.

რატომ ქვია ნოველას „შორეული“?

ნოველის მთავარი პერსონაჟის ეინარის ფსიქოლოგიურ პორტრეტში ჩვენთვის უცხო და შორეული არაფერი არ არის. პირიქით, მისი მისწრაფება მშობლიური ლუსოვარისაკენ სრულ თანაგრძნობას იწვევს, ესაა საბჭოთა პატრიოტიზმის გამოხატულება, ამას ზურგიშარელებიც შესანიშნავად გრძნობენ: „ვერ გაუმტყუნებ, ჩემო ძმაო, — თავს აქნევს ეზეკია, — უცხო მხარეში სასახლე რომ ამიშენო, საბოლოოდ ჩემი ზურგიშარა მომენატრება და წამოვალ. აბა როგორ! არა, ნამდვილად კაი კაცი ყოფილა, თავის კუთხეს რომ დაუბრუნდა. რომელი პატროსანი კაცი დაივიწყებს თავის ქვეყანას?“ ნოველის დასასრულს მწერალმა დააზუსტა მთავარი აზრი — მშობლიური კუთხის სიყვარული. ეს იდეა „ნაბოლარაში“ გააშუქა

მწერალმა და „შორეულში“ განაახლა, გააცხოველა სწორედ შორეულის ფსიქოლოგიური პორტრეტით. ასე რომ, ნოველის სათაური პირობითია, იგი მთავარი პერსონაჟის პორტრეტის ნიშანია და არა ხასიათის თვისება.

უსიუჟეტოა აგრეთვე ს. კლდიაშვილის ნოველები „შემოდგომის წვიმა“, „ჭინკა ბიჭები“ და ბევრი სხვა, რომელთა დეტალურად განხილვა შორს წაგვიყვანდა. მათი საერთო დახასიათება კი აუცილებელია.

სერგო კლდიაშვილი ერთი მიგნებული ეპიზოდით ახდენს ფართო სოციალურ განზოგადებას. მაქსიმალურად შემჭიდროებულ პასაჟებში მწერალი გვიჩვენებს ცხოვრების მრავალფეროვნებას და ყოველ დეტალს მთლიან ჩანაფიქრს უკავშირებს, რათა ნაწარმოებში ერთიანი ტონი და ძღერადობა შეიქმნას. საბჭოთა პერიოდში შექმნილი ყველა ნოველით ს. კლდიაშვილი თვალწინ გვიშლის დიდი სოციალური გარდაქმნების ეპოქას, ამ ეპოქის ადამიანებს, რომელთა

ხასიათის შინაგანი ლოგიკა შეპირობებულია ცხოვრებასთან. ყველაფერი ეს მით უფრო ღირსშესანიშნავ მოვლენად დავსახება, თუ გავითვალისწინებთ დეკადენტურმა მწერლობამ ჩვენში დიდი ზიანი მიაყენა ს. კლდიაშვილის შემოქმედებასაც. სიმბოლისტური პერიოდის მის ნოველებს გამოცლილი ჰქონდა სოციალური შინაარსი.

გამოჩენილი ქართველი საბჭოთა მწერლის სერგო კლდიაშვილის მკითხველი განუხრელად გრძნობს სიცოცხლის სიყვარულს, ადამიანის უნატიფეს განცდათა საიდუმლოებას, სამშობლოსადმი სიყვარულით ამდერებული მართალი გულის ფეთქებას. ყველა ეს და ბევრი სხვა სიკეთე სერგო კლდიაშვილს, როგორც შემოქმედს, შესძინა ხალხთან, რეალურ ცხოვრებასთან უშუალო და მჭიდრო კავშირმა. ასეთი დაკავშირება მან შეძლო მხოლოდ მას შემდეგ, როცა ადამიანს თავისი ყველაზე ძვირფასი თავისუფლება მიენიჭა და სოციალისტური ცხოვრების მშენებელი გახდა.





პირველი ლიტერატურული გაზეთი აკარაში

საქართველოში საბჭოთა ხელისუფლების დამყარების შემდეგ აჭარის ლიტერატურული ცხოვრება წლითი წლობით სულ უფრო სისხლჭარბი ხდებოდა. ასპარეზზე გამოვიდნენ მწერალთა ახალი კადრები, რომლებიც ცდილობდნენ მხატვრული სიტყვით აესახათ აჭარის მშრომელთა ახალი ყოფა, ძირეული გარდაქმნები, მხარის სოციალურ-ეკონომიურ ცხოვრებასა და ადამიანთა შეგნებაში რომ მიმდინარეობდა. მართალია, მწერლობის ახალი კადრები ჯერ კიდევ სუსტად ფლობდნენ მხატვრულ სიტყვას. მაგრამ სურვილი — აქტიური მონაწილეობა მიეღოთ ახლის, პროგრესულის დამკვიდრებაში როგორც უშუალო პრაქტიკული საქმიანობით, ისე კალმით მეტად დიდი იყო.

ლიტერატურული ცხოვრების გამოცოცხლებას თან მოჰყვა ლიტერატურული პრესის აღმოცენებაც. ოციანი წლების პირველ ნახევარში ბათუმში გამოდიოდა ლიტერატურულ-მხატვრული და საზოგადოებრივ-პოლიტიკური ჟურნალები, აგრეთვე ერთდროული გაზეთები. მაგრამ მწერალთა კადრების სიღარიბე და დაბალი მხატვრული დონე საშუალებას არ აძლევდა ცალკეულ ენთუზიასტებს, ჟურნალ-გაზეთების გამოცემის ინიციატორებს ბოლომდე მიეყვანათ დაწყებული საქმე და, როგორც წესი,

თითოეული ახალი ლიტერატურული ორგანო ერთი-ორი ნომრის გამოსვლის შემდეგ არსებობას წყვეტდა.

ოცდაათიანი წლებისათვის აჭარის მწერალთა ორგანიზაცია საკმაოდ მოღონიერდა. ამ დროს ბათუმში უკვე მოღვაწეობდნენ პარმენ ლორია, პარმენ რურუა, ნესტორ მალაზონია, მამია ვარშანიძე, ნიკოლოზ კანდელაკი (შემდგომ ცნობილი ორატორი და პროფესორი), ჯემალ ნოღაიდელი, გრიგოლ გორგაძე, ლადო შარაშიძე და სხვები. კავშირი სცემდა ყოველწლიურ აღმანახს „ლიტერატურული აჭარისტანი“. არსებობდა სახელმწიფო გამოცემლობა, რომელიც ყოველწლიურად ზრდიდა მხატვრული პროდუქციის გამოშვებას. ასეთ ვითარებაში დაიბადა აზრი შეექმნათ საკუთარი ორკვირეული გაზეთი, რომელიც თავის ირგვლივ შემოიკრებდა საუკეთესო ლიტერატურულ ძალებს, მათ შორის თბილისიდან და საქართველოს სხვა ქალაქებიდანაც. ამ აზრის ხორცმესხმას უთუოდ ხელი შეუწყო ქუთაისში ლიტერატურული გაზეთის „სიტყვა და საქმე“ დაარსებამ (პირველი ნომერი გამოვიდა 1934 წლის 25 აპრილს) და მისმა საკმაოდ წარმატებითმა მუშაობამ.

და აი 1935 წლის ექვს იანვარს ბათუმში გამოვიდა ორკვირეული ლიტე-

რატურული გაზეთის „ლიტერატურული აჭარისტანი“ პირველი ნომერი. ეს იყო პირველი ლიტერატურული გაზეთი აჭარაში და, გასაგებია, რომ მას დიდი კმაყოფილებით შეხვდა მთელი ქართველი საზოგადოებრიობა. გაზეთს მხურვალედ მიესალმნენ და წარმატება უსურვეს საქართველოს წვერალთა კავშირის პრეზიდენტმა, „ლიტერატურული გაზეთისა“ და „სიტყვა და საქმის“ რედაქციებმა, ცნობილმა ბელეტრისტმა მიხეილ ჭავჭავაძემ.

თორმეტ იანვარს „ლიტერატურულმა გაზეთმა“ გამოაქვეყნა ინფორმაცია, რომელშიც წერდა: „იზრდება ქართული ლიტერატურული პრესა! მოგვემატა მშვენივრად წამოწყებული, კულტურულად გამოცემული და საქმათ გემოვნებით შერჩეული მასალებით ახალი გაზეთი „ლიტერატურული აჭარისტანი“. ეს შეტად სასიხარულო მოვლენაა მით უფრო, რომ დღემდე ასეთი გაზეთი აჭარისტანში არ ყოფილა“.

„ლიტერატურული აჭარისტანი“ მართლაც მშვენიერ შთაბეჭდილებას ტოვებდა. იგი იბეჭდებოდა ექვს გვერდზე, „პრაქდის“ ნახევარი ფორმატით ისევე, როგორც ყველა ქართული ლიტერატურული გაზეთი იმ დროს, კერძოდ, „ლიტერატურული გაზეთი“ და „სიტყვა და საქმე“.

მრავალფეროვანი იყო თემატიკაც. ვარდა აჭარის ცხოვრების ამსახველი მხატვრული ნაწარმოებებისა, მასში ქვეყნდებოდა ლიტერატურული კრიტიკული სტატიები, წერილები მხატვრობაზე, რეცენზიები, ხალხური ზეპირსიტყვიერების ნიმუშები, ბავშვთა შემოქმედების ოლიმპიადის მასალები, ადგილობრივ და თბილისელ მხატვართა სურათების ფოტორეპროდუქციები და სხვა. პირველ ნომერში დაბეჭდილი იყო თამარ აბაქელიას, კოტე გრძელიშვილის, ნაზიმ ხალგაშისა და ვლადიმერ კეშელავას სურათების რეპროდუქციები. გაზეთის სათავეში ედგა სარედაქციო კოლეგია, რომელშიც შედიოდნენ გიორგი სულუხია (რედაქტორი), გრიგოლ გორგაძე, დავით დუმბაძე, ილიას ქა-

თამაძე, პარმენ ლორია, ჯემალ ნოზაძელი, ლადო შარაშიძე და ნიკოლოზ კანდელაკი (მდივანი). სარედაქციო კომიტეში ასე იყო განსაზღვრული ასაკი ლიტერატურული გაზეთის რედაქციის ამოცანა: „აჭარისტანი იცვლის უკუღმართობისა და პატრიარქალური ჩამორჩენილობის იერს... ჩვენნი გაზეთის მიზანია ამ ბუმბერაზული წინსვლის მხატვრული ჩვენება, მისი ასახვა, მისი დასურათება სოციალისტური რეალიზმის შემოქმედებით მეთოდის საფუძველზე...“

ლენინმა გვიანდერძა: „ლიტერატურული საქმე უნდა გახდეს საერთო პროლეტარული საქმის ნაწილად. ეს იქნება ლიტერატურა, რომელიც განაყოფიერებს კაცობრიობის რევოლუციური აზრის უკანასკნელ სიტყვას სოციალისტური პროლეტარიატის გამოცდილებით და ცოცხალი საქმით“. ჩვენ გავხდით ლიტერატურულ საქმეს ჩვენნი საერთო პროლეტარული საქმის ნაწილად“. გაზეთი თავის ამოცანად თვლიდა აგრეთვე მდიდარი აჭარული ხალხური შემოქმედების ნიმუშების პუბლიკაციას, ახალგაზრდა შემოქმედებითი ძალების შემოკრებასა და აღზრდას.

„ლიტერატურული აჭარისტანი“ ცდილობდა პირნათლად გაენადღებინა ყველა დაპირება და არსებობის მთელ მანძილზე მტკიცედ იცავდა ლიტერატურის პარტიულობისა და ხალხურობის პრინციპებს. მეორე, ოცდასული იანვრის ნომერში გაზეთმა გამოაქვეყნა ლადო შარაშიძის ვრცელი სტატია „ლენინის დროში“, რომელსაც თითქმის მთელი პირველი გვერდი უკავია. მასში კრიტიკოსი განმარტავდა ლიტერატურის პარტიულობის ლენინური პრინციპის არსს და ხაზს უსვამდა მის უშუალო განუყრელ კავშირს ხალხურობის პრინციპთან. ლიტერატურამ და ხელოვნებამ უნდა გამოხატოს პარტიის, ხალხის ინტერესები და ემსახურობდეს კომუნისმის დიდ საქმეს.

„ლიტერატურული აჭარისტანი“ არა მარტო აცხადებდა ლიტერატურის პარტიულობისა და ხალხურობის პრინცი-

პებს, არამედ ამასთან ერთად მთელი პრაქტიკული მოღვაწეობითაც ახორციელებდა მათ, აქვეყნებდა ისეთ მხატვრულ ნაწარმოებებსა და სხვა მასალებს, რომლებიც გამოხატავდნენ პროლეტარიატის კლასობრივ ინტერესებს, განუმტკიცებდნენ მასებს სოციალიზმის გამარჯვების რწმენას, შთააგონებდნენ და აღაფრთოვანებდნენ მათ კაცობრიობის უმაღლესი იდეალების განხორციელებისათვის ბრძოლაში.

განსაკუთრებულ ყურადღებას უთმობდა ვაჭეთი ახალი ადამიანის ჩამოყალიბებას, ღრმა სოციალურ ძვრებს, სოფლად რომ ხდებოდა საკოლმეურნეო წყობილების დამკვიდრების შედეგად. გალაკტიონ ტაბიძის ცნობილი ლექსი „ოცნება აჭარისწყალთან“, აგრეთვე „საღამო ჩაის ჭალებში“, კარლო კალაძის „მგზავრული“, ნ. მანიძის (ნესტორ მაღაზონისა) „ახლა იმ ხევში ელსადგურია“, შალვა იოსელიანის „ფიცი მიჯნოლეუმიან“, „გარიყრაყი“, „მოხალისის დაბრუნება“, აგრეთვე ვიქტორ გაბესკირიას, ზარიტონ ვარდოშვილის, ვარლამ ყურულის ლირიკულ-მარინისტული ლექსები გადმოგვცემდნენ ახლებურ დამოკიდებულებას საზოგადოებრივი მოვლენებისა და ბუნებისადმი, ახალი, სოციალისტური ცხოვრების მშენებლობის პათოსს, გვიჩვენებდნენ შრომის ადამიანთა სულიერი ინტერესების სიმდიდრეს.

ადამიანის შეგნების ამდლებისა და ფსიქოლოგიის გარდაქმნის, ძველი ადათჩვევების მსხვერვისა და ახალი მორალური ურთიერთობის დამკვიდრების პროცესს ასახავს ილია კაშიას მოთხრობა „ნურიფე“. აქვე უნდა მოვიხსენიოთ პარმენ ოდიშელის (რურუას) და შალვა იოსელიანის ნარკვევი „ჩაქვის მწვანე ხეივანებში“. ეს ნარკვევი საგულისნმო იმითაც, რომ მასში ავტორები ასახელებენ ახალგაზრდა საბჭოთა მეურნეობის მაშინდელ მოწინავე ადამიანებს, მათ შორის დირექტორ პროკოფი მერგულიშვილს, მუშებს მემედ ცინცაძეს, კომკავშირულ ტანია მაშინისტო-

ვას, კომუნისტ ვერა კოვზირიძეს, არიან ახლა ისინი, როგორ წარმოიქმნა მათი შემდგომი ცხოვრება?

თანამედროვეობასთან ერთად რატურული აჭარისტანი“ არც მხარის წარსულს ივიწყებდა, ამასთან წინა პლანზე გამოჰქონდა და საგანგებოდ ხაზს უსვამდა სოციალურ მოტივს. ასეა არა მარტო პარმენ ლორიას მოთხრობაში „მეველუდა“, არამედ ალიო ადამიანის ლირიკულ პოემაში „დაბადებულან აჭარისტანში“. ორივე ამ ნაწარმოებს დღეს გარკვეული ისტორიული მნიშვნელობა აქვს. „მეველუდამ“ საზოგადოებრიობის ისეთი ინტერესი გამოიწვია, რომ პ. ლორია თითქმის მაშინვე შეუდგა მოთხრობის გმირის მთელი ცხოვრების დაწვრილებით შესწავლას და რამდენიმე წლის შემდეგ გამოაქვეყნა თავისი ერთ-ერთი საუკეთესო რომანი „მეველუდი“. ალიო ადამიას პოემა „დაბადებულან აჭარისტანში“. კი იმით არის საგულისნმო, რომ პოეტმა მასში, თუ არ ვცდებით, ჩვენს ლიტერატურაში პირველად სცადა მოეცა აჭარის სახალხო გმირის, ეროვნულ-განმათავისუფლებელი მოძრაობის ერთ-ერთი სახელოვანი მეთაურის სელომ ხიმშიაშვილის მხატვრული სახე.

მნიშვნელოვან ადგილს უთმობდა ვაჭეთი აჭარული ზეპირსიტყვიერების ნიმუშთა პუბლიკაციას. ამ მხრივ განსაკუთრებით აღსანიშნავია მაშინ სრულიად ახალგაზრდა მკვლევარის, აწ განსვენებული მეცნიერის ჯემალ ნოღაიდელის ღვაწლი. „ლიტერატურულ აჭარისტანში“ მან გამოაქვეყნა თქმულება „ქაიხოსრო ხელმწიფე“ (ხალხური „ვეფხისტყაოსანი“) კომენტარებითურთ. მკვლევარი გამოთქვამდა ჰიპოთეზას, რომ „ეს თქმულება სამხრეთ საქართველოში უნდა იყოს წარმოშობილი“, რამდენადაც „თვით ხელუხ ჩაუმი მესხიძე (ვისგანაც ქაბუკობაში გაუგონია იგი მთქმელს წყავროკელ მემედალი რომანაძეს — შ. ქ). და მისი შთამომავლობა ქობულეთის რაიონში მესხნი არიან. საინტერესოა ვიკითხოთ: ხომ არ უნდა

იყოს ეს თქმულება უძველესი თქმულება, რომელიც სარჩულად დაედო შოთა რუსთაველის უკვდავ ქმნილება „ვეფხისტყაოსანს“? ჯემალ ნოღაიდელმა „ლიტერატურულ აჭარისტანში“ გამოაქვეყნა აგრეთვე ხალხური ლექსები და ნოველები, ხოლო ვრიგოლ გორგაძემ — გამოცანები და ლიტერატურული და დამუშავებული თქმულებები.

აჭარული ხალხური შემოქმედება, რა თქმა უნდა, არ ამოიწურებოდა მარტოოდენ ზეპირსიტყვიერებით. ჩვენი მხარე განთქმულია შესანიშნავი ცეკვებითა და სიმღერებითაც და ამ ძვირფასი ეროვნული საუნჯის მოვლა-ვანგითარება გაზეთმა კულტურული მშენებლობის ერთ-ერთ უმთავრეს ამოცანად მიიჩნია. კომპოზიტორ ალექსი ფარცხალაძისა და პროფესორ აკაკი ფაღავეს სტატიებში, რომლებიც „ლიტერატურულმა აჭარისტანმა“ გამოაქვეყნა იმხანად მიმდინარე ხალხურ ხელოვნებათა ოლიმპიადისთან დაკავშირებით, საზგასმულია აჭარული ხალხური მუსიკისა და ქორეოგრაფიის სიმდიდრე, მათი უდიდესი მნიშვნელობა ახალი, შინაარსით სოციალისტური კულტურის აღმავლობისათვის ბრძოლაში. „ეს მარგალიტები, — წერდა კომპ. ალექსი ფარცხალაძე სტატიაში „ხალხურ ხელოვნებათა ოლიმპიადისა“ — მეცნიერებისათვის ყველაზე უფრო საიმედო დასაყრდენია, ამაზე უნდა ჩამოყალიბდეს დიდი და მცირე ფორმის ნაწარმოები: ოპერა, ბალეტი, სიმფონია, სუიტა და სხვა.. აუცილებელია ხალხურ ხელოვნებათა საგანძურის სისტემატური დათვალიერება, შეჯიბრება და ოლიმპიადები, რაც კიდევ უფრო ადვილყოფს მიზნების მიღწევას“ („ლიტ. აჭარისტანი“, № 1).

პროფ. აკაკი ფაღავე განსაკუთრებით მოუხიბლავს ხალხურ ცეკვებს, კერძოდ, „ხორუმს“. სტატიაში „ხალხური შემოქმედების ტრიუმფი“ იგი წერდა: „ასლან აზაშიძის ანსამბლის, ქოჩახელას, ასლან ხალვაშის, ანანიძის, მეიდა ხალვაშის, ბექირ საგინაძის, დ. ჭყონიას ჯგუფთა ხორუმი ხელოვნების უმაღლესი ნიმუ-

შეზია როგორც ტექნიკის, ისე რიტმული ამბტყველების, გრაციის ხაზით, ასე ემოციონალური დატენილობით მათ შესრულებაში გამოსჭვივის შინაგანი სიმშვენიერება.. თვალწინ დგას ცოცხალი ადამიანი, მგრძნობიარე, მოაზროვნე და მთელი არსებით მოძრაობაში ამბტყველებული. აქ არის ის ორგანული მთლიანობა, რომელიც ერთადერთი საზომია დიდი ხელოვნებისა. თითოეული ჯგუფის ხორუმის შესახებ შეიძლება დაიწეროს და უნდა დაიწეროს კიდევ მთელი პოემა, გარეშე მათი მეცნიერულ-მხატვრული შესწავლისა“ („ლიტ. აჭარისტანი“, № 2).

გაზეთი ცდილობდა აღეზარდა ლიტერატორთა ახალი თაობა, მიეზიდა შემოქმედებითი ნიჭით დაჯილდოებული ახალგაზრდები და სისტემატურად აქვეყნებდა მათ ნაწარმოებებს. მის ფურცლებზე დაიბეჭდა ფაქტუბე დადანიის, თინა ჩიხლაძის, რამიზ დათუნაიშვილის, ვრიგოლ აფხაზავას, ალექსანდრე ჯორბენაძის ლექსები. მართალია, ისინი არ გამოირჩეოდნენ მაღალი მხატვრული დონით, მაგრამ მათში ჩანდა ახალგაზრდული შემართება, მაშინდელი ახალგაზრდობის გულისთქმა და სანუკვარი ოცნებები. ამდენად ეს ლექსები დღესაც იწვევენ გარკვეულ ინტერესს.

„ლიტერატურული აჭარისტანის“ ერთ-ერთი მთავარი საზრუნავი იყო ქართული კლასიკური ლიტერატურის პრაზაგანდა და მასების აღზრდა მის პროგრესულ, მოწინავე იდეებზე. „დღეს კლასიკური მემკვიდრეობის მონაწილეობა საბჭოთა ხელოვნების შექმნაში იმდენად ცხადია და ნათელი, — წერდა გაზეთი სტატიაში „კლასიკური მემკვიდრეობის ათვისებისათვის“, — რომ დაუშვებელია კლასიკოსების შემოქმედების უგულვებლყოფა.. ჩვენს მოვალეობად მიგვანჩნია... სისტემატურად გავაშუქოთ კლასიკოსთა შემოქმედება. გაზეთის ფურცლებზე მოთავსებული ნაწარმოებების, კრიტიკული წერილების, სურათების, ჩანახატების და განმარტებების ვზით ჩვენი კლასიკური მწერლობა დავიყვანოთ მუშამდე, კოლმეურნემდე,

წითელარმიელამდე, მოწაფემდე — ერთი სიტყვით ჩვენი ცხოვრების მოწინავე ფონტების წარმომადგენლებამდე“. ამავე ნომერში (№ 2) გაზეთმა გამოაქვეყნა აკაიის, ვაჟას, იროდიონ ვედოშვილისა და ჭოლა ლომთათიძის პორტრეტები და ავტოგრაფები იმასთან დაკავშირებით, რომ 1935 წელს ქართველი ხალხი აღნიშნავდა ამ სასიქადულო მწერალთა იუბილეს — გარდაცვალების ოცი წლის თავს. ამავე ნომერში ყურადღებას იქცევს ნიკოლოზ განდელაკის სტატია „შოთა რუსთაველის ჰუმორი“.

უკაროდ და სიყვარულით გამოეხმაურა „ლიტერატურული აპარისტანი“ დიდი აკაიის იუბილეს, რომელიც თებერვალში გაიმართა. მას თითქმის მთელი მესამე ნომერი დაუთმო. გაზეთმა დაბეჭდა მოწინავე სტატია „აკაიი“, გულოდა კაკაიციშვილის ცნობილი სიტყვა აკაიის დაკრძალვაზე 1915 წელს თბილისში, ილიას ქათამაძის, ვახტანგ კოტეტიშვილისა და გივი ნიორაძის სტატიები, თინა ჩინლაძის ლექსი, დიდი პოეტის გამოუქვეყნებელი ლექსები, ავტოგრაფები, ფოტოგრაფიული ქიმიები, სხვა მასალები. მათ შორის ინფორმაციები აკაიის ღღეების მიმდინარეობაზე აპარაში.

კლასიკური მემკვიდრეობის ათვისებას ვახუთი მჭიდროდ უკავშირებდა თანამედროვეობის პრობლემაზე, რომელთა მარქსისტულ-ლენინურ დამუშავებას თავის ერთ-ერთ გადაუდებელ ამოცანად ისახავდა. ცნობილი ქართველი პოეტის ტიტან ტაბიძის სტატიაში „საქართველოსა და აჭარისტანის საბჭოთა მწერლების თანამშრომლობისათვის“ ხაზგასმულია, რომ საბჭოთა ლიტერატურის უმთავრესი მოვალეობაა სრული სიმართლით, სოციალისტური რეალიზმის მეთოდის საფუძველზე ასახოს თანამედროვეობა, ის ახალი და პროგრესული, ცხოვრებაში რომ იხადება და ვითარდება, გვიჩვენოს სოციალიზმის მშენებელი ადამიანი, რომელიც თვისობრივად განსხვავდება კაპიტალისტური თუ ყველა სხვა არასოციალისტური წყობილე-

ბის ადამიანისაგან. „უემკველია, — წერდა ტ. ტაბიძე, — აჭარელი დამკვირვებელი მუშა, რომელიც აწუხის გვირგვინს გათხრახუნილ მუშაობს და ევროპული კოლმეურნეობის წყერია, სრულიად არ გაეს იმ ლევანტიელს, რომელიც დაკვირვებულს შუაი ზღვის არასოციალისტურ სანაპიროებზე და ადვილად გამოსარჩენ საჭმელზე ოცნებობს“.

განსხვავებული გარემო განსხვავებულ შეგნებასა და ფსიქოლოგიას, ახალ სათქმელს წარმოშობს და ყოველივე ამან თავისი გამოხატულება უნდა პოვოს ლიტერატურაში. „განა ცოტა აქვთ სათქმელი იმ ახალგაზრდა კომკავშირელებს, რომლებიც ეწვივნენ ამ ღღეებში მოსკოვის გაზეთების რედაქციებს და საბჭოთა სუბტროპიკების მთავარ სამმართველოს და დარბაისელი და საქმიანი მოხსენებები გააკეთეს თავიანთ ციტრუსოვანი კულტურის შეფობაზე, იმ ახალგაზრდებს, რომელთაც გამოცხადებული აქვთ ლაშქრობა ჩაისა და სხვა ძვირფას მცენარეთა დამუშავების ხარისხის აწვევისათვის... და რამდენი კიდევ უნდა ჩამოითვალოს, რაც მოელის მწერლობაში შესვლას და დამკვიდრებას, რაც იქნება ახალ ყოფასთან ერთად და მოელის ხელოვნების ნაწარმოებში განკაცებას უპირველეს ყოვლისა თვითონ აჭარელ მწერალთაგან, რომელიც მას ყოველდღიურად ხედავს, რომელიც იმისაგან და იმასთან სწავლობს, იცვლება და იზრდება“ („ლიტ. აპარისტანი“, № 1). დასასრულ ტ. ტაბიძე შენიშნავს, რომ ამ დიდ ამოცანის გადაწყვეტა მართა აჭარის მწერლებს არ შეუძლიათ, თუ მათ მეტი ოპერატიული ხელმძღვანელობა და დახმარება არ აღმოუჩინა საქართველოს მწერალთა კავშირმა.

არსებითად ამავე სულისკვეთებითაა გამსჭვალული ვახტანგ კოტეტიშვილის სტატია „აჭარისტანი საქართველოს მხატვრების გამოფენაზე“, რომელიც თბილისში გაიმართა. ამ გამოფენაზე აჭარის ამსახველი ოცი სურათი წარუდგენიათ ელენე ახვლედიანს, თამარ აბაკელიას, კორნელი სანაძეს, ვლადიმერ

ქველავას და სხვებს. სურათების ასეთი სიუხვე, ე. კოტეტიშვილის აზრით, შემთხვევითი კი არა, სავსებით კანონზომიერი იყო და აიხსნებოდა სამი გარემოებით. „ჯერ ერთი, აჭარისტანი ჩვენი ქვეყნის ულამაზესი ნაწილია, — წერდა კრიტიკოსი, — მეორე, რომ აჭარისტანში, იქნებ ისე როგორც არსად, შენახულია ადამიანთა ის აღნაგობა და პლასტიკურობა, რომელიც მხატვრის თვალს აუცილებლად მოიტაცებს, და მესამე, უმთავრესი ის არის, რომ აქ ახალი ეპოქის ქროლვა სავანებზე სიძლიერით იგრძნობა და სოციალისტურ მშენებლობას აქ განსაკუთრებული სიმანხილე ახასიათებს. აჭარისტანის დღემდე ლამაზი პეიზაჟი თანდათანობით ხელოვნური პეიზაჟებით იცვლება, მაგრამ ისე, რომ ამ ხელოვნებაში თითქოს შეტი ბუნება არის შეტანილი“. მასმასაღამე, მხატვრები მიიზიდა თვით სინამდვილის სიდიადემ და კოლორიტმა, მაგრამ ცხოვრება იმდენად მდიდარი, ისე მრავალფეროვანი და მრავალწახანგოვანი აღმოჩნდა, რომ ახალგაზრდა მხატვრებს არ ეყოთ ოსტატობა სრულად გადმოეცათ იგი. „ჩვენი მხატვრებს — წერდა ამის გამო ე. კოტეტიშვილი, — ჯერ კიდევ დიდი და სერიოზული მუშაობა დასჭირდებათ იმ კოლორის და იმ ადამიანების გრაციის გადმოსაცემად, რასაც აჭარისტანში ვხედავთ. ჩვენი ახალგაზრდა მხატვრებისაგან ჩვენ მოვიტხოვთ, რომ ჩვენი ქვეყნის ეს ულამაზესი კუთხე მთელი თავისი დღევანდელი ბათოსით ისე გვიჩვენონ, რომ ამ სურათებში ამეტყველებული სიყვარული ჭარბობდეს მყუერებლის სიყვარულს ამ კუთხისადმი“ (ალიტ. აჭარისტანი, № 1).

„ალიტერატურულ აჭარისტანს“ მხედველობიდან არც ხელოვნების-სხვა დარგები გამოჩნენია, კერძოდ, თეატრი და კინო. ბათუმში იმხანად მუშაობდა მუშა ახალგაზრდობის თეატრი (ტრამი). ამ თეატრის წარმოშობისა და პირველი ნაბიჯები შესახებ მეტად საინტერესო ცნობა გამოაქვეყნა ქუთაისის ლიტერატურულმა გაზეთმა „სიტყვა და საქმე“

№ 2, 1934 წ.). იგი იუწყებოდა, რომ „ახალგაზრდა და ახალი ძალები მუშაობდნენ თეატრის შექმნის მიზნით დასი, რომელიც შეიქმნა თავისი პირველი სპექტაკლი ქვეყნის ქალიშვილების“ მხარდასაჭერად. თეატრის სათავეში ჩასდგომია რეჟისორი შოთა მანავაძე (თანამეწე — კოწო დოლონაძე), რომელიც საქართველოს მუშა-ახალგაზრდობის თეატრსაც ხელმძღვანელობდა ქუთაისში“. ეს ცნობა „სიტყვა და საქმე“ გამოაქვეყნა იმის გამო, რომ ბათუმის თეატრის დასი ქუთაისს სწევდა. „ქვეს მისს, — წერდა გაზეთი, — ეს ენერგიითა და შემოქმედებითი წყურვილით აღსავსე კოლექტივი მთელი შემადგენლობით... ესტუმრა საქართველოს ტრამს ქუთაისში „ჩვენი ქვეყნის ქალიშვილების“ სპექტაკლზე დასწრების, ორი მომე კოლექტივის უშუალო დაახლოებისა და გამოცდილების მიღების მიზნით“. დასასრულ „სიტყვა და საქმე“ იწონებდა ბათუმელი ახალგაზრდობის ინიციატივას და წერდა: „ბათუმში წასო-წყებული ახალი საქმე ყოველმხრივი დასმარების და ხელმძღვანელობის ღირსია! აჭარისტანის მშრომელი მყურებელი და მისი ახალგაზრდობა ღირსია კარგი, ახალგაზრდული სიჯანსაღისა და დაუღვეელი ენთუზიაზმის თეატრისა“.

ქუთაისიდან დაბრუნების შემდეგ მუშა ახალგაზრდობის თეატრს მოუშადადებია თავისი პირველი სპექტაკლი მიკიტენკოს „ჩვენი ქვეყნის ქალიშვილები“ და წლის ბოლოს წამიჯარა მყურებლის წინაშე. „ლიტერატურული აჭარისტანი“, ბუნებრივია, გამოეხატება ამ მნიშვნელოვან მოვლენას რესპუბლიკის კულტურულ ცხოვრებაში და რუბრიკით „თეატრი და კინო“ გამოაქვეყნა ლადო შარაშიძის სტატია „აჭარისტანის მუშა-ახალგაზრდობის თეატრი“. სპექტაკლმა, როგორც ჩანს, ვერ დაეკმაყოფილა კრიტიკოსი, აშკარა ყოფილა დისპროპორცია მის იდეურ და მხატვრულ დონეს შორის, რასაც მსახიობთა გამოუცდელობითა და არაპროფესიონალიზმით ხსნის. „ჩვენ გვჯერა, რომ მუშა ახალგაზრდობის თეატრის შექმნა არ შეიძლება რამდენიმე

თვეში, — წერდა ლ. შარაშიძე, — თუნ-
დაც იმიტომაც, რომ მასში გაერთიანე-
ბულია არა პროფესიონალურ თეატრებ-
ში აღზრდილი ძალები, არამედ ფაბრი-
კა-ქარხნებიდან, კოლმეურნეობებიდან
და კომკავშირიდან მოსული ახალგაზრ-
დები, რომელთაც პირველად უნახავთ
თეატრის სცენა და რომლებმაც აქტიო-
რობა აქვე უნდა ისწავლონ. ამიტომ
გვინდა, რომ სერიოზული ნაკლის მიუ-
ხედავად, რომელიც აჭარისტანის მუშა
ახალგაზრდობის თეატრის მუშაობას
გააჩნია, ეს დადგმა („ჩვენი ქვეყნის ქა-
ლიშვილები“ — შ. ქ.) მაინც პირობით
გამარჯვებად ჩავთვალოთ“. კრიტიკოსს
აუცილებლად მიაჩნია საგანგებო ღო-
ნისძიებების განხორციელება დასის ახა-
ლგაზრდა მსახიობთა საერთო და „თეა-
ტრალური კულტურის შესათვისებ-
ლად“.

ხელოვნების თეორიის საინტერესო
პრობლემებს აღძრავდა ნიკოლოზ კან-
დელაკი ფართოდ გახმაურებული მხატ-
ვრული ფილმის „ჩაბავეისადმი“ მიძღვ-
ნილ სტატიაში „რწმენისა და სიხა-
რულის სანახაობა“. ეს სტატია არ
იყო ჩვეულებრივი რეცენზია, სადაც გა-
ნიხილავენ მსახიობთა თამაშს და ზოგად
შეფასებას აძლევენ ნაწარმოებს. ავ-
ტორს სხვა მიზანი ამოძრავებდა. მას
სურდა ცხადეყო „ჩაბავეის“ არნახული
გამარჯვების და საერთოდ მაღალი ხე-
ლოვნების ერთი უმთავრესი საიდუმ-
ლოება — შემოქმედის უნარი ამთვისე-
ბელი გამსჭვალოს იმავე სიხარულითა
და სიამოვნებით, რასაც თვითონ განიც-
დიდა ხელოვნების ნაწარმოების შექმნის
პროცესში. ამ უნარის მეოხებით მაღალ
ხელოვნებასთან შეხვედრისას თითქოს
იშლება ზღვარი შემოქმედსა და ამთვის-
ებელს შორის, „მაყურებელი წვდება
შემოქმედების უჩინარ ხლართებს, უახ-
ლოვდება ხელოვანის სულისკვეთებას“. ფილმის
„ჩაბავეის“ დემონსტრაციის
დროსაც ასე ხდება და აი ამიტომ იგი
ნიკოლოზ კანდელაკს მაღალი ანუ ქეშ-
მარიტი ხელოვნების ნიმუშად მიაჩნდა.
„განსხვავება თეატრსა და კინოს შორის,

— წერდა ავტორი, — რაც უმთავრესად
იმაში გამოიხატება, რომ თეატრში მა-
ყურებელი მსახიობის შემოქმედების
პროცესში განიცდის მხატვრულ ზეგავლენას,
ხოლო კინოში შემოქმედის ზეგავლენა
პროცესის შემდეგ. შეუმჩნეველია ამ
სურათში („ჩაბავეისი“ — შ. ქ.), რადგა-
ნაც მაყურებელი იმდენადაა სურათის
მიმდინარეობით დატყვევებული, რომ
მის წინაშე ცოცხალ ადამიანებს გრძნობს
და ავიწყდება კინოში რომ იმყოფება“
(„ლიტ. აჭარისტანი“, № 4).

„ლიტერატურული აჭარისტანის“ ერ-
თი დიდი ღირსება იყო, რომ არ იკეტე-
ბოდა „წმინდა“ ლიტერატურულ სამ-
ყაროში, ცდილობდა ფეხდაფეხ მიჰყო-
ლოდა ხალხის ცხოვრებას, აშკარად გა-
მოეხატა თავისი დამოკიდებულება ამა
თუ იმ საზოგადოებრივ-პოლიტიკური
მოვლენისადმი, სინამდვილისადმი. ნი-
შანდობლივია, რომ გაზეთის პირველი
ნომერი გამოვიდა 1935 წლის ექვს იან-
ვარს, სწორედ იმ დღეს, როცა მუშაო-
ბას იწყებდა აჭარის საბჭოების მეერთ-
მეტე ყრილობა. ამით მან ხაზი გაუსვა
თავის დაინტერესებას საზოგადოების
ცხოვრებით, ლიტერატორთა პასუხის-
მგებლობას პარტიისა და ხალხის წინაშე.
აჭარისტანის საბჭოთა მწერლების კავ-
შირის ორკვირეული ორგანოს — „ლი-
ტერატურული აჭარისტანის“ პირველი
ნომერი გამოდის დღეს, როცა იკრებება
აჭარისტანის ახალი ცხოვრების მშენე-
ბელთა XI ყრილობა. დღეს ერთხელ
კიდევ გამოიტანა საბჭოთა აჭარისტანმა
მისი მხატვრული შემოქმედების ერთი
ნაწილი ჩვენი მშრომელი მასების პი-
რუთვენელ სამსჯავროს წინაშე“, — წე-
რდა გაზეთი მოწინავე სტატიაში „ექვსი
იანვარი“ და დასძენდა, რომ მხოლოდ
„საბჭოთა ხელისუფლების უმაგალითო
წარმატების პირობებში“ მიეცა საშუა-
ლება აჭარის მშრომელებს ეზრუნათ
მხარის კულტურული აღორძინებისათ-
ვის.

ამ დებულებას ფაქტებით ადასტუ-
რებდა აჭარის განათლების სახალხო
კომისიის ილიას ქათამაძის სტატია „კუ-

ლტურული მშენებლობა აჭარისტანში“, რომელიც გაზეთმა იმავე ნომერში გამოაქვეყნა. „მხოლოდ 1921 წლიდან იწყება აჭარისტანის ეკონომიური და კულტურული აყვავება, — წერდა სახალხო კომისარი, — მხოლოდ საბჭოთა ხელისუფლების პირობებში მოიშუშეს აჭარის მშრომელებმა ძველი იარები და იწყეს თავისი ბედის თვითვე გამოჭედვა“. შედეგები მართლაც უმაგალითო აღმოჩნდა. თოთხმეტი წლის მანძილზე მხარემ ძირფესვიანად იცვალა სახე. „92 საწარმოო ერთეული, მათ შორის ცხრა-მეტი საკავშირო მნიშვნელობის, 73 ადგილობრივი, ნაცვლად ერთი და ორი პრიმიტიული როტშილდ-მანთაშევის ქარხნებისა — აი ჩვენი სიამაყე. 254 კოლმეურნეობა, ოცდაორი საბჭოთა მეურნეობა — აი ის, რამაც შესცვალა აჭარის სოფლები“, — წერდა ი. ქათამაძე.

ეკონომიურ აღორძინებას თან მოჰყვა უდიდესი ძვრა კულტურულ ცხოვრებაში, მოსახლეობის კულტურული დონის მკვეთრად ამაღლება. ამ მხრივ მეტად საინტერესოა ციფრები და ფაქტები, რომლებიც თავის სტატიაში მოაქვს ი. ქათამაძეს. „აჭარისტანი, — აღნიშნავდა იგი, — წერა-კითხვის უცოდინარი ქვეყანა იყო. მთელი აჭარა რომ შემოგვევლო, თითზე ჩამოთვლიდი წერა-კითხვის მცოდნეს. დღეს 70% წერა-კითხვის მცოდნეა, როგორც მამაკაცი, ისე დედაცა“. სახალხო კომისარის ცნობით, ნაცვლად 38 სკოლისა, რომელშიც 2.600 მოსწავლე ირიცხებოდა, 1935 წლის დამდევისათვის აჭარაში ყოფილა 340 სკოლა 25.120 მოსწავლით, 10 ტექნიკუმი, ორი მუშუაჯი, ერთი საფაბრიკო-

საქარხნო სწავლების სკოლა, 42 რადიო, წერტი. 12 კინო, 20 წითელი კუთხე, ქონ-სამკითხველოები, კლუბები, ~~ქვეყნული~~ ^{ქვეყნული} ოთეკები, გამოდიოდა რვა გაზეთი, ~~ქვეყნული~~ ^{ქვეყნული} სეზობდა სახელმწიფო გამომცემლობა, მწერალთა კავშირის აჭარის განყოფილება.

ფართოდ აღინიშნა „ლიტერატურული აჭარისტანის“ ფურცლებზე ლენინის დღეები, საქართველოში საბჭოთა ხელისუფლების დამყარების თოთხმეტი წლისათვის. ჩელუსკინელთა ლეგენდარულ ეპოპეას მიეძღვნა კ. ოროკელის ნარკვევი „გმირების სათარეშო“, რომელიც გამსჭვალული იყო პატრიოტული გრძნობით საბჭოთა სამშობლოსათვის, მისი გამარჯვების, მისი ადამიანების მაღალი ზნეობრივ-პოლიტიკური ღირსებისათვის.

ეს ორგანული კავშირი ცხოვრების მიმდინარეობასთან გაზეთის ყოველ ნომერში აშკარად ჩანდა და მის ძალას წარმოადგენდა. „ლიტერატურული აჭარისტანი“ მთელ საქართველოში ვრცელდებოდა და ბევრი მკითხველიც ჰყავდა (იბეჭდებოდა 4000 ეგზემპლარი). მიუხედავად ამისა, გაზეთმა თავისი წინამორბედი ლიტერატურული ორგანოების ბედი გაიზიარა, ორი თვის შემდეგ საცხებით მოულოდნელად არსებობა შეწყვიტა, შეწყვიტა ისე, რომ სარედაქციო კოლეგიას არავითარი განცხადება არ გამოუქვეყნებია. შეწყდა ქუთაისის ათლიური გაზეთის „სიტყვა და საქმე“ გამოცემაც. ასე, რომ 1935 წლის მარტიდან საქარველოში მარტო ერთი ლიტერატურული გაზეთი — „ლიტერატურული საქართველო“ გამოდის.



კანტელეიმონ პეტრენკო

როგორც ამაში ქვემოთ დავრწმუნდებით, პოეტისა და მთარგმნელის პანტელეიმონ ანტონის ძე პეტრენკოს (1908-1936 წ.) მხოლოდ წელს გახმაურებული ბიოგრაფია აქარსთანაც არის დაკავშირებული.

ბევრს უკვირს, რომ ჩვენგან 800 და 500 წლით დაშორებული რუსთველისა და შექსპირის ბიოგრაფიები თითქმის უცნობია, მაგრამ იშვიათად თუ ვინმე დაფიქრებულა იმაზე, რომ ასევე თითქმის არაფერი ან ძალიან მცირე რამ ვიცით, მაგალითად, ჩვენი უფროსი თაობის თვალწინ გარდაცვლილ ნ. ფიროსმანიშვილზე, რომელიც 1918 წლის 5 მაისს დაკრძალეს მისმა მეგობრებმა კუკიაზე, მაგრამ საფლავი უკვე დაკარგულია.

კიდევ უფრო ახალი ამბავია პეტრენკოს უდროოდ დაღუპვა, მის შესახებ ვერავითარ ცნობას ვერ იპოვით უკრაინულ საბჭოთა ენციკლოპედიაშიც კი.

რატომ? რედაქცია გიპასუხებთ: უკრაინელი პეტრენკო წერდა რუსულ ენაზე, მაშასადამე, ის რუსი პოეტია და მის შესახებ რუსულ ენციკლოპედიაში უნდა იყოს წერილი. მეორეცდა, მის ბიოგრაფიას არ ვიცნობთ...

რუსული ენციკლოპედიის რედაქტორები კი პირიქით გეტყვიან — პ. პეტრენკო უკრაინულ ენციკლოპედიაში უნდა ეწეროს, მისი ბიოგრაფია ჩვენ არც კი მოგვეპოვებოდაო.

„ვეფხისტყაოსნის“ ცნობილსა და

ერთ-ერთ საუკეთესო მთარგმნელს, ვინც არ უნდა იყოს იგი ეროვნებით, ქართული ენციკლოპედია გვერდს ვერ აუღლის, მით უფრო, რომ იგი პოეტი და მხატვარიც იყო, უკრაინაში, რუსეთსა და საქართველოშიც ცხოვრობდა და წერდა.

ამიტომ იყო, რომ პირველად ჩვენ გამოვაქვეყნეთ თუ არა წერილები პ. პეტრენკოს ცხოვრებისა და მოღვაწეობის შესახებ უფრო ალტერატიურია „ერუზიას“ (1969 წ. № 1) და გაზ. „ლიტერატურულ საქართველოში“ (1969 წ. 11 აპრილი), მათ მაშინვე გამოეხმაურა ქართულ-რუსულ-უკრაინული პრესა, მეტიც — მეორე წერილი ითარგმნა და დაიბეჭდა გაზეთ „ლიტერატურა უკრაინაში“ (1969 წ. 1 მაისი), ჩვენს ორივე წერილს თავისი სიტყვა დაუმატა საბჭოთა კავშირის სახალხო მხატვარმა, პროფესორმა სერგო ქობულაძემ („ლიტერატურული საქართველო“, 1969 წ. 9 მაისი). უკრაინიდან იწერებოდნენ, რომ ქართველი ავტორის წერილმა დღემდე უცნობ უკრაინელ პოეტ პანტელეიმონ პეტრენკოზე „დიდი ინტერესი გამოიწვია კარპატებიდან შავ ზღვამდე მცხოვრებ უკრაინელებში“ („ლიტერატურული საქართველო“, 1969 წ. 9 მაისი).

შემდეგ ჩვენვე პ. პეტრენკოზე კიდევ ერთი წერილი გამოვაქვეყნეთ გაზ. „ვეჩერნი თბილისში“ (1969 წ. 21 ივნისი). აქვე დაიბეჭდა პ. პეტრენკოს მიერ

ბათუმში დაწერილი ერთ-ერთი საუკეთესო ლექსი „დედა“ (10. VII. 1932 წ.).

პეტრენკოს შემოქმედებითი ცხოვრება უკრაინაში დაიწყო. 1931 წლის 19 ივლისიდან 1932 წლის 28 აგვისტომდე იგი ბათუმში იმყოფება. შემდეგ ის არის ჩაქვში. ნოემბრის შუა რიცხვებში ისევ ბათუმში ჩანს. იმავე წლის დეკემბრის 10-დან კი თბილისში იმყოფება და ძირითადად აქ ცხოვრობს სიცოცხლის უკანასკნელ დღემდე.

ავტორის გამოუქვეყნებელ ლექსთაგან 100-მდე ლექსი მას ბათუმსა და ჩაქვში დაუწერია. ამიტომ ვფიქრობთ, რომ ცნობები პ. პეტრენკოს ცხოვრება-მოდერნიზმის შესახებ საინტერესო იქნება ჟურნალ „ლიტერატურული აპარის“ მკითხველთათვის.

ჩვენ ხელთ არსებული საარქივო მასალების მიხედვით, პ. პეტრენკო 1908 წელს დაბადებულა უკრაინაში.

მომავალი პოეტის მამა ანტონ პეტრენკო და დედა ანა ტიხონის (უფრო ზუსტად ვეტხის) ასული კუდილენკო-პეტრენკო მასწავლებლები ყოფილან.

ანა პეტრენკოს სიტყვებით, მას და ანტონ პეტრენკოს რომ ჯვარი დაუწერიათ, მეორე დღესვე დილით მასთან მისულა ახალგაზრდა ლამაზი ქალი რამდენიმე თვის ბავშვით. ქალს ანასათვის უთხოვია: ნუ დიდებ ამ ბავშვის ცოდვას, მამას ნუ ართმევო.

ანა საერთოდ მტკიცე ნებისყოფის ქალი ყოფილა. — ანტონს ცოლშვილის შესახებ ჩემთვის არაფერი უთქვამს, მაშ, მომბატყულია არა, მასთან არ ვიცხოვრებ — ვადაუწყებთა და მართლაც მას სამუდამოდ განშორებია.

ანას შვილი შესძენია და ისე აღზარდია, რომ ყოფილი ქმრისაგან დახმარებაც კი აღარ მიუღია. დედა ისე ველაბობდა შვილს თავზე, რომ ზოგჯერ სკოლაშიც არ უშვებდა, — თვითონ უხსნიდა შინ გაკვეთილებს, უკითხავდა ხალხურ ზღაპრებსა და საბავშვო მოთხრობებს. შემდეგ დედა-შვილი (მეხუთე კლასიდან) ერთად კითხულობდნენ უკრაინული,

რუსული და ევროპული ლიტერატურების კლასიკურ ნიმუშებს, განსაკუთრებით ყოფილან გატაცებულნი შვეიცარიის პოეტის, პუშკინის, ლერმონტოვის, გოგოლის პოეზიითა და შექსპირის დრამებით.

დედა პანტელეიმონს ტოსიას ეძახდა. თვითონ პანტელეიმონი კი თავის თავს ლექსებში აბელ პიპუარს უწოდებს.

ანასათვის თბილისში პირველ მასპინძლებს უკითხავთ, როგორ მოგმართოთ.

— ბებია მიწოდეთ და გათავდა, — უპასუხია მას.

თბილისშივე ერთ გარეშე პირს პანტელეიმონისათვის უკითხავს, რა გქვიათო, და პასუხად მიუღია:

— თქვენთვის სულ ერთი არაა, რა გქვია? მიწოდეთ ორშაბათი. გაიგეთ? ორშაბათი..

ჩანს, რომ ბევრი რამ იყო საერთო დედასა და შვილს შორის ხასიათშიც.

როგორც ითქვა, დედა-შვილი 1931 წელს ჩამოსულან ბათუმში. შემდეგ თბილისში გადმოსულა ჯერ დედა, რომელსაც მუსიკის პედაგოგ გ. ნ. მაკუგარინთან და მის დასთან ბაბოსთან უცხოვრია. თითქმის ერთი წლის შემდეგ ანა პეტრენკო ვეჟილისა და მთარგმნელის შალვა ქართველიშვილის (ივანე მაჩაბლის ვაჟი) და მისი მეუღლე ელენე ზაქარაძე-ქართველიშვილის ოჯახშია. შალვა დახმარებია ანას შვილის გადმოყვანაში.

თბილისში ყმაწვილს საკუთარი ლექსებითა და ნახატებით მასპინძელთა ყურადღება მიუპყრია. ოჯახში ხშირად იყო ლაპარაკი „ვეფხისტყაოსნის“ თარგმანის შესახებ. პ. პეტრენკოს შალვასათვის უთხოვია, „ვეფხისტყაოსნის“ რუსული პუკარედი მაშოვინით. შალვას თვითონ გაუკეთებია 12-17 სტროფების პუკარედი. პ. პეტრენკოს უთარგმნია ნამუშევარი ძირითადად მოსწონებია შ. ქართველიშვილს და მთარგმნელი თავის მეგობარ კონსტანტინე ჭიჭინაძისათვის გაუცნია. ეს უკანასკნელიც მამობრივი მზრუნველობით მოპყრობია ახალგაზრდას, ხსენებული ხუთი სტროფის თარგ-

მანიც გაუქმობესებით და საქმე განუ-
გრძობთ.

თარგმანის პირველი ნიმუში დაიბეჭდა
კიდეც გაზეთ „ნა რუბეეე ვოსტოკაში“
(1934, X. 23, № 18/21, გვ. 1).

„ვეფხისტყაოსნამდე“ პ. პეტრენკოს
უთარგმნია რამდენიმე ქართველი პოეტი
რუსულ ენაზე, ფრანგი პოეტები ბოდ-
ლერი, ვერლენი, ჟაკობა, რემბო, სალმო-
ნა, სუპო და სხვები კი — უქრანულ
ენაზე.

აქვე უნდა ვთქვათ, პ. პეტრენკო ძა-
ლიან მგრძობიარე, მოაზროვნე **ორიგი-
ნალური** პოეტი და მწერალიც იყო.

ჩვენს მწერალთა კავშირში „ვეფხის-
ტყაოსნის“ რუსული თარგმანების შესა-
ხებ მოხსენებით გამოვიდა კ. ჭიჭინაძე
(1935 წ. 5 ნოემბერი). გ. ცაგარელის, ს.
ყანჩელისა და სხვ. თარგმანთა ნიმუ-
შებს ცნობილი მსახიობები კითხულო-
ბდნენ. ბოლოს პ. პეტრენკომ თვითონ
წაიკითხა მის მიერვე თარგმნილი რამ-
დენიმე სტროფი და ფურორი მოახდინა.

თარგმანის ნიმუშს ცნობილ ალ. სვა-
ნიძემდე მიუღწევია. მას იგი ი. ბ.
სტალინისათვის გაუცნია და მასაც მოს-
წონებია.

როგორც შ. ნუცუბიძე მოგონებებში
აღნიშნავს, შემდეგაც უთქვამს ი. ბ.
სტალინს: „დღემდე მე ვიცნობდი „ვე-
ფხისტყაოსნის“ პეტრენკოსეულ კარგ
თარგმანს“ (გაზ. „ლიტერატურული სა-
ქართველო“, 1969 წ. № 15).

პ. პეტრენკოსა და კ. ჭიჭინაძის ერ-
თობლივი მუშაობა კიდეც უფრო ინტე-
ნსიურად და მეტი ხალისით წარიმართა.
ამის შედეგია, რომ გამოიცა „ვეფხის-
ტყაოსნის“ პ. პეტრენკოსეულ თარგმა-
ნი კ. ჭიჭინაძის მონაწილეობითა და რე-
დაქციით, აკად. ი. ორბელის წინასიტყ-
ვაობითა და რედაქტორობით (მოსკოვი-
ლენინგრადი, 1938 წ.) მასში 1601-ის
შემდეგი სტროფები თარგმნილია ბ.
ბრიკისა და კ. ჭიჭინაძის მიერ.

ესაა რუსთაველის ქმნილების ერთ-
ერთი საუკეთესო თარგმანი რუსულ
ენაზე. მეტიც, მხატვრული ღირსებებით,
განსაკუთრებით კი ეპიკური ლექსის

რუსული ვერადობით, ესაა საუკეთესო
თარგმანი კ. ბალმონტის არაზუსტი თარ-
გმანის შემდეგ და უზუსტესი თარგმანი
ნი შ. ნუცუბიძის თარგმანის შემდეგ.
ბით.

„ვეფხისტყაოსნის“ ხსენებული რუ-
სული გამოცემა, რომელიც განახორციე-
ლეს ი. ორბელმა და ამ სტრუქტურის
ავტორმა, ტექნიკურადაც შესანიშნავა-
დაა გაფორმებული: ძვირფას ყდაში ჩას-
მული, უმაღლესი ხარისხის ქაღალდზე
ნაბეჭდი თაბახები ილუსტრირებულია
ჩვენი სახელოვანი მხატვრის ს. ქობუ-
ლაძის მიერ, რომელიც მთარგმნელე-
საც კარგად იცნობდა და პ. პეტრენკოს
დედისა და მეგობრების ზოგი ფოტოსუ-
რათიც შემოგვინახა.

„ვეფხისტყაოსნის“ ხსენებული თარ-
გმანის მეტი რომ არაფერი გაეკეთებია
პ. პეტრენკოს, მისი სახელი მაინც უკე-
დავი იქნებოდა.

მაგრამ პ. პეტრენკომ თარგმნა არა
მხოლოდ „ვეფხისტყაოსანი“, არამედ
ბესიკის, საიათნოვას, თანამედროვე ქარ-
თველი, აზერბაიჯანელი და სომეხი პოე-
ტების ლექსებიც რუსულ ენაზე.

ერთ-ერთ თავისი უბის წიგნში გალა-
კტიონ ტაბიძე წერს: მე შეუძლიან მთა-
რგმონ პასტერნაკმა და პეტრენკომ...

პ. პეტრენკო ისე დაუახლოვდა გალაკ-
ტიონს, რომ ის უბის წიგნაკში უწერს
მას ლექსებს.

ახალგაზრდა პოეტი 1933 წელს თბი-
ლისიდან მშობლიურ კიევის გაემგზავრა.
იქ ვერ დარჩა, მოსკოვს გასწია, ვერც იქ
გაჩერდა; მან ყველაზე მეტი სითბო თბი-
ლისში იგრძნო და მას მოაშურა...

როგორც ზემოთაც ითქვა, პ. პეტრენ-
კო არა მხოლოდ მთარგმნელია, არამედ
ფრიალ **ორიგინალური პოეტიცაა**. ჩვენს
განკარგულებაშია მისი მრავალი ლექსი,
ზოგიერთი პოემა და შესანიშნავი მიმო-
წერა (უქრანულ და რუსულ ენებზე).
რიგი მათგანი უეჭველად ღირსია გამო-
ცემისა.

1 იხ. მისი წერილი ალ. სვანიძის შესა-
ხებ ჟურნალ „მნათობში“, 1962, № 8,
გვ. 163-168.

პ. პეტრენკოს ხატვაც ემარჯვებოდა. მაგალითად, მან 1933 წელს მოხატა „მისი მფარველის“ (როგორც ის მას უწოდებს) ელენე ბაქრაძე-ქართველიშვილის საძინებელი ოთახი, 1934 წელს მანვე მოხატა ელენეს დის ვერა ბაქრაძის ოთახი და ცალკე კაბინეტი პოეტ ვალერიან გაფინდაშვილისა. პეტრენკომ შექმნა მასთან დაახლოებული ქართველი პოეტების, მწერლებისა და ჟურნალისტების პორტრეტები. მაგალითად, შესანიშნავია მის მიერ შესრულებული დიდი პორტრეტი მწერალ ბარზოვისა.

მიმოწერის გადარჩენილი ნაწილიდან ჩანს, რომ პ. პეტრენკოს, როგორც პოეტს, დიდად აფასებდნენ პოეტები ანდრეი ზელი, პასტერნაკი, ტინიანოვი, იური ოლენა, რევისორი მეიერჰოლდი, თეატრალი ტატიანა რეიხი და სხვ. მაგ., პ. პასტერნაკი შუამდგომლობს საქართველოს მწერალთა კავშირის წინაშე, რომ თარგმანები, რომლებიც უკვე გაფორმებული ხელშეკრულებით პასტერნაკმა უნდა შეასრულოს, პეტრენკოს გადაეცეს, რათა უკანასკნელს საარსებო პირობები გაუუმჯობესდეს. ერთი წერილის მიხედვით, პასტერნაკი პ. პეტრენკოს ახალ რემზოს უწოდებს, ოლენა კი — მსოფლიოს პირმშოს, მეიერჰოლდი სხოვს კრიტიკოს ბესარიონ ჟღენტს, პ. პეტრენკოს ხელი შეუწყვეთ.

მართლაც შეექმნა პ. პეტრენკოს საარსებო პირობები თბილისში და კ. ჰიკინაძესთან ერთად „ვეფხისტყაოსნის“ შემოხსენებულ თარგმანს ამთავრებდა. რომ 28 წლის უდავოდ ნიჟიერი, ტიტანური შრომის ამტანი კაცი 1936 წლის აპრილის ბოლოს თუ მაისის დასაწყისში ბრმა შემთხვევისა და საკუთარი დუღევრობის მსხვერპლი გახდა. იგი

თქემიან დამეში, მაშინ ჯერ კიდევ მთავრებულ ჩელიუსკინელებს გადაიჭრა. ამობრჭრებულმა მტკვრის ტალღებმა ისე შთანთქმეს, თუგუნველნი დავად ხანგრძლივი ძებნისა, მისი გემის აღმოჩენაც კი არ მოხერხდა...

ვაუბედურებული დედა — ანა კულე, ლენკო-პეტრენკო თბილისშივე გარდაიცვალა და დაიკრძალა თბილისის პეტრე-პავლეს სასაფლაოზე. ჩვენ დიდხანს ვეძებდით ამ საფლავს. დაბოლოს მივაგენით მას. ნაბლად ჩანს, რომ საფლავის ძეგლზე მიცვალეზულის სურათიც ყოფილა. ახლა ის ამოტეხილია. წარწერა რუსულ ენაზე კი გადარჩენილია: „აქ განისვენებს ანა ვეტიხის ასული პეტრენკო, დედა პოეტ პენტელეიმიონ პეტრენკოსი, რუსთაველის პოემის მთარგმნელისა. 18.VI-1875 — 19.22.XII.38“.

დავადგინეთ ისიც, რომ თბილისში უკანასკნელად პ. პეტრენკო ლესელიძის ქ. № 32-ის ზემო სართულში ცხოვრობდა.

ქართველი და უკრაინელი ხალხების ხანგრძლივი მეგობრობა, დავით გურამიშვილისა და ლესია უკრაინკას დეაფლი, თვით პ. პეტრენკოს დამსახურება იმის საფუძველს იძლევა, რომ ჩვენი მწერალთა კავშირის თაოსნობით აღინიშნოს პ. პეტრენკოს დაბადების უახლოესი მრგვალი თარიღი, თბილისის ერთ ქუჩას ეწოდოს პ. პეტრენკოს სახელი, სახლზე, რომელშიც უკანასკნელად ცხოვრობდა პ. პეტრენკო, მოეწყოს მემორიალური დაფა, გამოიცეს პ. პეტრენკოს რჩეული ნაწერების კრებული პოეტის ბიოგრაფიითა და მასალებით, განახლდეს პ. პეტრენკოს დედის შემოხსენებული საფლავი.

პ. პეტრენკო

დ ე დ კ

დიდი ხანია, დედაც, ახლოს აღარ მეგულები, კეთილო ჩემო, საყვარელო, ობროდის დედაც, ვიგონებ ყველას, მოკეთებებს მოშორებულნი. შენზე კნაღვლობ და შენ მაკლიხარ ყველაზე მეტად.

გამოჩნდებოდი ხოლმე მუდამ გაოცებული
და გაქრებოდი ისევ მალე გაკვირვებულ
და ლოცულობდი ხატების წინ დაოქებული,
შვილს ავედრებდი არსთ გამოჩვევს მხურვალე გულით.

ყოველთვის გიღვავ უზილავი მძიმე უღელი
შენ, მოფესფესე ტიანჭველავ, კეთილო ჭუჭავ-
მე განზე ვიდექი, მაწამებდა გულის დუღილი.
შენ ჩემს ოცნებებს დარაჯობდი, ადექი ბურჯად.
არ მასწავლიდი არასოდეს ცხოვრებას ნამდვილს —
ივლისახვევას, ვერაგობას, სიცრუეს, ღალატს.
მადლობა შენდა, საყვარელო, ათასი მადლი,
რომ დღეს ხვალინდელს არ უხდი ღალას,
ჩემი ვარსკვლავი სწორედ მიტომ ეღვარებს ასე,
რომ შენი ხელით გააბრწყინე ჩემს გულში იგი,
საბრალო ჭუჭავ, შენ სომ გსურდა დიდების ცაზე
შენი ბიჭუნა ღირსებოდა ოდესმე გვირგვინს.
შენ პოეზიობდი შვილს, დაკარგულს ბნელში ნემსივით,
იჲ, სადაც ჩენებრ რიგიანი კაცი არ დადის.
შინა ფიქრების კრაზანები იმ დროს მესია,
დროს ვპოეზიობდი და საკუთარ ქესტს მიემართავდი.
აფიკვიატე ჭირვეული მოჩვენებანი
და გადავიქეცე ბოლოს ცოცხალ უცნაურობად.
ბურანში ყოჯის არსი უფრო ნეტარად ვცანი,
ვიდრე ნამდვილი მგლის ხროვის და ცხვრის ფარის როყვა,
ცხოვრობდი, რომ შე მეაზროვნა, ვით ალქიმიკოსს,
რათა შემეჭმნა არარსებულ ყოფის რეცეპტი.
სიხარულისთვის, ყოველთვის რომ საეჭვო იყო,
წლობით ვიწვოდი და ამაოდ საშველს ვეძებდი.
და ამიტომაც შეეჩვიე შენ გაოცებას
და წარბებიც ხომ მიტომა გაქვს შეხრილი მარად.
იქნებ მოალბონ ღვთისმშობელი შენმა ლოცვებმა
და მოევლინოს შენს „უბედურ“ შვილს მწედ და ფარად.
მჯერა რომ ბოლოს გაგიღიმებს წმიდათა წმიდა,
უნეტარესი, გულმოწყალე ლტოლვილთა დედა,
ვარსკვლავი იგი ბეთლემისა იელვებს ციდან
და მხიარული დაგვადგება თავს ნათლის სვეტად.

ბათუმი, 10/7-32 წ.

თარგმნა ბიორგი სალუშვაძემ.



ქართული წიგნი

ქართველი ხალხის მდიდარი ტრადიციები თაობიდან თაობას გადაეცემოდა ხელნაწერი წიგნების საშუალებით.

როგორც ცნობილია, წიგნის გადაწერლობა საქართველოში უძველესი დროიდან გარკვეული სპეციალობა იყო. გადამწერს კარგი შემოსავალი ჰქონია და გაფორმებული წიგნი ძვირადღირებული იყო. აკადემიკოს ივ. ჯავახიშვილის ცნობით, XI საუკუნის ერთ-ერთ სიგელში ასეთი მინაწერი იკითხება: „ვიყიდე წიგნი პარაკლიტონი და ფასად მივეც ცხენისა ნახევარი“. ქართული ეკლესია-მონასტრები, რომელთა ქსელი ჩვენი ქვეყნის ფარგლებს გარეთაც ფართოდ იყო გაშლილი, დაუღალავად იღვწოდნენ წიგნის გადაწერისათვის. ასევე დაუცხრომელი სამწიგნობრო საქმიანობა იყო გაჩაღებული ცალკეულ ოჯახებში. ამ გზით მოაღწია ჩვენამდე შოთას „ვეფხისტყაოსანმა“, „ქართლის ცხოვრების“ ვარიანტებმა და ეროვნული კულტურის სხვა ბრავალმა ღირსშესანიშნავმა ძეგლებმა.

ევროპაში პირველი ნაბეჭდი წიგნები XV საუკუნის შუა წლებში გამოიცა, ხოლო პირველი ქართული ნაბეჭდი წიგნი გამოვიდა რომში XVII საუკუნეში. მხოლოდ 80 წლის შემდეგ გახდა შესაძლებელი საქართველოში დაბეჭდილიყო პირველი ქართული წიგნი.

რატომ მოხდა, რომ პირველი ქართული ნაბეჭდი წიგნი გამოიცა არა საქართველოში, არამედ მის ფარგლებს გარეთ, კერძოდ იტალიაში?

XVII საუკუნიდან საქართველოთ

განსაკუთრებით დაინტერესდნენ იტალიელი მისიონერები, რადგან საქართველო ერთგვარი ხიდი იყო იტალიის სავაჭრო-ეკონომიური და პოლიტიკური მიზნების განხორციელების გზაზე. ახლო აღმოსავლეთში გავლენის გასაძლიერებლად იტალიელები საქართველოსთან კულტურული ურთიერთობის საფარით პოლიტიკურ მიზნებს ისახავდნენ.

ვატიკანის გავლენის სფეროებად აღმოსავლეთის ქვეყნების გადაქცევის ემსახურებოდა მისიონერების გამოგზავნა საქართველოში, რომლებიც ამავე დროს იტალიის სავაჭრო კაპიტალის ერთგვარი აგენტები იყვნენ. მათ ოფიციალურად ევალებოდით კათოლიკური სარწმუნოების ქადაგება ქართველ ხალხში. ამ მიზნის შესასრულებლად კი აუცილებლად უნდა ცოდნოდათ ქართული ენა. საჭირო იყო ამ ენაზე წიგნების გამოცემა. ამიტომ XVII საუკუნის დამდეგისათვის პაპმა ურბან VIII იტალიელ გამომცემლებს მისცა ქართულ-იტალიური ლექსიკონის, წიგნებისა და სათანადო სახელმძღვანელოების დაბეჭდვის ნებართვა. და აი ვატიკანის მისიონერებმა ქართული წიგნის გამოცემისათვის პირველივე შემთხვევა გამოიყენეს. 1627 წელს, რომში ჩავიდა თეიმურაზ პირველის ელჩი, ცნობილი ქართველი მოღვაწე, დიდად განათლებული ადამიანი ნიკოლოზ ომანის ძე ირუბაქიძე-ჩოლოყაშვილი ანუ ნიკოლოზ ირბაქი, რომელმაც პაპს მიუტანა საქართველოს მეფის წერილი. სარწმუნოების გამავრცელებელი საზოგადოების გამგის აქილ ვენერიოს

გადმოცემით, სწორედ ამ წერილიდან ამოუკრეფიათ მისიონერებს ასოები და ნიკოლოზ ჩოლოყაშვილის (ირბაქის) ხელმძღვანელობით ჩამოუსხამთ ქართული შრიფტები. მისი ინიციატივითვე 1627 წელს დაარსებულა რომში პირველი ქართული სტამბა.

ნიკოლოზ ირბაქი კარგახანს დარჩენილა რომში, სადაც საქმად შეუსწავლია იტალიური ენა, ხოლო თავის მხრივ იტალიის ცნობილი საზოგადო მოღვაწის სტეფანე პაოლინისათვის უსწავლებია ქართული ენა, შემდეგ ორივეს დაუწყია ქართულ-იტალიური ლექსიკონის შედგენა, რომელიც ძირითადად გაფაღის-წინებული იყო მისიონერთა დასახმარებლად. 1629 წელს სარწმუნოების გამაგრცელებელი საზოგადოების ქართულ სტამბაში დაიბეჭდა პირველი ქართული წიგნი — „ქართულ-იტალიური ლექსიკონი“¹, შედგენილი სტეფანე პაოლინის მიერ. ამ წლიდან იწყება ქართული ნაბეჭდი წიგნის ისტორია.

ლექსიკონის დასაწყისში აუნუსხავ გვერდებზე ვკითხულობთ აქილ ვენერიოს მიმართვას პაპ ურბან VIII-სადმი. წიგნის პირველი და მეორე გვერდი უჭირავს ქართულ-იტალიურ ანბანს. ყოველი ქართული ასოს გასწვრივ დაბეჭდილია იტალიური შესატყვისი თავისებური ბეგრითი განმარტებით. ლექსიკონში სულ სამი ათასი ქართული სიტყვაა. წიგნში შესული იტალიური სიტყვები ანბანზეა დალაგებული, ხოლო ყოველი ქართული სიტყვის შესატყვისის მოსაძებნად მითითებულია გვერდი და სტრიქონი. წიგნი შეიცავს 178 გვერდს. სამწუხაროდ, ლექსიკონში ბევრი შეცდომაა. ეს იმიტომ, რომ წიგნის ბეჭდვისას ნიკოლოზ ჩოლოყაშვილი (ირბაქი) არ იმყოფებოდა რომში, ის რომიდან წავიდა 1628 წლის დეკემბერს.

ქართულ-იტალიური ლექსიკონის გამოსვლის შემდეგ რომში დაიბეჭდა „ქა-

რთული ანბანი ლოცვებითურთ“² პირველი შვიდი გვერდი უჭირავს ქართულ მხედრულ ანბანს, დანარჩენი დაბეჭდილია ლოცვები. ათი მცნება და ღვთისმშობლის საგლობელი.

ფრიად საყურადღებოა რომში გამოცემული მესამე ქართული წიგნი „ქართული გრამატიკა“ (1643 წ.), რომლის ავტორია იტალიელი მისიონერი ფრანცისკო-მარია მაჯიო. მას რვა წელი უცხოვრია საქართველოში და კარგად შეუსწავლია ქართული ენა. მარია მაჯიოს „ქართული გრამატიკა“ მეორედ, 1670 წელს გამოიცა ოდნავ შეცვლილი სახელწოდებით: „წიგნში მოცემულია ქართული ხელისა და მართლწერის ანალიზი, ქართული დამწერლობის სამი სახე: მხედრული, მრგოლოვანი და ხუცური. გრამატიკის ბოლო ნაწილი მოიცავს სიამხურ-ქართულ და არაბულ-ქართულ ანბანს, ეტიმოლოგიას და სინტაქსს.

მეოთხე ქართული წიგნი რომში დაიბეჭდა 1681 წელს, ეს იყო ცნობილი იტალიელი მქადაგებლის პატრ ბერნანდო მარიაშის „ქართლის მხედრული ენით“ თარგმნილი კარდინალ ბელრამინოს იტალიური ნაწარმოები „საქრისტიანო მოძღვრება სიმეოლობით დარიგებული“.

ზემოხსენებული ქართული წიგნების ტექსტებში შრავალი შეცდომაა. მიუხედავად ამისა, ამ გამოცემებს თავის დროზე დიდი მნიშვნელობა ჰქონდათ. დასავლეთმა ევროპამ, კაცობრიობის ამ ახალმა კულტურულმა ცენტრმა, მათი წყალობით პირველად გაიცნო ქართული ენა.

ქართული ნაბეჭდი წიგნის შემდგომი ისტორია დაკავშირებულია გამოჩენილი პოეტისა და მეფის არჩილ მეორის სახელთან. პოლიტიკური ვითარების გამო რუსეთში გადახვეწილი არჩილი მოსკოვში დაუკავშირდა დასავლეთ ევროპის

1. წიგნის ერთ-ერთი ეგზემპლარი დაცულია კ. მარქსის სახ. საქართველოს რესპუბლიკურ ბიბლიოთეკაში.

2. წიგნი ინახება კ. მარქსის სახელობის საქართველოს რესპუბლიკურ ბიბლიოთეკაში.

განათლებულ პირებს. ერთ-ერთი მათგანის შემწეობით ამსტერდამში გააქვებინა ქართული შრიფტი და პეტრე პირველის ნებართვით 1705 წელს მოსკოვის სინოდის სტამბასთან მოწყობილ ქართულ წიგნსაბეჭდავში დაბეჭდა „დავითნი“.

XVIII საუკუნის პირველი ნახევრისათვის საქართველოში საკმაოდ განვითარდა წიგნების ბეჭდვა. ამ პერიოდში მეფისა და პოეტის ვახტანგ VI-ის მზრუნველობით თბილისში დიდ კულტურულ-საგანმანათლებლო საქმიანობას ჩაეყარა საფუძველი. ამ საქმეში ვახტანგ VI-ის უახლოესი თანამოღვაწე იყო დიდი ქართველი მწერალი სულხან-საბა ორბელიანი. აღსანიშნავია, რომ ვახტანგ მეფემ თბილისში საგანგებოდ ააგო სტამბის სახლი, რომლის გამართვაში დიდი დახმარება გაუწია რუმინეთის გამოჩენილმა მოღვაწემ ეროვნებით ქართველმა ანთიმოზ ივერიელმა (1650-1717). ვახტანგ VI-ის თხოვნით თბილისში სტამბის გასამართვად ანთიმოზმა გამოგზავნა თავისი უნგროვლახელი მოწაფე მესტამბე მიხაილ იშტენაოვიჩი (მიხეილ ვალახი).

ვახტანგ VI-ის ინიციატივით დაარსებული სტამბა პირველი ეროვნული სტამბა იყო არა მარტო საკუთრივ საქართველოში, არამედ მთელ ამიერ და იმიერკავკასიაში.³ 1712 წელს ამ სტამბაში

3. წიგნის სტამბური ბეჭდვის ტრადიციამ მე-19 საუკუნის დამდეგს საქართველოდან გავრცელება იწყო მეზობლად მდებარე აღმოსავლეთის ზოგ ქვეყანაში. 1823 წელს თეირანში პირველი ეროვნული სტამბა ტყვის მოძრავი შრიფტით დააარსა ირანის შაჰის კარზე მიღებულმა მუათმადულ დავლად წოდებულმა ქართველმა მანუჩარ-ხან გურჯამა. ასევე 1829-1830 წლებში ერაყის დედაქალაქ ბაღდადში პირველი ეროვნული სტამბა გამართა მუჰამედ ბაქირ თბილისელად წოდებულმა ქართველმა მამულაშვილმა, როდესაც ამ ქვეყნის სათავეში იდგა ქართველი მამულქი დაუდ-ფაშა მანველაშვილი - ბაჩილაშვილი.

შხედრული შრიფტით პირველად დაბეჭდა შოთა რუსთაველის უკუდავიწყებული ფისიტყაოსანი“ ვახტანგ VI-ის ნებართვით.

სულ ვახტანგ VI-ის სტამბაში 1709-1722 წლების განმავლობაში გამოიცა ოცი სახელწოდების წიგნი.

მე-18-ე საუკუნის პირველი მეოთხედის დასასრულისათვის სულხან-საბა ორბელიანის თაოსნობით რომში სსსწავლებლად გაიგზავნა 23 წლის გორელი ახალგაზრდა ტულუქაანთ დავითა. 1724 წელს დავითი შევიდა კოლევში. ენერგიული მუშაობის შედეგად 1732 წელს მან საუცხოოდ დაიცვა საჯარო დისერტაცია ფილოსოფიაში. ერთი წლის შემდეგ კი მღვდლად ეკურთხა ლათინურ ტიბიკინზე და კაპუცინებთან შევიდა ბერად.

ტულუქაანთ დავითამ თავისი მოღვაწეობის მოკლე მანძილზე ბევრი სასარგებლო საქმე გააკეთა. მან აღადგინა და განაახლა ქართული სტამბა რომში, შეადგინა საეკლესიო წიგნი „საქრისტიანო მოძღვრება გინა წურთვანა“ შეიღდა საიდუმლოთა ზედა“, რომელიც მანვე თარგმნა იტალიურ ენაზე. დავითი გარდაიცვალა 1734 წელს. მისი სიკვდილის შემდეგ ერთმა ქართველმა კათოლიკე მღვდელმა იკისრა მისი შრომების გამოცემა, მაგრამ მხოლოდ „საქრისტიანო მოძღვრება“ დაუბეჭდეს 1741 წელს.⁴

საქართველოში წიგნის ბეჭდვის კარგი პირობები ხანგრძლივი არ გამოდგა. ჯერ ვახტანგ VI-ის პოლიტიკურმა ტრადიციამ, ხოლო შემდეგ ჩვენი ქვეყნის საერთო პოლიტიკურმა ბედუქუდმართობამ ბოლო მოუღო პირველ ქართულ ეროვნულ სტამბას. როგორც ცნობილია, 1724 წელს ვახტანგ VI შინაური და საგარეო მდგომარეობის გართულების გამო იძულებული გახდა მრავალრიცხოვანი ამალით რუსეთში გადახვეწილიყო იმ იმედით, რომ რუსეთის დახმარებით თავიდან მოიშორებდა სამ-

4. წიგნის ერთ-ერთი ეგზემპლარი ინახება აკ. წერეთლის სახელობის აქარის რესპუბლიკურ ბიბლიოთეკაში.



შობლოს მტრებს. ვახტანგის ამაღლაში შედიოდნენ მაშინდელი მოწინავე ქართველი მოღვაწეები, მათ შორის მრავალჭირვადახდილი სულხან-საბა ორბელიანი.

რუსეთში გადახვეწილ ქართველებს, მიუხედავად მძიმე პირობებისა, იქაც არ შეუწყვეტიათ ზრუნვა ქართული სტამბის აღდგენისათვის, რომელსაც ჯერ კიდევ არჩილ მეფემ ჩაუყარა საფუძველი.

1737 წლიდან მოსკოვში გამოვიდა თერთმეტი სახელწოდების სქელტანიანი ქართული წიგნი. აქ სასტამბო-საგამომცემლო საქმიანობას სათავეში ედგნენ იოსებ სამებელი, ქრისტეფორე გურამიშვილი (ჩვენი დიდი პოეტის დავით გურამიშვილის ძმა), მეფის ძენი ბაქარი, ვახუშტი და სხვ. 1755 წელს ქართული სტამბა პეტერბურგის სამეცნიერო აკადემიის გამომცემლობაში გადაიტანეს. 1762 წლიდან ქართული წიგნის ბეჭდვა განახლდა მოსკოვის სტამბაში. ქართული წიგნი იბეჭდებოდა სხვადასხვა დროს კრემენჩუგში, მოსკოვში, ვენეციაში, პარიზში, ლონდონში, კონსტანტინეპოლში...

რაც შეეხება ქართული სტამბის ბედს თვით საქართველოში ვახტანგ VI-ის მოღვაწეობის შემდეგ, შემოსეულმა მტრებმა იგი დაუნდობლად დაარბიეს.

ქართული სტამბა ნანგრევებიდან აღდგა 1749 წელს მეფე ერეკლე მეორის თაოსნობით. ქართული წიგნების ბეჭდვა-გამოცემაში დიდი დავალი მიუძღვის ქრისტეფორე კეყერაშვილს, რომელსაც ერეკლე მეორემ სტამბის წარმოება ჩააბარა. აღსანიშნავია, რომ XVIII საუკუნის 90-იანი წლებიდან შრიფტს თბილისში ამზადებდნენ. დაარსებიდან 1795 წლამდე ამ სტამბაში სულ დაიბეჭდა 30-მდე სახელწოდების სქელტანიანი წიგნი.

1795 წელს სპარსეთის შაჰმა ალა-შაჰმად ხანმა დაარბია თბილისი და დაწვა ზეველ მეორის მიერ განახლებული და რუსული სტამბა. ამ სტამბის აღდგენა დაიწყო 1800 წელს.

საუკუნის დამდეგს დასაე-

ლეთ საქართველოში დიდ ინტერესს იწვევდა სასტამბო საქმიანობა. იქვე წელს იმერეთის მეფე სოლომონ II-ის საგანგებოდ ვაგზავნა მოსკოვს მესტამბე ვიორგი პაიჭაძე, რომელმაც შეიძინა სტამბის მოწყობილობანი, შრიფტი და 1800 წელს ქუთაისის სტამბაში დაიბეჭდა პირველი წიგნი „დავითნი“, წიგნერთვის გ. პაიჭაძის ანდერძი. აქ მოთხრობილია სტამბის მოწყობისა და პირველი წიგნის დაბეჭდვის ამბავი.⁵

XIX საუკუნის პირველ ათეულ წლებში ქართული წიგნის ბეჭდვა-გამოცემის საქმე თბილისში საგრძნობლად შეფერხდა. გამოჩაყლის წარმოადგენდა იოანე ქართველიშვილის „გრამატიკა“. გამოცემული 1815 წელს, სოლომონ დოდაშვილის „ქართული გრამატიკა“ (1830 წ.) და პლატონ იოსელიანის „ანბანი“ (1838 წ.).

იმ ხანებში უკეთესი მდგომარეობა იყო რუსეთში. იქ XIX საუკუნის 40-იანი წლებიდან ქართული სამეცნიერო წიგნების გამოცემას სათავეში ჩაუდგინენ გამოჩენილი მეცნიერი, საქართველოს ისტორიისა და კულტურის მოამაგე, აკადემიკოსი მარი ბროსე და ცნობილი ლექსიკოგრაფი დავით ჩუბინაშვილი. მათი თაოსნობით მრავალი ქართული წიგნი დაიბეჭდა მოსკოვის სინოდური კანტორის სტამბაში. ცოტა უფრო ადრე კი მარი ბროსეს დაუცხრომელი სამეცნიერო მოღვაწეობის შედეგად პარიზში გამოვიდა მთელი რიგი ქართული საისტორიო და ლინგვისტური შრომები ფრანგულ-ქართული ტექსტებით. მ. ბროსემ და დ. ჩუბინაშვილმა გამოაქვეყნეს შ. რუსთაველის „ვეფხისტყაოსანი“ (1841), ვახუშტის ვეოგრაფიული ნაშრომი, კლასიკური ქართული ქრესტომათიები, დ. ჩუბინაშვილის ლექსიკონები და სხვ.

XIX საუკუნის პირველ ნახევარში რუსეთის სტამბაში დამკვიდრებული ქართული წიგნის ბეჭდვა იმდენად მყარია

5. წიგნი ინახება ქუთაისის სახელმწიფო მუზეუმში.

გამოდგა, რომ როცა სამოციან წლებში ქართული წიგნის ბეჭდვის ცენტრი კვლავ თბილისი გახდა, პეტერბურგში ქართული წიგნის გამოცემა შეუფერხებლად მიმდინარეობდა. ასე, მაგალითად, პეტერბურგში პირველად დაიბეჭდა სულხან-საბა ორბელიანის იგავების კრებული „სიბრძნე სიცრუისა“. ცნობილმა თერგდალეულმა, ილიას თანამოაზრემ კირილე ლორთქიფანიძემ აქ შეადგინა და გამოსცა „ჩონგური“, რომელშიც გამოქვეყნდა ნიკოლოზ ბარათაშვილის, ილია ჭავჭავაძის, აკაკი წერეთლისა და სხვათა ნაწარმოებები.

60-იანი წლებიდან ქართული წიგნი საბოლოოდ უბრუნდება თავის მშობლიურ ქვრას — თბილისს, სადაც შედარებით ფართო საგამომცემლო საქმიანობა გაიშალა, კერძოდ, დაიბეჭდა დიდი ქართველი პედაგოგის იაკობ გოგებაშვილის სახელმძღვანელოები, ჟურნალ „ცისკრის“ რედაქციამ გამოაქვეყნა იოანე ბატონიშვილის „კალმასობა“ (ნაწ. 1), „ვეფხისტყაოსანი“ და სხვ.

70-იანი წლებიდან ქართული წიგნებისა და ჟურნალ-გაზეთების გამოცემას სათავეში ჩაუდგნენ ილია ჭავჭავაძე, აკაკი და გიორგი წერეთლები, ნ. ნიკოლაძე, ს. მესხი, ივ. მინაბელი, რომელთა დაუღალავი შრომის მეოხებით ქართველმა მკითხველებმა შედარებით მოკლე დროში ნაბეჭდი სახით მიიღეს ძველი და ახალი კლასიკური ქართული მწერლობის ნაწარმოებები, სამეცნიერო და საისტორიო ხასიათის შრომები.

ქართული წიგნის გამოცემის საქმეში დიდი დეაწლი მიუძღვის აგრეთვე ქართველთა შორის წერა-კითხვის გამავრცელებელ საზოგადოებას. და მაინც ქართული წიგნის გამოცემას აბრკოლებდა და ზღუდავდა თვითმპყრობელური საცენზურო პირობები და მძიმე მატერიალური მდგომარეობა.

საქართველოში საბჭოთა ხელისუფლების დამყარების შემდეგ ქართული ნაბეჭდი წიგნების რიცხვი და თემატიკა არნახულად გაიზარდა. თუ ქართული წიგნის ბეჭდვის შემოღებიდან (1629.)

საქართველოში და მის გარეშე თითქმის 300 წლის მანძილზე — 1921 წლამდე სულ გამოიცა 6,203 ქართული წიგნი, რომელთა საერთო ტირაჟი ერთ მილიონს არ აღემატება, 1921 წლის თებერვლიდან 1969 წლის პირველ იანვრამდე (48 წლის მანძილზე). დაიბეჭდა — 32,542 სახელწოდების ქართული წიგნი, რომლის საერთო ტირაჟი 18 მილიონს აღწევს.

თუ რევოლუციამდე რუსთაველის „ვეფხისტყაოსნის“ ორიოდ გამოცემა არსებობდა, საბჭოთა პერიოდში იგი ორმოცდაათჯერ გამოიცა, რომელთა საერთო ტირაჟი 500 ათასს აღემატება, დიდი ტირაჟით გამოდის ილიას, აკაკის, ვაჟას, ნ. ბარათაშვილის, ალ. ყაზბეგის, გ. ტაბაიძის და სხვა კლასიკოსებისა და თანამედროვე მწერლების ნაწარმოებები.

ქართველი მშრომელები მშობლიურ ენაზე ეცნობიან მარქსიზმ-ლენინიზმის კლასიკოსების ყველა ნაწარმოებს.

ქართულად თარგმნილი და გამოცემულია თანამედროვე და კლასიკური რუსული ლიტერატურის ყველა საუკეთესო წარმომადგენლის ნაწარმოებები.

თარგმნა და გამოიცა სახალხო დემოკრატიული ქვეყნებისა და დასავლეთის კლასიკოსების და თანამედროვე მწერლების საუკეთესო ნიმუშები, ქართველი მკითხველები ახლა მშობლიურ ენაზე კითხულობენ ბალზაკის, ზოლას, სტენდალის, ჟულ ვერნის, ჰიუგოს, მოპასანის, ანატოლ ფრანსის, გოეთეს, შილერის, იბსენის, შექსპირის, პროსპერ მერიმეს, ანრი ბარბიუსის, ჯეკ ლონდონის, ჰემინგუეისა და სხვათა ნაწარმოებებს.

რევოლუციამდელ აპარაში, განსაკუთრებით თურქი დამპყრობლების ბატონობის პერიოდში, ქართული წიგნის გამოცემაზე ლაპარაკი ზედმეტი იყო, რადგან თურქი ანტილატორები ყოველგვარ ღონისძიებას მიმართავდნენ, რათა მკვიდრ მოსახლეობას დავიწყებოდა მშობლიური ქართული ენა. აპარლებს უცვლიდნენ გვარს, სახელს, ქართულ ენაზე ლაპარაკისათვის აჯარიმებდნენ. სას-



ტიკად იღვევებოდა ქართული წიგნები. აჭარელ მშრომელს სწყუროდა სწავლა-განათლება, ენატრებოდა მშობლიური ქართული წიგნი.

საქართველოსთან აჭარის შეერთების შემდეგ დაიწყო ბათუმში ქართული წიგნის გამოცემა, მაგრამ ძალზე შეზღუდულად, რადგან მეფის მთავრობას სრულიად არ აინტერესებდა მოსახლეობისათვის მშობლიურ ენაზე მიეცა სწავლა-განათლება.

პირველი ქართული წიგნი ბათუმში დაიბეჭდა 1889 წელს ა. მახარაძის კერძო სტამბა-ლითოგრაფიაში.⁶

სულ რევოლუციმდელ აჭარაში გამოიცა 100-მდე სახელწოდების ქართული წიგნი მეტად მცირე ტირაჟით.

საბჭოთა ხელისუფლებამ აჭარის მშრომელებს მოუტანა თავისუფლება, შეძლებული და კულტურული ცხოვრების ნათელი პერსპექტივები, ბათუმში შეიქმნა აჭარის ასსრ სახელმწიფო გამოცემლობა, რომელიც მშრომელთა იდე-

ური და კულტურული დონის ამაღლებას ემსახურება. აქ სისტემატერაპიული, პოლიტერაპიული, ფლო-სამეურნეო და სხვა ხასიათის ლიტერატურა.

1921 წლიდან 1969 წლამდე (48 წლის მანძილზე) აჭარაში გამოიცა 750-ზე მეტი სახელწოდების წიგნი 1,3 მილიონზე მეტი ტირაჟით, ამასთან სახელმწიფო გამოცემლობა სისტემატერად აღიღებს წიგნების გამოცემას. თუ 1958 წელს გამოიცა 25 სახელწოდების წიგნი, მიმდინარე წელს გამოვა 50 სახელწოდების წიგნი და ბროშურა. 300 საგამომცემლო თაბახის მოცულობით.

აჭარაში გამოდის ორი საოლქო (ქართულ და რუსულ ენებზე) და 5 რაიონული გაზეთი (ქართულ ენაზე), საქართველოს მწერალთა კავშირის აჭარის განყოფილების ლიტერატურულ-მხატვრული და საზოგადოებრივ-პოლიტიკური ჟურნალი „ლიტერატურული აჭარა“.

ქართული წიგნის გამოცემის უდიდესი პერსპექტივები ისახება მიმდინარე ხუთწლედში. საკმარისია ითქვას, რომ 1969-1973 წლებში საგრძნობლად გაიზრდება წიგნის გამოცემა როგორც სახელწოდების, ისე უმთავრესად ტირაჟის მხრივ.

ახლა ქართველ მშრომელებს ყველა პირობა აქვთ ხარბად დაეწაფონ წიგნს, ცოდნისა და განათლების ამ უშრეტ წყაროს.

6. „ახალი ლექსები სალდათობაზე და ჯიბის ფულზედ შედგენილი მღვდლის შვილის მიერ გერასიმე თევზაძისაგან. ბათუმი. მახარაძის სტ. ლითოგრაფია. 1889 წ“. წიგნის ერთი ეგზემპლარი დაცულია ლენინგრადის სალტიკოვ-შჩედრინის სახელობის სახელმწიფო საჯარო ბიბლიოთეკაში.



შეხება

მე და ჩემი მეგობარი ერმალოზ კვინიხაძე სოფლის ცენტრში, მუხის ძირას ვისხედით და ვსაუბრობდით. ვისხენებდით ჩვენს პირველკლასელობას და მხიარულ ხასიათზე ეცუავით. ის იყო ერმალოზს რაღაც ახალი ამბავი უნდა დაეწყო, რომ ფოსტალიონმა ხელში დებუნა მიაჩენა და თვითონ ძალაუნებურად მეტად სერიოზული სახე მიიღო.

— რაა, ბიჭო აგი? — გაიკვირვა ერმალოზმა და ფოსტალიონს აღმაცერად ახედა.

— წაიკითხე და გაიგებ.

— ეჰ, არ დავღუპულვარ კაცი! — დაიკრა მუხლებზე ხელი ერმალოზმა და ზეზე წამოვარდა.

— რა ამბავია, ერმალოზ, ხომ მშვიდობაა? — მივაძახე, მეც ფეხზე წამოვვარდი და თვალი დებუშის ფურცელს გავაყოლე.

— რაღა მშვიდობაა, საწყალი ჩემი სიდედრი არ მომკვდარა! იგი უბედური! ვინ შეუცხადებს ახლა ამას ჩემს აგრაფინეს. არ მოიკლავს ცოცხალ თავს! — წარმოსთქვა მოკლე მონოლოგი ერმალოზმა და ფოსტალიონს მიუბრუნდა.

— შენ. ბიძია, იმიზა გაქვს მაგი ჩანთა კისერზე ჩამოკიდებული, რომ ხალხს წესიერად მოემსახურო. წერილი და დებუნა სახლში უნდა მიუტანო. წადი ახლა, წაიღე აგი და შენ თვითონ, შენი ხელით მთართვი აგრაფინეს. ნახე რანაირ არაყს გახუხეინებს, მიჩვეული რომ ყავხარ. — ფოსტალიონმა უგანა, მე ჩემი ვალი პირნათლად მოვიხადეო, მიაძახა და გაუჩინარდა.

— ა, რა ვქნა ახლა მე? — იკითხა შეწუხებულმა ერმალოზმა.

— რა გავწყობა, უნდა შევეუცხადოთ, აბა, მაგის დამალვა ხომ არ შეიძლება? დედაშენი სადაა, ხომ სახლშია? — ვკითხე ცოტა ღუმლის შემდეგ ერმალოზს.

— დედაჩემი, — ამოოხვრით გაიმეორა ერმალოზმა, — არა, ქალაქშია. ეჰ, ის რომ იყოს სახლში, მაშინ... — რაღაც კიდევ უნდოდა ეთქვა, მაგრამ ღუმილი ამჯობინა და მე შეშომხედა.

— აბა, ახლა წადი შენ, აგრაფინე შეამზადე, მე კი ამასობაში მეზობლებს შევატყობინებ და გეახლებით. ნუ გეშინია, აგერ არ ვართ ჩვენ! ჩვენი ჭირი და ღვინა რამ გაყო? — დავაიმედე მეგობარი და მეც გავეცალე.



ერმალოზი ფეხმოკვეთით ჩავიდა ეზოში, ოდის კიბე უხმაუროდ აიარა, საკმა გამოიტანა და თავზე ხელბეშემოწყობილი მოაჯირს მიუჯდა. აგრაფინემ საკმეები რომ მოითავა, შემდეგ, მოვეიანებით ახედა ქმარს. რალაც არ მოუტყულო მოწყენილობა, იფიქრა, ავად არ იყოსო. აკანიწებული კაბის კალთა ჩამოუშვა. თხები შეისწორა, ხელები გაისუფთავა და ქმარისაკენ გაემართა. გვერდით დაუდგა ერთხანს უცადა რამეს თვითონ მეტყვისო, მაგრამ ერმალოზს უნა მუტეკლში ჩაუყარდა და რას ეტყოდა. ისევე აგრაფინემ ამოიღო ხმა.

— რა იყო, კაცო, რავე კრიჭაშეკრული ზიხარ, რა მოვივიდა, ავად ხომ არა ხარ? — ეპ, ნეტავ მე ვიყო ავად და ავი ამბავი არ მოგვსვლოდა. — ენის ბორძიკით წილდულდულა ერმალოზმა და ცალი თვალი ჩუმად ცოლისკენ გააპარა.

— რა ამბავია? — მეხდაცემულივით აუწია უცებ ხმას აგრაფინემ და ქმარს დაუცაცხანა. — ამოიღე ეს ამოსაძრობი ენა, თქვი რა მოხდა.

— რა და... — კვლავ დაება ენა ერმალოზს. — რა და საწყალი დედაჩემი... — ჩემი სიდედრითი უნდოდა ეთქვა, მაგრამ ვეღარ გაბედა. — აღარ გვეყავს. — როგორც იქნა ამოდგრა. ცოლს დებემა ხელში ჩააჩეჩა, აზლუქუნდა და მდღლარე ცრემლები გადმოიღვრა.

— ზოდა, ასე ვერ იტყვი, — ამოისუნთქა აგრაფინემ. დებემა შეაბრუნ-შემოაბრუნა, არც კი წაუკითხავს ისე მიაგდო გვერდზე. ქმარი შეეცოდა და დაუყვავა.

— კარგი, ახლა, თუ ღმერთი გწამს, თავს ნუ მოიკლავ, ნასწავლი კაცი ხარ, განათლებული, შეგნებული, რა მოხდა მერე, ასევე ეს ქვეყანა, მამები უნდა მოკვდნენ, დედები უნდა მოკვდნენ, შვილებმა და შვილიშვილებმა უნდა გაიხარონ. შეგნებული კაცი ხარ და შეგნებულად უნდა მოიქცე.

— მა... მა... მასეა, ხომ? — ცოტა გული მოეფონა ერმალოზს და ხმას აუწია.

— კი, კი მასეა, შენ ნუ მომიკვდები. — კვლავ დაუყვავა აგრაფინემ.

— აბა, მასე თუა, ავაშენა ღმერთმა. შენც შეგნებული და განვითარებული ქალი მყავხარ.

მერე?

— წაიკითხე დებემა... დედაჩემი კი არა დედაშენი მომკვდარა. ის უბედური. აბა ახლა შენ იცი და შენმა ქალობამ, როგორ შეგნებულად შეხვდები ამას, არ დაგაეწყიდეს. მშობლები უნდა მოკვდნენ, შვილები უნდა დარჩნენ.

— ვაიბე, დედა — იწიელა აგრაფინემ და გაიქაჩა. თუ არა ჩემი წინასწარ შემზადებული მეზობლები, ერმალოზი ცოლს ვერათერს მოუხერხებდა. ალბათ, მოაჯირიდან გადმოიკრებოდა და ერმალოზსაც თან გადმოიყოლიებდა.



ქურნალ „ლიტერატურული აზარის“ 1969 წლის ნომრების
შინაარსი

ლექსები, პოემები

ანანიძე ა. — ლენინი ყრილობაზე,
ანანიძე ლ. — ესკადრილია, № 4.
წვიმა ქალაქში, № 1.
ანთაძე ც. — დედა, მოვიდა ჩემი პა-
ტარა შვილი, № 2.
ართილაყვა რ. — მწიფობისთვე, № 5.
ახობაძე ა. — სიმღერა ჰქეია, ***
(ელვით და მეხით) № 1.
გვარიშვილი ნ. — მრავალ ახალ წელს!
მეზღვაურები, ზამთარი ზღვაზე, თეთრი
ცრემლები, გზას დავადგები, დიდი, დი-
დი ხელები, უნდა მივიდე, პატარა ჩიტი,
საჭართეველოს ცაო, № 1.
გორგილაძე ზ. — მაჩვენეთ, № 5, უნ-
და ავმადლდეთ, საუკუნე გვავალებს რო-
ცა (ლირიკ. პოემა), № 6.
გურგენიძე ა. — რწმენა, № 2.
ვარშანიძე მ. — იავნანა, ზარზმა, მე
და ჩემი ნუგზარი, ირმა გიგალობს, სამ-
შობლოქ!, ჩემი გოგონა, დედა, სურათი
და მხატვარი, ჩემო ბიჭუნავ, *** (რის-
თვის დაგარქვა...), რა ლამაზია, რა დია-
დია, № 3, შემოანათა აპარლის ქოხში
(ლირიკ. პოემა), № 4, დიდება შენდა!
№ 5, ჩემი ქუჩა, აქ დავიბადე, ვიცი ჩა-
მოსხვალ, თეთრი ნისლი, მეც ვმადლდე-
ბოდე, *** (ეპ. გული იწვის...), № 6.
კეყერაძე ზ. — რწმენა, აღმართი, № 5,
დრონი მეფობენ, № 6.
ლორია რ. — საუბარი შვილთან, ჩვე-
ნი სოფლის ქალები, № 1, წამიყვანე რა!
№ 3.
მალაზონია ნ. — ცა და მწვერვალი,
№ 5.

მელია ი. — დიდი სიცოცხლე, № 2.
მუავია ქ. — ლენინის დროშა, № 2.
მზის სიყვარულით, *** (ულამაზესო...),
№ 4, შენ დამილოცე, № 5.
როყვა შ. — პოეტი, № 5.
სალუქვაძე გ. — ლენინი ბათუმის
მთაზე, ჩემი მიწა, გურიელიძის ქალო!,
დაგაგვიანდა, დღე, ნუ შემიბრალებ, № 3.
ფიქრი, № 5.
ქათამაძე ჯ. — ზღვასთან, ელიას ციხე-
*** (დღეს ჩემთან ცეკვავ...), № 3.
შეთიკაური გ. — გემი „რუსთაველი“
ბათუმის ნავსადგურში, № 5.
ჩხარტიშვილი რ. — ფოთლების სიმ-
ფონია, *** (წყაროს გასწვია ტავანით),
№ 1, მინიატურები, № 5.
ხალვაში ფ. — ნუგეში, კარჩხალის
მთა, მეჭიბონე, შენ, პეჩორა და ნისლი,
წყალი ჩამოდის, *** (პოლონეთში ბა-
თუმზე...), № 2. და ხდება ასეც... № 5.
ჯაყელი ჯ. — კვალი, ბუხარი, არ ვე-
კითხებით ერთმანეთს, აფსუს...
(თვალთ უყვადებების...), *** (თუ მოსვლი-
არის...), № 1.
ჯანგულაშვილი თ. — შირილდანი, № 1.
ჯალაღონია ნ. — მომავალ დღეთა სი-
კეთის გეჯერა, № 6.
ზოიძე შ. — კაცი, რომელიც ქუჩაში
მიდის, № 2. ახალდაბაში, *** (მო-
ვალ...), № 5.
ხალხური პოეზია (ლექსები ლენინზე),
№ 1.



პეტრენკო პ. — დედა (თარგმნა გ. სა-
ლუქვაძემ), № 6.
კრილოვის იგავ-არაკებიდან, № 1.

**მითხრობები, ნოველები,
მინიატურები**

გელოვანი ა. — ყმაწვილი და სიკვდი-
ლი, № 1, № 2.
ლორია პ. — საუბარი ბადიშებთან,
№ 2, მისი წამბობი, № 4, № 5.
მოდებაძე ნ. — კალიდოსკობი, № 2,
სინანული, № 4, მამის კერა, № 5.
ნაცვალაძე დ. — ნალის ფასად, № 3.
სანადირაძე ვ. — კერია, № 1.
ჭანტურია ვ. — ვიბრალტარის სიმ-
ფონია, № 3, „პოსეიდონი“, № 5.
ჯიჯიშვილი ჯ. — ფიქრები ცხელ
დღეს, № 3, ჩემი პირველი მხატვარი
№ 6.
ხალვაში ფრ. — ბიძაშვილი, № 3.

**თარგმნილი მითხრობები,
ნოველები**

აკაოილი ტ. დ. — სულმდაბლობა (ინ-
გლისურიდან თარგმნა ო. ფარეიშვილმა).
მალკოვი პ. — კრემლის კომენდანტის
ჩანაწერები (თარგმნა შ. როყვამ), № 2.
ორასიო კიროვა — სამი წერილი (თა-
რგმნა გ. მაჭუტაძემ), № 3.
როსლერი ი. — გულთმისანი (გერმან.
თარგმნა ნ. ბასილაძემ), № 1.
რუდი შტრალი — ჩემი მეგობარი
სიბილე (გერმანულიდან თარგმნა გ. მა-
ჭუტაძემ), № 6.
ჰაშევი ი. — მღვდელი და მოლა (თარ-
გმნა ა. შარაძემ), № 4.

დღეები და აღზამიანები

ვაშალიძემ შ. — სახლიკაცები, № 1.
ჩაჩუა რ. — მოხუცი მეთევზის ფიქრე-
ბი, № 6.

ბიბილიშვილი ა. — ყველაფერს
უმღერის ჩანგი, № 5.
გობრონიძე ა. — აღზრდა ულიანო-
ვების ოჯახში, № 3.

მახარაძე ფ. — აქ ცხოვრობდა და
მოღვაწეობდა ლენინი, № 6.
საცვილიშვილი პ. — ლენინი და ოქ-
ტომბერი გ. ტაბიძის პოეზიაში, № 1.
ცივაძე ე. — ლენინის უახლოესი მე-
გობარი, № 1.

პრინტიპა და პუბლიცისტიკა

ბერიძე მ. — ზღაპრული მოტივი მხა-
ტრულ ნაწარმოებში, № 1.
დუმბაძე ნ. — ნოველის დიდოსტატი,
№ 6.
ქურიძე შ. — ლაყვარდში შემონახუ-
ლი სიმღერა, № 2, პოეტი და მითარგმე-
ლი, № 4.
ჭინჭარაძე პ. — ჩაქვისწყლის ტოპო-
ნიმიკის ზოგიერთი საკითხის შესახებ.
№ 1.

ცეკიტარია პ. — ძმობის და მეგობრო-
ბის გზით, № 1.

წერილები

მეგრელიძე ი. — კარის მეზობლები,
№ 3.
მეგრელიძე ი. — პანტელეიმონ პეტ-
რენკო, № 6.
თურმანიძე ო. — მეციტრუსეობა რე-
ვოლუციამდელ აჭარაში, № 4.
ინწირველი ნ. — ბათუმელი მენაე-
თობეები სამამულო ომის მრისხანე წლე-
ბში, № 3.
ლილუაშვილი გ. — მოქალაქეთა უფ-
ლებების დაცვის სადარაჯოზე, № 4.
ქურიძე შ. — პირველი ლიტერატურუ-
ლი გაზეთი აჭარაში, № 6.

აპარის წარსულიდან

ჩაველიშვილი ა., ბეკირიშვილი ი. ---

ბგარის ეკლესიის საუნჯე, № 5.

ხარაზი მ. — ქობულეთი, № 5.

ჩვენი კალენდარი

მოდისწრაფიშვილი გ. — ქართული წიგნი, № 6.

მეგობრები ულოცავენ

ძვირფასო სერგო! — (წერილი-მილოცვა ს. კლდიაშვილისადმი), № 1.

ხელოვნება

კობალაძე ი. — სცენის უანგარო მოღვაწე, № 2.

სურმანიძე რ. — დიდ სარბიელზე, № 4.

ცხვარაძე გ. — ლოტბარის გზა, № 1.

მოგონებანი

მალაზონია ნ. — ზღვა და გალაკტიონი, № 3.

გულს გული იცნობს

ხალვაში ფ. — ათი დაუფიქარი ჯღერა
ეროვნულნი
გინგლირითაჲსა

№ 4.

წიგნების მიმოხილვა

ჩაველიშვილი ა. — სატირის მახვილით, № 5.

შავგულიძე ქ. — მოთხრობა უშიშარ რევოლუციონერზე, № 3.

შანიძე კ. — საუბარი გულთან, № 3.
ალანნათქვამი, № 5.

სატირა და იუმორი

სამსონია ა. — სამი თერძი, № 4, პროტექცია, № 5.

სიორიძე ა. — კიკი, № 2.

როყვა შ. — კონკურსში გამარჯვებული, № 3.



შ ი ნ ა ა რ ს ი

ლენინიანა

ზ. გორბილბძე — უნდა ავმაღლდეთ, საუკუნე გვავალდებს როცა (ლირიკული პოემა) 3

ფ. მახარაძე — აქ ცხოვრობდა და მოღვაწეობდა ლენინი 8

მ. ვარზანიძე — ლექსები 25

ჯ. ჯიჯიანიძე — ჩემი პირველი მხატვარი (მოთხრობა) 29

ნ. ჯალაღონი — მომავალ დღეთა სიკეთის გვჯერა (ლექსი) 45

რუდი შტრალი — ჩემი მეგობარი სიბილე (მოთხრობა, გერმანულიდან თარგმნა გ. მაჭუტაძემ). 46

ზ. კანაშვანი — დრონი მეფობენ (ლექსი) 52

დღეები და აღამიანები

რ. ჩხეიძე — მოხუცი მეთევზის ფიქრები (ნარკვევი) 53

კრიტიკა და პუბლიცისტიკა

ნ. დუმბაძე — ნოველის დიდოსტატი 6

წერილები

შ. ქურდიანი — პირველი ლიტერატურული გაზეთი აჭარაში 7

ი. მუხრანელი — პანტელეიმონ პეტრენკო 8

პ. გმირაძე — დედა (თარგმნა გ. სალუქვაძემ) 8

ჩვენი ალენდარი

პ. გორიშვილი — ქართული წიგნი 8

სატირა და იუმორი

პ. ჩხეიძე — შეცხადება 9

ე. ჟორდანიანი — ლიტერატურული აქარის 1969 წლის ნომრების შინაარსი 9

2

რედაქციის მისამართი: ბათუმი, ენგელსის ქ. № 21.

ტელეფონები: რედაქტორის — 33-71, პ/მგ. მდივნის — 33-72.

ხელმოწერილია დასაბუქდალ 1/XI1, 1969 წ. საბუქდი 6. საგამომცემლო ნ. თაბახი, შეკვეთის № 4.814, ემ 00830, ქაღალდის ზომა 60X90, ტირაჟი 1.800

* * *

საქართველოს სსრ მინისტრთა საბჭოს ბეჭდვითი სიტყვის სახელმწიფო კომიტეტის მთავარბოლიგრაფმრეწვის ბათუმის სტამბა № 9 (ლუქსემბურგის 22).

ფანკი 40 კპპ.

30-3
~~5-3/41~~



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

„*ლიტერატურული ადჯარა*“

ОРГАН АДЖАРСКОГО ОТДЕЛЕНИЯ
СОЮЗА ПИСАТЕЛЕЙ ГРУЗИИ

ИНДЕКС 78116